

ELEVENTH SITTING ON THURSDAY, THE 23RD MARCH, 2006
(Time 10:30 AM to 1:00 PM and 2:00 PM to 4:00 PM)

MEMBERS' PRESENT

1. PU LALCHAMLIANA, Speaker at the Chair, Deputy Speaker, 11 Ministers and 21 members were present.

QUESTIONS

2. QUESTIONS entered in separate list to be asked and oral answers given.

LAYING OF PAPER

3. PU ZORAMTHANGA to lay on the Table of the House a copy of the Report of the Comptroller and Auditor General of India relating to the Accounts of the State of Mizoram for the year ended on 31st March, 2005.

DISCUSSION AND VOTING ON DEMANDS FOR GRANTS

3. Dr. R. LALTHANGLIANA, Minister to submit to the vote of the House various Demands under his charge.
4. PU H. VANLALAUVA, Minister to submit to the vote of the House various Demands under his charge.

SPEAKER

: "Chhanna nemin thinur a ti kiang thin a, tawng huattlilala erawh chuan thinur a chawk tho thin. Mifing lei chuan finna thu dik a chhak chhuak thin a, mi a ka erawh chuan thu atthlak a chhak chhuak thin".

Thufingte 15:1-2.

Zawhna kan la ang a, Starred Question
146-na zawt turin Pu Zodintluanga i lo sawn ang.

PU ZODINTLUANGA

Pu Speaker, Starred question 146-na kan Minister Public Health Engineering Department chhan atan -

- (a) Tui meter hi consumer engzatah nge vuah anih tawh ?
- (b) Engzatah nge vuah a la nih loh ?
- (c) Tui meter vuah sakte atang hian thla khatah cheng engzat nge a tlangpui thuin kan hmuh theih ?

**PU TAWNLUIA
MINISTER**

Pu Speaker, Buarpui bialtu zah-awm tak zawhna chhanna chu -

(a) Mizoram pumah tui meter hi Consumer 22108 hnenah vuah a ni tawh. (b) Connection hi nitin pek belhchhah zel anih avangin a correct number sawi a harsa riau va, la pek loh kan han chhutchhuah theih maiah chuan 11596 vel a ni. (c) Meter vuah tawh zawng zawngah tunah hian meter angin Bill siam a la ni lova, a zat chiah sawi lawk a har hrih a. Tui hmu tam ten tui meter anga kan Bill hi chuan an chawi tam tura ngaih a ni a. Aizawlah hian connection 921 atangin meter angin lak a ni a. Chawhrualin thla 1-ah Rs. 490/- ang meter vuah tawh atangte hian Bill an pe a ni.

SPEAKER

Pu Zodintluanga kha a phar hmasa hret e.

PU ZODINTLUANGA

Pu Speaker, zawhbelhna Unstarred Question 54-naah khan kan member zahawm tak Pu H. Rohluna zawhna chhannaah khan tui meter

supply tute hming dang a rawn lang leh a. A hma kha chuan PS Enterprise, Chanmari tih a ni a. Helaiah hian Miss Skumberger Industries Ltd. N. Delhi hi a supply tu ah hian a rawn lang leh ta a. Heta a rawn supply tu lannaah hian kan meter Box an leina a tozia kha chu kan sawi tam tawh a. 40mm phei chu meter box pakhat hia 6525 a lei a ni a. Chumiah chuan Freight 2.5 % leh Insurance Charge leh 4% CST belh leh tur tih a ni a. Ka zawhna chu he Skumberger Industries Ltd. Delhi tih hian engtingge 4% CST hi a rawn pek ve theih ang. Industries Company lian an ni a. Mizoramah hian engtingge an rawn in Register ve theih ?

Pahnihnaah chuan Pu Sailothanga Sailo zawhna 28.2.06 thlengin tui House Connection 21267 a awm tih a ni a. Vawiina kan Minister chhannaah khan tui meter hi 22108 vuah tawh a ni a. Heta han pah hian tui connection awm silo meter box vuah 841 hi a awm a. Hei hi khawlaiah nge an vuah tih ka zawt tel a ni.

PU R. LALZIRLIANA : Pu Speaker, he mi tui meter hi pawnah a tlangpuin dah vek a ni a. Hemi hi a chhiat chuan a meter neituten mawh an phur ang, an chawi ang tih a ni a. Inchhunga kan rosum pawh kan venghim thei lo a ni a. Pawna tiang ang dah a nih si hi chuan misual te pawn a ti thei a. Kutpallite pawh a tawk thei a, chutiangte chu sorkar hian a veng thei dawn nge ni a. Mahni tihchhiat nilo kha an chawi vek dawn tih kha a ngaihna a har riau a, kan zawt duh a.

Tin, meter anga chhiar a la ni lo tih kha a ni a. Ka hriat chian deuh min hnial tlattu pakhat Tuikhuahtlangah hian, "A meter char charin a ni min la thin ni" a ti a, chu chu thil a la kairual lo thei mai awm mang e aw ka ti a. Keini pawh hman deuh lawk atang khan a meter ang lovin min thin ve tho va. A meter ang lovin 107 te min chawitir ve chauh a ni reng a. Chumi hma chuan 700 te 400 te ka chawi thin a ni reng a. Chutiang chuanin midangah pawh khan a meter a chawi a lo awm thin reng em ni tih kha kan zawt duh a ni.

(S P E A K E R : Pu Lalhlengliana.)

PU LALTHLENGLIANA : Pu Speaker, tui hi kan mamawh tlang hle a. Tlawngtui kan ring a ni a. In renchemna nei mang loin thenkhat chuan inthiarna bualin khatah 6/7 te neih a ni a. Insuk nan te engkimah kan hmang a, kan tui bill chawi hi a tlem khawp mai a. Tunah tak hian engtianga pek nge water tariff hi ka zawt duh a. Tin, tui renchemna a insem rual theihna atan a meter vuah hi a nghahhlelh awm hle mai a, engtikah nge an tihfel dawn? Heti a nih chuan tui renchem intiamin kan inzirtir thei ang a. Automatically in kan renchem ang a, Aizawl khawpui tui harsatna tawk tam takte hian an lo awlsam phah dawn a, hei hi an lo vuah thliah thluah tawh a, hmun tinah, a thenah la vuah lohte a ni a. Engtik atanga hman tan tur nge tih kha ka han zawt a ni.

S P E A K E R : Chhang turin Minister i lo sawm leh ang.

**PU TAWNLUIA
MINISTER** : Pu Speaker, hemi kan Water meter supply tute hi Unstarred Question 99-naah Pu Sailothanga leh Pu Rohluna MLA zahawm takte zawhna ah khan tutenge a supplier leh an address tih a ni a. 1-naah chuan M/S T.S Enterprise Chanmari leh Skumberger Industries Ltd. Capital Top. 4th Floor New Delhi, 67 KL c/o J. H. Sangkhuma Vaivakawn Aizawl a ni.

Khami CST lak kha a care of Mizo kha a titu tak pawh a ni mai thei a. Ka hre lo nain inzawh takah chuan khalai kha a in connect theih dan tur a niin ka ring.

Tin, Water Connection neih zata kha Aizawl khawpui leh Zoram pum kan sawi kha ngaihpaawh a awl khawp mai a. Kan ngaihpaawh thuak thuak niin ka hria. Pu Sailothnaga Sailo MLA zahawm tak Starred Question 42 zawhna (a) naah khan Aizawlah tui house connection engzatnge awm? tih a ni a. Ni. 28.2.2006 thlengin House connection 21267 a awm Aizawlah tih a ni.

Tin, tuna kan chhannaah khan Mizoram pumah meter hi consumer 22108-ah vuah a ni tawh, Aizawlah chauh a ni lo. Aizawlah chuan 18257 a ni. Pu Speaker, a figure hi chu nitina danglam ve thei a ni. Mahse, hei hi a sual tam pui lo ang. Kha kha Mizoram pum leh Aizawl khawpui chhunga harsatna awm ve thei a nih avangin zawhna kha zawhna awm tak pawh a ni a.

Tin, Pu Zira zawhna, pawnah water meter hi in fixed a, a bo thlau lawng maw tih a ni a. In chhunga dah kha in remtith chuan kan duh khawp mai. In chhungah dahna remchang a awm phawt chuan kan dah zel ang, chu chu kan duhthusam a ni. Car te Scooter te kawtah kan hung mai a, a tlangpuiiin, thil chu a chhe lutuk lo chu a ni a. Chu chu amah leh amah a insawifiahah ngai ta ila.

Tin, Tuikhuahlanga mipakhatin meter ang zelin bill kan pe e, tih kha water meter ang hian connection 921 Bulk consumer identified tawh hnen atangin kan la a, chungte chu chawhrualin thlakhtah Rs.490/- pe ang an ni. Rs. 490/- chawi khan tui tin 2248 a hmu a ni. Chu chu a kalphung a ni a. Chuvangin chutianga meter anga pe te chu connection 921 hmana kan vuah hmasak tawh, bulk consumer Identify tawh zingah khan an lo tel ve anih ka ring. T.L. Mamit bialtu zahawm takin Water Tariff hi engzat chiah nge maw ni le, a tih kha hmanriah pawh khan kan sawi tawh a, sawi tam a ngaiin ka ring lova, tin engtikah nge meter hi hman anih ang, a tih a ni bawk a. Budget Speech a kan ngaihthlak tawh ang khan kumin kum tharah hi chuan water meter ang hian kan vuah tawhnaah chuan a bill pawh hi lak kan tum e, kan ti a ni. Tunah hian PHE hian Mizoram Water Supply (Control) Rules, kan draft a, chu chu Law Department-ah vet turin kan thawn a, tichuan anni in clarification an rawn dil a, chu chu kan pe lut leh tawh a, chuta tanga a rawn chhuah leh hunah chuan Cabinet-ah kan pu lut ang a, he Water Supply Control Rules, hi Cabinet in a passed hunah kan hmang dawn a ni. Tin, Pu Speaker, kan hriat sual hauh loh atan a kan duh chu Mizoram sorkarin water tariff tuna kan hman lai existing rate hi a ti pung dawn lo tih hi a ni. Tunah hian flat rate Rs. 100/- in kum 2000 atang khan kan la a. Chu chu gallon 3000 hmu chinah Rs. 100/- zel kan la a ni. Tin, gallon 3000 hmu chin kha chuan thlatin Rs. 100/- a chawi ta a, chu chu flat rate kan tih hi a lo ni ta a. hei hi mi ta tawkin kan hmuh dan a ni a, kan tui ten a daih loh avangin kan hmu pha chiaho a ni mai thei a, chu chu a kalphung a ni a. Tin, tui gallon 3000-9000 inkar hmu khan gallon khatah 7 paise angin an chawi a ni. Chu chu a kalphung a ni a, tuna gallon 3000 hmuin Rs.100/- kan pek hian, gallon 3000 hmu ta ila tin 857 ang a ni a, chu chu gallon khatah paise 3.3 ang kan pe a, tinkhat kha paise 4.5 angin kan pe a ni. Pu Speaker, tunah hian Bazar rateah chuan tui tin khat hi Rs. 4/- ang a ni a, chuvang chuan sorkarin tuna water bill kan han khawn hi chu a hming chauh tak tak a ni tih kha kan hriat kan duh viau a ni. Tin, miin tui an hman tam dan a

zirin pe tam rawh se kan ti a, chuta an han chawi tamnaah pawh chuan tin khat kha paise 24, siki a tlinglo deuh a ni dik tak chuan, gallon 3000-9000 hmang hian tinkhatah siki pawh hi an pe phalo a ni, Pu Speaker chuvangin a to reng reng lo va, tin gallon 9000 chunglam hmang chuan tinkhatah 35 paise an chawi dawn a. Chutiang chuan Water meter kan vuah hunah chuan a hmang tam apiangin an chawi tam ang a, chu pawh chu dik tak chuan Pu Speaker, Bazar rate tin khat Rs. 4/- nen chuan tlawm hlei tak a ni. Water meter hman hunah pawh khatianga tin khat a 35 paise lo pek ve kha chu a hmang tam tan pawh khan a tha nat awmlo viau ang tih kha Pu Speaker kan ring a ni.

PU R. LALZIRLIANA : Pu Speaker, kha kha gallon 9000 chin chunglam kha lo ni ta sela, 9100 lo ni ta se, 1-9100 kha paise 30 khan a lei dawn ta tihna nge, 9000 atanga a chuang tlemte chauh kha a lei dawn tihna?

PU TAWNLUIA MINISTER : Pu Speaker, Flat rate kha chu a awm phawt dawn a ni. Flat rate kha 3000 gallon a ni ta a, 3100 anih chuan 3000 manah khan Rs.100/- a pe phawt ang a, tichuan a chuang 100 kha paise 7 khan a pe dawn a ni. Power tariff a bul atanga an chhut that leh ang hi a ni lova, water meter kan vuah chinah chuan 3000 chin kha chu Rs. 100/- a ni tawp ang. 3000 a pelh khan gallon khat zel kha paise 7 a ni e, kan ti mai a ni. Khatiang kha a ni ta zel a, hetah 9000 gallon chunglam anih pawhin gallon 3000 man a pek tur ang chu a pe phawt ang a, a tamna kha chhut leh a ni chauh ang.

PU ZODINTLUANGA : Pu Speaker, khalai kha tlemin min han clarify sak lawk sela, nichin khan tunge a Supplier tih kha a Supply tu kha Skumberger Industries tih a ni a. A care off in CST a lo pek sak daih kha chu a dik loin ka hria a. Khalai kha care off J. H. Sangkhuma, Vaivakawn tihin CST a lo pek ngawt kha chu a zialo deuhvin ka hria a. Khalai kha min chhang theilo anih pawhin min lo ensak sela, hei kan Taxation Minister ten VAT an ti a, registration-ah uluk takin an ngaipawimawh em em mai a. Khalai kha min rawn clarify sak sela, tunah a ti theilo anih pawhin nakinah helai hi tu ber hi nge CST chawitur hi, tih kha min han hrihfiah sak sela, a thain ka hria.

SPEAKER : A sawiin ka hria a, khalai kha chu Rules an buatsaih mek a. Cabinet in a pass hunah kha kha chu. Tin, Tax chungchang pawh

kha a hriatthiam dan angin a chhangin ka hria a. Mahse, kan member zahawm tak khan duhbelh deuh a la nei a, kha kha lo enzui ni thei sela. A lawmawm ang e. Starred Question 147-na zawt turin Pu R. Khawpuithanga i lo sawm ang.

PU R. KHAWPUITHANGA : Pu Speaker, ka zawhna Starred Question 147-na School Education Department changtu Minister zahawm tak chhan atan ka zawt a.

- (a) Kumin 2006-ah hian School Education Department hian School naupang engzat hnenah nge zirlaibu a thlawna a pek ?
- (b) Kum engtik atang khan nge a pek thin ? tih ka zawt e.

S P E A K E R : Chhang turin School Education Minister zahawm tak Dr. R. Lalthangliana i lo sawm ang.

Dr. R. LALTHANGLIANA MINISTER : Pu Speaker, kan member zahawm tak Pu R. Khawpuithanga zawhna 1-na chhanna chu - Kum 2006-ah hian SSA hnuaiyah School naupang 179973 hnenah zirlaibu a thlawnin a pe, tih a ni a.

Tin, SCERT atangin IEDC kan ti a. (Integrated Education for Disable Children) hnuaiyah naupang 3753 an awm a. A fund Government of India atangin kan hmu a. Chung hnenah chuan a thlawnin zirlaibu leh thil tul dangte kan pe bawk a ni.

Tin, pahnihna chhanna chu - Kum 2002 - 2003 atangin, tih a ni bawk e.

PU R. KHAWPUITHANGA : Pu Speaker, Education Department hian hna a thawk nasa hle mai a. Thil chi hrang tam tak a awm a, Demand sawi hunah pawh kan la sawi hlawm ka ring a. A bik takin Hindi Teacher Primary School a 500 zet mai lak an tum te, a dawtah 600 chuang lak leh tur a ni te hi tunhma khan lo nawr tawh thin a ni em ? Primary School ah hian. Tunah hian kan neih thar hi tunhma khan kan nei lova, lo nawr tawh thin a ni a, chu chu harsatna a awm nge ni, tunah kan neih theih tak hi a lawmawm hle a. Tunhma khan engatinge kan la neih loh ? tih kha zawhna pakhatna ni se.

Tin, India ram pumpuiah literacy-ah hian a sangber dawttu kan ni a. Kerala hi kan phak loh a ni a. Tunah hian 91% ni tawhin kan hria a. Chuan pakhatna ni turin nngge hmasawna kan neih? a tul lai tih kha ka zawhna pahnhna a ni a.

Tin, a pathumna atan chuan vocational project tuna an kalpui mek hi engtianga bawhzui zel nge ni anga hma lak dan tur. tih kha ka zawt tel bawk a ni.

PU H. LIANSILOVA

Pu Speaker, Education demand te kan sawi dawn bawk a. Ka zawhna tur hi a harsa lova, min chhang thei main ka ring a. Hei kuminah

HSLC result kan hre ta a, Distinction leh first a pass ringawt pawh 1000 an fling deuh mai a. Tin, Second Division-ah 1400 chuang an ni a. Heng kan zirlaite hian tunlai zirna a hma sawn zelnaah hian Science zirna lam hi kal an duh deuh fur mai a. A bikin first division a pass chunglamah chuan. Tin, second division a pass te pawhin chutiang bawk chuan beiseina an nei a. Tunah hian Higher Secondary-ah hian Science zirna kan neih hi Aizawl khawpuiah hmun 4 hmun 5 emaw a ni a, han sem rual khan sikul pakhatna admission dil kha 300 theuh pawhin han sem rual ila, an indaih tawh emaw kha a ni dawn a, sikul pakhatna 300 te admit kha chu a har viauin ka ring a, chutiang ang chuanin Aizawl hmar lamah hianin Higher Secondary School changtlung tawh sa awmah hianin Science zirna pawl XI atanga XII ah hian min ngaihtuah sak ve ula, tin session hmasa lamah pawh keimah pawhin kan sawi lang tawh a. Tin, kan Education Minister pawhin kan mamawhna hriain min enzui sak tumna thu pawh a sawi a, hei, tunah hian chulamah chuan beisei tur te kan nei angin, Chaltlang leh Zemabawh te saw High School changtlung tak, a hmun leh a zirtirtu, Principal te pawhin zo tak tur a ni a, tih kha kan zawt duh a ni e.

SPEAKER

A pawimawh a ni ang, an phar sup sup mai, Pu Rina kha Pu Liansailova din khalh a tum main ka hria, i lo sawm hmasa

ang. Pu Lalrinliana Sailo.

PU LALRINLIANA SAILO

Pu Speaker, ka lawm e, ka zawhbellhna, tun tum High School result chhuakah khan ka chhiar sual loh chuanin High School 65-

ah khan matric pass lo nil awmna kha a ni a, hei hi sorkarin an tih that zawk theihna tura hmalak dan ngaihtuahna a nei a ngem? tih ka zawt a, hmalak dan a awm a ngem? Tin, pahnhnaah chuan hmannia ka zawh tawhna, zirtirtute

chawisana condonation khami kha assurance kha mi pe deuhin ka hria, kan lo en a nge, a ti a, min hrih thei tawh em? Condonation a pawisa inanglo lutuka kha tih kha kan zawt a. Tin, pathumna khami tho a ka zawhna, nikumah Hindi Teacher lakna tura ka hriatsual loh chuan Hindi Teacher te hlawh tur kha 7000 vel emaw a ni ang a, cheng 500 hlawh tur cheng vaibelchhe 4,50,00,000 vel niin ka hria a, a dik em? kha kha eng head-ah nge tunah hian dah a nih tih kha ka la zawt ta cheu a ni.

S P E A K E R : Suangpuilawn bialtu kha a ti khat deuh a, sawm hmasa ila, chutah Pu Zira kan sawm dawn nia. Pu Lalsangzuala.

PU H. LALSANGZUALA : Pu Speaker, hei a lawmawm hle mai a, kan Central sorkarin zir-laibute a thlawna kan naupangte hnena an sem hi, hetah hian a sem dan a tehfung hi hriat ka duh a, zir-laibu a thlawna an pek te hi an kum zat, kum chuti chin tih angin nge ni a, a pek a, a pawl zat High School section, Middle section chin tih ang renga a pek dan hi SSA hnuaiah hian anih phawt mai a, High School ah te hian SSA naupang kum 14 chin, ka hriatsual loh chuan a niin ka hria a, High School-ah hian naupang kum 13 chinte pawh hi an tam a, an dawng ve lem lova, hengah hian eng angin nge a pek dan kalphunga hi min hrih theih em aw, tih ka zawt a ni.

PU R. LALZIRLIANA : Pu Speaker, kum kalta lama matric result chhuak School thenkhatte tha lutuk, result tha lutuk, sawi a tam avangin one-man enquiry commission din niin ka hria, khami report kha sorkar hian a dawng tawh em? Dawng ni ta sela, member te hi a sem ve theih em? tih ka zawt a ni.

S P E A K E R : Chhang turin Minister i sawm ang.

Dr. R. LALTHANGLIANA
MINISTER : Pu Speaker, Education hi zawhna hi a inpersan thei ang reng a, amaherawhchu, a chhan theih ang angin chhan kan tum ang a. Kan

main question kha chu zirilaibu a thlaw... sem tih kha a ni a, chutih lai chuan kan Member zahawm tak tak ten kar hla tak tak a ni kha min han zawt a, a then hi chu han chhan theih mai turah ka ngai tho a a theih ang angin chhan kan tum ang a, a tawp bera zawhna kan dawn, kan Member zahawm tak Pu Zira zawhna, nia nikumah khan lunun thenkhatah kan matric result a kha a tha lutuk deuh a, a rinhlelh awm thei em? tih kha kan chhui tir a, a report pawh a lo lut tawh a, chu chu kan enchho mek a, member te hnena han pek a han tih chiam chi kha a ni em? tih kha ka hre lova, rin ai khan Bible tiat zet mai kha a ni a, a chhah khawp mai a, han sem chiam tur ang kha chuan kan buatsaih lo mai thei, engpawhnise, a en theih turah ka ngai a, hei hi transparency kan ti ta sa sa, kan hriat vek pawh kha a that ka ringa amaherawhchu, chipchiar taka Houseah chuan tun dinhmunah chuan han sawi thei tur anga report enquiry report a kha ani lo tih kha min lo hriatsak ta sela a thain ka hria a.

Tin, chumi rual chuan a text book lampang kha a tawp lamah kal lut ta ila Pu Speaker, kan High School leaving certificate examination chungchangah hian kumin hi kan sawi duh lawk a chu Pu Speaker, kan House information atan pawh kan lawm ve ang reng viau mai a, a chhan chu kumin a kan matric exam a kha new-courseah kan introduce leh chiaah a, chutih lai chuan academic session kha NGO hrang hrangte leh engemaw khanin Calendar year in January atanga December inkar ang zawng hianin a Mizo deuh a tih khanin kan indah lut chiaah kumah rin aiin kan zirna period a tlem em em kumah new course exam turin kan naute an in buatsaih a, exam ka han nei ta kha a ni a, chutih lai chuan harsa tak chungin 40.49% a kha new course ah hian kan has pass thei ta a, helaia kan sawi duh lawka chu 2003-ah khanin CBSC tho new course kha kan exam a ni kum thum kal taah khan, khatia a hmasa bera new course an rawn introduce khan harsatna zirtirtute pawhin kan tawk thei a, a zirilaite pawhin kan tawk thei a, chutih chung chuan 2002 ah kha chuan 30.95% chauh kan pass a, a awmia chu 2003 ah kha a hnu kum 3 2003 2006-ah hian 10% deuh tho in kan result kha a improve ani tih kha he House hian min hriatsak ka duh a. Duhthu chu a la sam lo, a tlem berah 50% hi chu pass ve ila tih kan duh dan a ni a, mahse, new course vangin nikum a 45.77% kha kan khum lohna chhana kha House hian min hriatpui ka duh a. Chumi rual chuan School thenkhat la ti tha lo fo mai pakhatmah pass lova nil result kan la nei a, hei hi pawl kan ti khawp mai a. A bik tak Board of School Education lampang hian tan an la nasa ve khawp mai a, recognition pek chungchangah pawh hian result nil nei a te kha chu pek tawh loh ang zawng te pawh khan kan in ti chho a ni, churvang chuan, result te pawh hi tlem in a that phah deuh a, engpawh nise, kha NIL School em em te leh result chhe lutuk angte hi chu 20% pawh pass tir lo ang em em hi chu ngaihtuahna kan nei viau va, an Affiliation te pawh kha kan cancel sak mai dawn lawm ni kan han ti a, mahse, kan sawi duh chu he House ah hian MLA te pawhin kan bial an lo awm anih pawh chhan lo ta ila, Quality Education kan duh tak tak leh result kan duh that dawn chuan tumah hian sawipui lo ta ila a tha a kal kan duhna lamah hian kan in el a pawimawh riau in ka hria a, Affiliation te pawh cancel a awm mai thei a, tun kumah hian a lo a lutuk a ti chhiate hi chu.

PU LALRINLIANA SAILO

: Pu Speaker, kan sawi ve lawk, a awm khawp mai a, keini bialte pawh an ni a, lehkha ka han thawnaah pawh tun kum chu

nasa takin i tang teh ang u kan ti a, programme te pawh siam ve an level tawh an tum a. Mahse, zirtirtu duh ang hmuh lohna leh eng emaw velah hian a buai tlat mai a, hei hi kan sawi thin a hi min ngaih pawimawh sak sela a tha ngawtin ka ring. Result tha leh zirna tha chu kan duh dan a in ang vekin ka ring, zirtirtute chungchang a transfer leh dil belh hi an beng tlem in thinlung hi rawn hawng zau se a tha lawm maw ni le.

**Dr. R. LALTHANGLIANA
MINISTER**

Pu Speaker, a dik khawp mai a, a bik takin thingtlanga kan High School te zirtirtu khawpui a transfer luh tun hma atanga lo tam

lutuk tawh hian zirtirtu indaih lohna kha a dik khawpin ka hria a. Aizawl a kan High School tam tak te ang chuan Khawhai bialah zirtirtu chu indaih se Science Teacher te chu nei tha sela chuan kawngro chu a su khawpin ka ring a, kha kha fully in ka agreed a, post ruak eng emaw zat Pu Speaker, a bik takin Science zirtirtu kan lak theih lohte pawh kan nei nual a, mahse, hmanni lawk khan kan Chief Minister khan a zin hma in hei hi chu contract basis talin min tihsak a tha ang a, tiin kan sawi duh a, a principle chuan min phalsak a, kan rawn thuan chho a. Engpawh nise, hmasawna thingtlang lamah pawh awm thei turah ka beisei.

PU SAILOTHANGA SAILO

Pu Speaker, result a thatin kan chhui zui a, a chhiat lahin kan vau zui baw si a, engtia awm tur nge maw ni ang le? a

buathlak hle chu anih hi maw le.

**Dr. R. LALTHANGLIANA
MINISTER**

Pu Speaker, eng emaw thawm riva helai hi fel tawh lo a awm a ni ang a tih report a awm avang khan a result tha kan

welcome lo tilna nilovin khalaiah kha chuan chhui loh theih lohni ziate leh pawl ho angte pawhin hriattirna a awm avang khan sorkar kan chet chhuah a ngai a, hei hi a danglamna ani tih kan sawi duh a. Tin, kan result pawh a tha chho zelin ka ring a, Pu Speaker, kan MBSE hi an tang ve khawp mai a, Teacher Orientation Programme te leh seminar te an buatsaih a tunhna kan tih ngai loh chu chuan zirtirtu tam takte an ngaihtuahnate pawh ti phurin thiamnate pawh thuk zawkin a pe in ka hria a, chu chu kan sawi belli duh a ni.

Chuan zawhna dang neuh neuh kan memberte khan kan nei a, Pu Liansailova zawhna kha kan High School result a tha viau a, Science la duh kan tam a, chutih lai chuan, a bikin Aizawl khawpuih te phei chuan Science lakna tur School kan nei tlem si a, ti kha ani pawh thahmem ngai taka min rawn nawrna a ni a. Tin, kan Opposition MLA te bakah ruling MLA te leh kan Minister thenkhatte pawhin an bial chhungah a bika

Science zirna Aizawl khawpui chhungahte pawh dah tura rawtna a awm a, chumi kawngah chuan thil lawmawm tak kan nei thar dawn a, April thlaah hian admission kan ti thei turah ka ngai a, Opposition bial pawh kan en hrang lo, Chaltlang Higher Secondary ah khan Science Wing thar April thla atang hian kan hawng dawn tih kan sawi duh a, Zemabawk Higher Secondary School Science Stream thar kan hawng dawn bawk a ni tih kha kan sawi duh a. Tin, KM-ah kan hawng thar dawn bawk a, Lunglei nikumah kan hawng thar bawk a, zawi zawim kan ti chho turah ngai ila, Kawnpui bial lam pawh thlen hun a la awmin ka ring a, kan ti chho zel turah ka ngai a. Engpawhnise, Science stream thar School 3-ah Aizawlah kan hawng thar dawn a ni tih kan sawi duh a, kan budget-ah pawh a rawn langin ka hria a, nuai 46 kumin atan min dah sakin ka hria a, chumi rual chuan Pu Rina kan member zahawm takin a zawhna condonation arrear tih kha rinai in chhut alo har a han tih zung zung dawn khan a chhan chu Aizawl khawpui chhung ami chauh zirtirtu kha condone an ni lova, district dang amite kha an lo ni ve si a.

Chuvangin, a full report han pe tur chuan session chhung hian kan pe hman ang che em? Ka hrelo va, engpawhnise, kha kha kan tih tir mek a, rei lutuk lovah chuan kan peih ka ring a. Zirtirtute condone a kan lak a in ang lo tih chungchang thu kha niin ka hria a, I rawn sawi kha, district hrang hrang amite an nih avangin account leh engemaw kha Aizawlah a awm vek bik si lova, districtah zawh kual angai deuh flat mai a. Chuvangin, khami fact and figure kha accurate taka pek kan duh bawk si na karah khan kan lo inpeih chhuak hmanlo deuh hlek a, hun reiloteah erawh chuan kan in pek theih ka beisei a, tih kha ka chhanna ni sela.

Tin, chumi rual chuan Hindi chungchang kha zawhna alo lut a, a vanneihthlak khawp a, zawhna kengtu Pu R. Khawpuithanga khan a zawt tel tho bawk a, Hindi hi Primary School ah Pu Speaker la introduce ala ni ngai lova, kan Ministry hmasa te leh hmasa leh zel pawh khan an thlen ve chuan ka hria a, mahse, Government of India hian Primary Elementary ah pawh a hnuai lampang a, Hindi Introduce hi min tuipei vak lova pawisa te pawh a harsa a ni bawk a nga, hei hi chu State sorkar kutah te pawh an dah ve a ni. Mahse, nikum atang khan kan Chief Minister nen pawh Guwahati a kan meeting naah pawh Pu Arjun singh-a kan Union Human Resource Minister lokal tum khan kan zuk sawi vak mai a, Mizoram tan bik tah chuan mi a bengkhawn viau va, Non-Speaking State/Non-Hindi Speaking State kan ni si a, literacy ah Mizoram hi a sang ber kan nih lai a, kawng lehlama India rama tawng pawimawh lutuk Hindi ate lampangin an hriat si loh chuan a fello a ni, chuvang chuan Mizoram bik hi chu min tih sak rawh u, tiin kan nawr a, kan bawhzui chho zel a, vanneih thlak takin nikum kum tawp khan zirtirtu Primary a Hindi zirtirtu tur 500 sanction kan hmu a, a pawisa kha a head chiah chu ka hre lova, School Education Department ah a pawisa pawh alo thleng vek tawh a, kan la dah tha a hman ala ni lova, Interview kan han nei chho ta a, a procedure hi kan la zawh loh avangin ka la hmang tan lova, zirtirtu pakhat hian Pu Speaker, Rs.6900/- thla tin an hlawh dawn a, Centrally Sponsor Scheme hnuai anih avangin a ngheta lak tur ang chi chu a ni lova, an hlawh pawh an hriatchian atana ka duh chu Installment in thlaruk dan a min rawn pe thin dawn a, PUC leh Progress leh report kimchang kan thawna lehkha pawimawh an hmuh kima min rawn pe zel dawn a ni tih kha ka han sawi duh a.

Tin, 500 hian min daih dawn lova, Mizorama Primary School zawng zawng Autonomous District Council pathum tiam

sawn Pu Speaker 1187 kan record a kan nei a, chumi zirtirtu pakhat theuh daih tur chuan in min pe dawn a. A hmasa ber atan tunah hian 500 min pe ta a, hemi hi recruitment procedure hi a zawh veleh a dang 687 hi ka pe leh nghal ang che u an ti a, post 1187 Hindi a chuan employment problem kan tih fo thin hi kan solve/sukiang viau dawn a ni tih kha kan sawi tel nghal duh a ni.

Tin, ziak leh chhiar thiamna lamah hian tunah hian kan sang chho va, a lawmawm khawp a. Census hmuhmung berah khan Kerala an sang ber a, 90% ziak leh chhiar thiam an ni. Mizoram chu khatih hun lai khan. 88.80% Government of India Census ah kan ni a, kan phak lohna hi a chhe hle a. Nikum hmasa atang khan tan kan la a, Mizoramah hian kan tan lak dan kha min han zawh takah chuan kan sawi duh chu literacy a kan hniamna district bik a awm a, Lawngtlai kan hniam ber a, kum 3 kalta ve l phei chuan 56% literacy kan ni. Mamitah hian 80% bawr vel kan ni a, tin, Lunglei hi kan sang lutuk lo 80% kan cross a, tin, Saiha saw chutiang zat vel bawk chu kan ni a. Heng District pali literacy ah kan hniamnaah hian hma la ila tiin Government of India ah pawh kan thawn a. Accreditation of Residencial Literacy Gazzette kan siam a, sum pawh tlem a zawng kan hmu a, hmuh leh zel tur pawh kan nei dawn a. Chumi kan sum hmuh bakah pawh kawng hrang hrang in School Education a kan pawisa kan han sawr ve thin a, SSA tangka hmang pawhin. Tin, hengah hian Education Department chauh kan tang a ni lova, YMA te, MHIP te, MUP te leh sorkar hnathawk zawng zawng kan District bik ami te kha phumbawmah kan sawm a, an DC te kan han be rawn a, annin min ho bawk a, tunhnai khan authenticate lutuk lo nain kan literacy kha tunhnaiah khan assesment thar kan han nei ta a, 90.27% niin ka hria, a point lai hi ka tisuai palh mai thei a, hetah hian kan up chho ta a. Kerela kan phak lohna hi Pu Speaker, percent khat pawh a tling tawhlo a ni. Chuvang chuan darntea tan kan lak chhonzawm theih zel chuan kumin 2006 ral hma hian pakhatna nih hi kan hauh thei mai thei a ni tih kha House hi kan hriattir duh a ni.

Chuan, Text Book chungchangah khan tawitein Pu Speaker kan chhang lawk ang a, thil pakhat zawhna danglam deuh hlek kha Pu Sangzuala khan a rawn zawt a. Kum engzat chin nge Text Book hi a thlawnin in pek tih kha a ni a, helaiyah hian kum zat bituk zawngin kan pe lo a ni Pu Speaker, Primary zirlai leh Middle School zirlaite hi a thlawna kan han pek ang chu a ni a. Amaherawhchu, hei vanneih thlak takin kumin chhoah hian pawl 8 zirlai chin vel High School ah pawh hianin engemaw chen hi chu han pek ve theih kan beisei dawnin ka hria a, tiang chuan hmalak kan tum mek a, a kum zat ni lovin a class wise in kan pe a ni tih kha kan tarlang duh a ni. Chu chu kan zawhna awm neuh neuh atanga ka chhan theihthe chu an ni, ka chhang thui thei deuh hleka zawhna pawh a tam a Pu Speaker, min hrethiam a niang chu.

S P E A K E R

: Starred Question 148-na zawt
turin Pu Liansuama i lo sawm
ang.

PU LIANSUAMA

: Pu Speaker, ka zawhna 148-na
PHE Minister min chhan atan
Piped Water Supply Scheme
hnuaia hnate hi Contractor hnena

pek ve a rem em? tih a ni a. Tlem han sawifiah hlek ka duh a chu hei Aizawl
Water Supply lian ang chi ah hi chuanin a awm mai a, Rural Water Supply hi ka
rilrua awm deuh chu a ni.

SPEAKER

: Chhang turin PHE Department
changtu Minister zahawm tak
Pu Tawnluia i lo sawm ang.

PU TAWNLUIA
MINISTER

: Pu Speaker, member zahawm tak
Pu Suama Phuldungsei bialtu
zawhna chhanna kha - Piped Water
Scheme hnuaia hna, a bik takin

pipe fit hi contractor hnena pek a rem meuh lova, an hna dang Civil Works te hi
chu pek a rem lohna a awm hran lova. Kum 1970-ah khan Contractor hnenah
pek a lo ni tawh a. Chuta hna en chuan a tlangpuiah contractor ina han thawh
khan a phuai deuh e tih Department hmuh dan a nih avangin a hnate hi a lian
tham vak lo bawk a, Departmental works in work agent te thawhtir thin a ni awm
e, Pu Speaker, a fiah zawk nan kan enlarge hlek ang a. Rural Water Supply-ah
hianin Scheme pumpuiah chuan nuai 70/80 pawh lo kai mahse!angin Km 20/30 a
hla a mite tui kan la a, Gravity a lak thin a ni a, chutah chuan a pipe manah
70% deuh thaw hi a kal a. Civil works kan han tih tak mai hi chu reserve a nih
chuan nuai khat man te hi chu thingtlangah chuan a lian ber a ni a, singli/singnga
te a ni tlangpui a. Tin, Platform leh Public Water Point kan ti a chung chu
singkhat man bawr lek te an ni hlawm a. Tin, intake hi singhni atanga singthum
a ni tlangpui a. Tichuan pipe laying pipe phum hi a awm bawk a. Pipe
Provement hi Department in manufacturer hnen atangin direct in DGS & D rate
in a lei thin a. Manufacturer hian Silchar thlengin a phurh man free in a rawn
dah thin a ni. Chutiang ang chuan Department hianin direct in a order thin a ni.
Chuvang chuan Contractor a quotation emaw tender emaw han tih dawn khan a
hnaa kha a lian lutuk lo nen a buaithlak lutuk a. Chuvangin PHE Department ah
chuan a tlangpuiin Departmental Work angin kan kalpui a ni.

PU LIANSUAMA

: Pu Speaker, zawhbelhna - ITI-ah
te hianin Plumber Training chhuak
kan ngah tawh hle a. Tin, Aizawl-
ah te phei chuanin private a

connection ah leh kawng hrang hrangah hianin chhawr tur pawh kan ngah hle
tawh a. Tin, PHE Department ina Rural Water Supply (Piped Supply) tur a
Scheme an siam lai hianin lei chungchang atanga teha tawng zen zawna thuka

phum tura estimate siam vek a ni a. Aizawl khawchhungah pawh hian supply tank atanga kan in theuh a kan lakuhna hi lei laiah phum vek tur a ni mahselangin thingtlang hmun tam berah hian lei laih chu sawi loh han zawm kual vel mai mai hi a ni a, lei hi he House-ah hian ka sawi fo va. Tunhma lam kha chuan PHE kher lo pawh PWD te pawh an ni a nge contract work hi a tha vak lova. Tun hnuah hi chuan PHE pawh PWD pawh Department dang work quality hi a tha ta hle mai a. Hengah hian a department hian supervised sela, pipe provement ah chuan department in an lo ti a nih hian a tha tho va. Amaherawhchu, pipe laying te leh khang hna chi hrang hrangah khan Employment kan generate na tur a ni dawn bawk si a. Tunah PHE Department ina khang hna an thawh khan a endiktu awm tawh chuang lovah hian kan hna hi a that tur angin a tha lo a ni lawm ni, intake siamte pawh hi keini bial thingtlang, a bikin minority chennahte khu chuan a phawsawlh lutuk a, chuvang chuan contractor te lnenah hian pe leh chhin ta ila a zia lawm ni tihna rilru atanga he zawhna hi zawt ka ni a. chunga pipe laying leh intake siamah te reservoir siamahte a theih chinah hian contract a pek leh chhin hi a tih theih hram dawn lawm ni.

PU LALDUHOMA

: Pu Speaker, ka bial chhung tui harsatna chungchangah kan Minister zahawm tak hi hman deuh khan a office-ah ka va kawm a.

Khaw thenkhat tuizem mamawh khua leh Hand pump han tihna tur bik tuilak pangngai tak tak la beisei hlei thei si hmun kha han theihlut la kan ti vek dawn a nia a ti a, ka lawm khawp mai a, ka theihlut a, kum khat a chuang ta a, engmah a result kan la hre lova. Pa pakhat hian mikhual a neih a piang hian "Ar kha ar kha" a ti ziah a, a talh ngai lem hlei lova an ti a, chu ang deuh chu a ni. Tunah hian a copy kha a neih pawh ka ring tawh lova, theihlut thar leh ila min ngaihtuah sak thei tawh ang em tih ka zawt duh a ni.

PU SAILOTHANGA SAILO

: Pu Speaker, zawhbellhna, Hortoki leh Nisapui khua tui lakna pipe siam that leh tanky siam thatna hna kha engtika thawhtan theih

tur nge ni ang tih ka zawt belh duh a ni.

PU LALRINLIANA SAILO

: Pu Speaker, tui harsat thu hi kan sawi tawh thin a. Session hmasaah kan bial Sialhawkahnte pawh tui a vang lutuk a an sawr thin kan tih

kha. Tin in an thlawr a, an sawr a, vawimniah pawh a ni flat a ni. Tin, Tualtehte tui a harsa em em mai a, engtingnge hma min lak sak theih ang aw ka ti a ni. An harsat dan hi harsa tak tak an ni a. Tin, lawmthu ka sawi duh lawk. Himanniah Biate ah centenary an lawm a. Tui min pek sak a. Kan lawm khawp mai. Khatiang ang khan a tih theih ang em? Kawng pawh kan lawm thova mahse PHE a nilova. Biate in lawmthu an sawi a ni tih kha kan hirih duh a. Tuiruang bul

Biateahte pawh a la harsa thova tunah khian. Kha kha an tin tawh si a. Sialhawkah khian an harsa zual lutuk a. Chuvangin tun thal te hi chu motor a supply khan min tih sak thei hram lawm maw ni le ?

S P E A K E R : Chhang turin Minister sawm leh ang aw.

PU TAWN LULA MINISTER : Pu Speaker, a hnunglam atang khan chhang mai ila, kumin hi thal a na khawp mai a. Kum hi a in ang lova, kum thenkhatah chuan thal na lutuk lova kan tui hna tuikhur kan chawi laite pawh kang lem lova engtin tin emaw a kan indaih theih hi a awm a. Kumin hi thal a na khawp mai a. Tuna Khaw hai bialtu MLA zahawm takin a bial Sialhawk khaw harsatna a rawn sawi kha kan hriain kan hriatthiampui a, keini pawhin tui lakna tur kan dap kan dap a. Khawhai dilte pawh khi a lak thlak theih ang em te kan ti a. Tin, Biate tui lak atang ten kan kaih kep thei ang em te kan ti a. Tuna immediate a problem kha vawuinah Houseah sawi chhuah a ni a. Motor phur tur min ngaihtuahpui la, a chawina tur khawilai a mi nge ni ang tih kha kan ngaihtuah tiang ang a. Tui chawi tur remchang a awm dawn chuan kan phur mai ang. Kan chawi nghal turah i ngai ang. Tin, Kawnpui bialtu zahawm takin Hortoki leh Nisapui khua Water Supply chungchang a rawn zawh kha. Kan chhanna hei hi a ni a.

Hortoki tui lakna pipe siam that hna leh tanky siam thatna tur hi sorkar kum thar 2006-2007 ah thawh turin Action Plan-ah khung fel a ni tawh a. Estimate amount pawh 44,07,300 state plan-ah kan dah e tih a. Nisapui pipe siam thatna tur leh tanky thar siamna tur atan hian tunah sanction hmuh tawh a ni a. Pipe pawh order fel tawh a ni a. Pipe lo thlen veleh pipeline siam that hna hi tan a ni ang tih kha kan chhanna a ni a. Opposition bial hi kan duhsak a ni tih kha khalai atang pawh khan a chiang khawp mai, Pu Speaker.

Tin, Ratu bialtu zahawm takin a sawi kha a dik a. Mahse, kum laklawh lai hian scheme hi a thlak thut theih bik lova. Tin, kuminah hian maintenance lamah sum kan mamawh tam avangin thingtlanga kan tuilakna tur nuai 130 Planning Department in heti zawng hian i siam rem rih phawt teh ang tiin khaw engemaw zat kan tuilakna tur sum kan dah kha min siam rem sak avangin kan hmalak tum angin kumin kum kal mek ral tepah hian kan hmalak a zau thei lova. Ratu bialtu in a han sawi kha a dik a. Chuvangin a submit leh theih pawhin a pawu chuang miah lova. Kan welcome a, kan bawhzui theih hun remchang lai tak pawh a ni ang tih ka ring e. Tin, hemi zawhna neitu sawi kha a dik a. Hei, kan tui supply hna hi kan uluk khawp mai a. keini pawh Department kan inphin dawt dawt a. Tin, a hma kha sawi angin a te ang reng a, sep sel te te hi a ni a, a khua a mite hi. Department works hian kan thawh tir sep sep a. Departmental works a kan tih hian khaw chhunga mite a tuate pawh lo nise pekna chance a awm tho va. Khalai purpose kha chu a serve thoah ka ngai e. a hna quality erawh kha chu Department in an agency te hnathawh an

monitor ngun zual erawh chu a ngai ka tihpui khawp mai, keipawhin a sawi kha ka thlawp zan mai a. Keipawh hian ka hrilh ngun a. Kha kan work quality erawhchu kan lo uluk leh zual turah ngai ta ula a tha ang.

SPEAKER : Pakhat la leh hram ang aw.
Starred Question 149-na zawt turin Pu Lalthmingthanga i lo sawm ang.

PU LALTHMINGTHANGA : Pu Speaker, ka lawm e. Kan ti hman lo leh chiah dawn emaw ka ti a. Ka zawhna hi tih hman loh chiah hian a awm thin a. Forest and Environment Minister zahawm tak chhan atan Ramsa leh nungcha humhahna dan bawhchhia a sa k thah loh tur that, kah loh tur kap, tih hlum loh tur tihhlum kum 2004-2006 kum chhung hian mi engzat nge sorkarin a man tawh ? Hei hi Starred Question 149-na a ni.

SPEAKER : Chhang turin Environment and Forest changtu Minister zahawm tak Dr. R. Lalthangliana i lo sawm ang.

**Dr. R. LALTHANGLIANA
MINISTER** : Pu Speaker, kan member zahawm tak Pu Lalthningthanga zawlna chhanna chu, kum 2004-2006 Calendar kum chhunga Ramsa leh nungcha humhahna dan bawhchhia sorkarin a man zat chu 11 an ni a. Kum 2004-ah mi 5, kum 2005-ah mi 5 tin kum 2006 February thleng hian mi 1 a ni a. Pu Speaker, zawhna neitu khan khawilai mi nge tih kha a duh emaw ka pe thei tho va, sawi a ngai em ? E ngai maw ?

Chung kan han man a te chu a tahrik ni vel hi chu ti lo mai ila, 2004-ah khanin sa pela man kan nei a chungte chu : Laldinpuia a nia, a case a hi compound DCF Wild Life in Rules angin a neih a, (Speaker, a khua nen khan a sawi theih em ?) Aw New Market Aizawl District tih kha a ni mai a, a address hei hi Aizawl lam a ni.

A dang lehah chuan a zuar chhuak te pawh an ni bawk a, hei hunting bawkin Wildbone an tia chu chu Sanghal a ni, a hmasa a mi kha vaki hei hi parqkeels a ni. Laldinpuia tih a kha chuan Wildbar (Sanghal) hi 2004 khan Lalsangpuui hemi chungchangah hian man a ni a. Chu chu

a case hi DCF Wildlife in Compound a ni a, 2004 vekah khan Lalrammawia Sanghal tho a nia, hei hi a zuar an ni, kha kha Aizawl market a man an ni, chu chu compound an ni tawh bawka. Tin, an sa hi hal a tih ral an ni. Tichuan 2004 vek khanin Pu Rosanga hei hianin chakai Tur in a hrai a, Vaivakawnah khuan man a ni a, a case hi magistrate 1st Class in a disposed a ni, pakhat leh case hi Sangau a mi, Tuanghaia a nia, hei hian Sazuk a kap niin kan hria a, hei hi a case hi.....fine in an lo ti fel a ni.

Pawl hrang hrang Committee YMA te leh VC, Sangau zone te khanin Rs. 5000/- fine in an lo ti fel a ni. Tichuan, 2005-ah hianin (Speaker : Question hours kan pel dawn a, han chhang zo law law mai rawh se aw) ka zo mai ang, 5 a awm a, chu chu Sahuai, Zuangtui Range DFO Aizawl hnuai a ni a. Krostana, Zuangtui a miin a kap a, hei hi ni 30 chhung simple punishment dan angin tih a ni a. Tin, chubakah chuan Rs. 1000/- fine a ni, Dulte ah khian Jessy Lalfakawma, Lahruatkima Keifang hengte hianin Hauhuk chungchangah case an nei a. Hei hi pending case under trial Lahruatkima acquitted because under age tih a ni a. Pakhat hi chu case la kal lai mek a ni, Rosiama Khawzawl hian Barking bear kan tia Sakhi Champbai Division hnuai a case a nei a, a case hi Rs. 300/- compound in tih a ni. Khanpuiah K. Lahruata Seraw (Saza) Pu Speaker, a kap a, chu chu section 9 48(a) & 5(1) of Wildlife protection Act 1972 ang khan a case hi siam sak a ni a, tunah hian District Magistrate Aizawl ah a case hi a awm mek a ni.

A dang leh chu Hleichaw, Bungtlang, Lawngtlai lam a ni, Ngengpui Wildlife Sanctuary ah Sazuk chungchangah section 9 & section 51 of Wildlife protection Act 1972 hmangin siam sak a ni a. A case hi District Magistrate te, Lawngtlai ah Hearing an zo tawh a ni.

A tawp berah chuan kumin 2nd February khan Kapthianga Lungpher, Sangvulha, Zadowla, Hlimpuia, Rinthanga, heng ho hian Saza (Searaw) kan tih leh Sakhi (Barking bear) chungchangah case siam sak an ni a, section 9 leh 51 Wildlife protection Act hmangin a case a hi Lawngtlai District Magistrate hnenah file mek a ni.

Hei hi Pu Speaker, ka'n chhan theih chu ni mai selangin, ka'n sawi belh duh lawk a chu hei, tunhma kan nih phung hrim hrimah hian sapel hi kan rilruah hian engemaw chen hi chu a la reh thei lova, vawi lehkhath a han fel duak thei a nih lohna lai a awm a. Tiang thil hi a thleng zauh zauh mai a. Pawi kan ti khawp mai tih a kha ka'n sawi belh duh a ni. Ka lawm e.

SPEAKER

: Question hour a tawp ta. Vawiin kan rorelna hian kan member zahawm tak takte 5, Pu Zoram-thanga kan House Leader a zin a

lo la haw loh avangin a lo tel theilo a. Pu Aichlinga Minister leh member dang Pu Sainghaka, Pu K. Lianzuala leh Rohluna te damlohna avangin an lo tel theilo a ni.

Tunah List of Business ah kan kal ang a. The Report of Comptroller and Auditor General of India relating to the Accounts of Mizoram for the year ended 31st March, 2005. Hei hi Finance changtu kan Chief Minister zahawm tak lay tur a ni a, amaherawhchu, a awm lova, a aiawh tura ruat Pu Tawnluia a ni a, chuan he CAG Report hi House a rawn lay turin Minister zahawm tak Pu Tawnluia i lo sawm ang.

PU TAWNLUIA : Pu Speaker, i phalna leh House remtilna in 'The Report of Comptroller & Auditor General of India, 2004-2005 relating to Government of Mizoram' hi he House zahawm takah hian ka lay e.

SPEAKER : A copy te kha han sem nise. Tunah chuan Discussion & Voting on Demand for Grants a lo ni tawh anga. Kan List of Business a a lan angin vawin hian kan Minister te 2 Dr. R. Lalithangliana leh Pu H. Vanalalauva te demand kan sawiho ang a. Kan vote dawn bawk a ni. Kan tih thin dan ang khan la kawp leh mai ila a tha kan ti tlang em? Tha kan tih chuan kan la kawp leh mai ang a. Tunah Dr. R. Lalithangliana Minister zahawm tak Demand No. 20, 26 leh 36 House-ah rawn submit se, i lo sawm ang.

Dr. R. LALTHANGLIANA MINISTER : Pu Speaker sir, on the recommendation of the Governor of Mizoram and with your permission sir i move the demand No. 20,26 and 36 for Rs. 238,28,00,000 only for meeting expenses during 2006-2007 in respect of the following departments.

Demand No. 20	School Education Department	Rs. 205,49,70,000
Demand No. 26	Information & Public Relations	Rs. 5,19,00,000
Demand No. 36	Environment & Forests	Rs. 27,59,30,000
TOTAL		= Rs. 238,28,00,000.

SPEAKER : Tunah Pu H. Vanlalauva Minister zahawm tak a Demand No. 16,19 leh 27 na te House-a rawn pulut turin i lo sawm ang.

PU H. VANLALAUVA
MINISTER

Pu Speaker, ka lawm e. Mizoram Governor recommend ang leh I remtihna in ka Demand No. 16, 19 leh 27 atan Rs. 141,47,45,000

hi kum 2006-2007 chhunga ka enkawl Department te tan he House zahawm takah hian ka rawn submit a. Min pawmpui ngei ka dil nghal bawk a ni. Ka Demand kimchang chu.

Demand No. 16	Jails (Under Home)	Rs. 8,21,25,000
Demand No.19	Local Administration Department	Rs. 65,49,20,000
Demand No.27	District Council Affairs	Rs. 67,77,00,000

A vaiin Rs. 141,47,45,000 chiah a ni e. Ka lawm e.

S P E A K E R

Awle, kan Minister 2 ten an Demand te House-ah an rawn pulut ta a, kan sawi ho ang a. Kan tihdan ngai khan lun hi kan

nei tlem leh dawn in a lang a, minute 10 kha in pe leh ta ila a tha mai lawm ni. A bak hi chu han in pek hi a har a ni. Anih leh minute 10 in pe leh ila. Tunnge han sawi hmasa ang le? Pu Sailothanga kha a thu hnuhmung zawkna in a phar hmasa in ka hria. Pu Sailothanga Sailo i lo sawm ang.

PU SAILOTHANGA SAILO

Pu Speaker, ka lawm e. Demand No. 20-na School Education atang hian han tan ka duh a. School Education hi a pawimawh hle a.

Human Resources Development hi a pawimawh ber em tih hi zawt ta ila. Keimahah chuan a pawimawh ber tih kha ka chhanna a ni a. He Department changtu Minister zahawm tak hi fak a phu hle in ka hria. Employment nasa taka an generate chungchangah lawmthu kan sawi duh a. He Department hi nikum ai khan nuai 1340 leh sing 8 zet a an tihpun laiin Grant-in-Aid erawhchu nuai 1642.6 laiin a tlem thung a. Pu Speaker, hei matric result kan han hria a, a tha thawkhaf a, Exam beitu 8782 nih lai khan 3558 in a passed a. Pass percentage pawh 48.49% a ni a. Chuti laiin School result nei ve lo supplement te nena chhiarin 128 lai an lo ni hi pawh kan ti in kan tawhpui em em a.

Tichuan Pu Speaker, kan Education Minister hriat atan kan Green Hill H/S Kawnpui khu, tunah zirtirtu 8 leh a dang 4, kan vaiin mi 12 an thawk mek a. A din kum January 28, 1992 a ni a. 1993 ah sorkar permission a hmu a. Tunah hian kum 14 leh thla thum dawn a ni tawh a. Mipuiin kan hah phah em em a, fee kan khawn a, heti vang hian kan result a chhiat phah a. Kan school pawhin naupang kan hmuh tlem phah a. A khaw nawt khuan hei hi kan buaipui tak zet a. A school naupang hi a din kum khan 73 kan nei a, 1992 atang a vawiin thleing mi 120 leh 250 te kan nei a. Kumin hian 128 kan nei mek a. A din kum in 23.7% a ni a, a hnu lamah 45% te 44%, 48%,

78%, 79% te a ni a. Kumin hian mi 22 in an exam a, passed 5 an awm passed percentage chu 22.72% a ni a, letter hmu pakhat an awm bawk, Distinction hmu te pawh an awm a, Pu Speaker, khawngaih takin kan Minister in kan dinhmun harsatna hria in min hlankai dan a awm chuan min lo ngai pawimawh turin ka duh a.

Tin, kan Education Minister hnena sawi loh theihloh, kan la hriat ngai loh an tih hi lawmawm ka ti a. Tichuan tunah Cambridge University te nen a globalisation te pawh a ni ang a, hei thawhlhona tha tak zirtirtu te nena Training na tha tak pe thei tur a a han sawi chhuah te pawh hi lawmawm ka ti a.

Tin, chubakah midday meal an han tichhuak te pawh hi lawmawm ka ti a. Mahse, fimkhur zawkin midday meal-ah hian a quality control hram hram turin ka chah duh bawk a. Tin, Free Text Books 179,973 la mi hnena a pe te hi a ropui hle a ni. Heng angah hian ka bial pawhin kan chhawr hle a, kan lawm hle. Theih ni se naupang harsa zawkte admission hi he sorkar hian ngaihtuah leh thei sela tih ka ngen zui duh bawk a.

Tin, Bukpui High School ah Headmaster kan nei lo tlat mai. Hei hi a ranglam a min hnawhkhah sak thei se tih kha ka ngen duh bawk a. Tichuan Pu Speaker, Demand No. 36 Environment & Forest hi, he department hi Forestry leh loving ah kan sum tang hmuchhuaktu department te zing a kan ngaih lain tlem a tan deuh hi chu a ngai ani tih ka hmu ve a. kan huat cheu ah nikum, hun kan hman ah te khan 1 % vel a chawrchhuak awr a, chuvangin Mizoram sorkar a eiring ho chhun hnan tur leh khawchhuak tam tur zing a kan ngaih lai in in thawnchhuah tlem deuh hlek a, tan ala ngai deuh em aw ka ti a.

Chuti maiin hei PCCF thar tha tak kan nei a. Thlamuan thlak ka ti. Ani zarah hianin Forest pawhin nasa takin hma kan sawn tur leh harsatna kan nei pawh hi min chhawk zangkhai turah ngai ilangin, thingzai zuartute leh he engemaw eizawna lo hmangtu harsatna tam tak tawk tute pawh hi karloah in tihfelsak theih kan han beisei a. Tichuan, hei Grant-in-Aid hi tlem in pe a, nikum khanin in pe loya, he Grant-in-Aid in pek dan hi Pu Speaker, kan sawi leh lawk duh chu Ram humhalhna leh Ram humhalhna LPG connection in pe thin a marawhchu, ka hriat chinah MNF Party chauh hian an chang bik hi a dik thei dawn a mi ka ti a. MNF lo pawh mi rethei ve tak tak an tam a, hengte hi ngaihsak ve thin tawh se lawmawm hlein ka ring a. Tichuan Party kan atchilh lutuk hi kan ram thanmawhbawk a ni tih a kei chuanin Party tinte hian tawp chin an la nei vek dawn ang tih ka ring a, chuvangin, hemi kan LPG Gas sem a ni emaw thildang a ni emaw pawh hianin tlem in rualkhai deuh se tih kha kan han ngen duh ni selangin.

Tin, Information chungchang hi tlem kan sawi leh duh chu Pu Speaker, Information hi hei tlem pawisa an hmu tam deuh va, a lawmawm ka ti a, a bikin kan Media te leh hei kan Journalist te hi duhsak a thain ka ring a, nikum mai khanin hemi Publicity leh Advertisement ah pawh hianin a letin in tipung a, lawmawm ka ti hle a. Amaherawhchu, duhthu a la samlo hlein ka hria a, hei kan Media te leh kan Journalist te hi tunlai khawvelah kan leihlawn dawhkai tu an nihna laiah awm hmunah mut hmunah khawvel

chanchin kan lo hriatphah theihna hi kan Media te leh kan Journalist te an ni tih hi Pu Speaker, theihngluh lovin anmahni hamthatna tur hi sorkarin theih hram chuan hnapui berah neim an Newspaper te pawh thlen deuh emaw tih changkan deuh emaw te pawh an duh a ni thei, chung an harsatnate chu hrerengin kan Minister zahawm tak hian theihtawp chhuahpui turin kan ngenpui ni selangin. Tichuan Pu Speaker, LAD hi hei pawisa pawh sorkarin a pe hnem a, lawmawm ka ti hle a. Grant-in-Aid-ah pawh hei in pe teuh a, hei nasa takin hna a thawk ang tih ka ring a. Kan LAD Minister zahawm tak a lma lo thawh tawhte leh a thawh mek te hi ka hriat ve chinah chuan lawmawm ka ti a. A hnenah hian lawmthu kan sawi bawk ni selangin.

Tin, tawngkam pakhat chauh Pu Speaker, District leh khumi kan Aizawl Jail a an mutbu chhe lutuk te khu thlak ve dan a awm em? A tawp lutuk a, a bal lutuk a. Tin, chubakah an chaw dawn te pawh khu a chhe lutuk a, tun aia tha deuh zawk in ngaituah dan awm thei sela, tih ka han ngenpui duh bawk a. Tin, District Supply Bill rei tak la pek loh te pawh hi a rang thei ang ber a bill tangte pe thuai turin, ka han dilpui bawk a ni e. Ka lawm e.

PU LALDUHOMA

Pu Speaker, Demand 36-na Environment & Forest atang hian kan tan ang a. Thunawi deuh hlek, ka bial chhung Darlawn Division hnuaiiah khian EFDC hi a awm ve hlawm a. Chutah chuan, Secretary atan hian Forester a ni tur a ni tih a ni deuh emawni, mahse Forest Guard an hmang tih report ka dawng a, hei hi a dante ka hre ve chiah lova. Kan Minister zahawm takin min lo endik sak se tih kan sawi hmasa duh a.

Pu Speaker, Forest Department hnuaiia tunlaia Mizoram in harsatna kan tawh hi tun mai ni lovin Mizoram lo la awm zel tur tana pawimawh lutuk, kan chhiatna leh kan thatna thlen thei thil he Department chungah hian a thleng mek a ni tih kan hre theuh awm e. Tunah hian mimal thingzai leh zawrh kan State sorkar in min khap sak a, engvangnge tih zawhna an chhanna chu "Supreme Court in a khap alawm", an ti a ni. Chu Supreme Court order chu Pu Speaker, hei hi a ni a. Writ Petition C No. 202-1995 a ni a. Hei hi Ni 15, January, 1998-a an tihchhuah kha a ni. "He Supreme Court Order hian a khap avangin kan khap a ni", kan sorkar hian a ti char char a, chumi avang chuan tun thlengin harsatna kan tawh a. Private Plantation nei zawng zawng in harsatna kan tawh mek a, nimahse, hei hi kan han chhiar ve a, hei kan Minister zahawm tak hi kan Minister zingah leh kan Ram hruaitute zingah pawh kan rin leh kan chhuan ber zinga ni a ni a. Supreme Court Order copy hi an neih hi a dang deuh bik nge mawni engtingge an chhiar ka tia ni Pu Speaker. He Supreme Court Order Para 10-naah chuan Private Plantation leh Community holding te chu a neituten an dispose thei ang tih chiang takin a inziak a ni. State Sorkar in Laws & Rules a siam ang a, chumi hnuaiiah chuan an dispose mai ang a ti a ni. 1994 ah chutiang ang Rules chu kan sorkar hian a siam daih tawh a.

Tin, Para 25-na hi a pawimawh em em bawh, Pu Speaker, kan quote teh ang Supreme Court Ruling hi "The Plantation

Schemes raised on private and community holdings should be excluded from this requirements but shall be regulated under respective state rules and regulations", tih a ni. He Supreme Court in a Order a siamte hi private leh community holding-ah chuan hman a ni lovang tih a ti chiangkuan hle a ni lawm ni? Chuti chung si chuan engatinge hemi tlawhchhan hian kan ramah kan sorkar ngeiin he harsatna hi ti em em a min siam sak? Chu chu vawiinniah hian kan Minister zahawm takin a wind up naah min convince thei anih chuan ka thlawp ang. Min convince thei lo a nih chuan a wind up naah pawh hian Pu Speaker, ka tibuai deuh hlek duh mai thei a ni. He Supreme Court Order hi kan Ukil, Mizoram sorkarin a rawih, Mrs. Hemantika Wahi chuan order a chhuah tuk tuklehah Mizoram sorkar hi a rawn hriattir nghal vat a, chumi hnuah chuan 1990 April, 28 ah a rawn hriattir nawn leh a ni. "Mizoram sorkar tan buaina tur a awm ve lo reng reng, harsatna kan nei lo, heng hi lo hre rawh u" a rawn ti a. Kan Ukil rawih ngeiin chutiang chuan kan sorkar hi vawilmih a rawn hriah a, chuti chung chuan vawuinni thleng hian kan la buai zuk nia mawle. Working Plans siam a ngai an ti a, engti kawngah hian nge waiking plans siam a ngaihna? A ngai reng reng lo. Exempt kan ni.

Lal hun atangin Pu Speaker, mimal ramte, community land te, kan Lal te'n kan custom hmangin tha takin min pe thin District Council in chu kan tradition chu tha taka chhuzawmin dan a siam chho va, chumi hnuaiiah chuan pass tam tak sorkarin a pe chho zel a. Conservation of Forests Act hi chu 1980 ah lo awm ve chauh a ni. Hemi hma hian kan ramah dan ang thlapin in hmun, lo ram kan in pe hnem em em a ni. Tin, Pu Speaker, chuiovah chuan hei sorkar thupek hei hi a copy a ni a. 1985 February ni 6 ah khan sorkarin family oriented developmental schemes a neihna hnuaiiah beneficiary te hnenah V/C te, Provisional Pass huan pass leh thildang te pek phalna a pe a ni, he lehkha hmang hian. Tichuan hemi dungzui hian NLUP hnuaiiah ringawt pawh khan teak ching a eizawng hi chhungkaw 8000 lai an lo awm ta a ni. Tin, kan member zahawm tak Pu Zodinluanga hian lehkha a thawn a, chumi Directorate of Land Revenue & Settlement atanga an chhanna chu hei hi a ni a. "Chutah chuanin Kolasib, Kawnpui, Vairengte, Zawlnuam, Bikhawthlir, Dailak, Luseicherra, Kawrthah ahte LSC dan ang thlapa pek mi 2028 an awm a ni. A lists pawh tah hian a awm a ni. Chutiang chu alo ni ta a, chuvang chuan Reserved Forests chhungah hian khua pawh kan din a, inhmun kan pe a, Kuhva huan te, Serthlum huan atante sorkarin pass tam tak, LSC te leh Periodical Patta te a pe thleh thluah a, chung chu private holding vek a ni, chung zinga pakhat chu Teak hi a ni ve mai a. Engatinge a dang Serthlum huan te khawih silova tiak bik a chu private holding anih theih loh bik ang? Engatinge teak plantation anih avang a a buai bik? Chuvangin hei hi chin fel ngei ngei a ngaiin a lang a. Private Plantation leh Community holding hi awl(exempt) a ni chiang em em a ni tih hi ka sawi lang duh a ni.

Tin, kan sorkar hian 2004 December ni 17 ah khan chhungkua 5094 hnenah Forests Area atanga hnawhchhuahna order a siam ringawt mai a, chu chu nikum budget session-ah he House-ah hian ka pu lut tawh a nih kha. Chumi avang chuan vawuinni thleng hian thawm chu a reh leh ta a, a lawmawm viau a. Heng huan te leh ram te hi Forests Act kan rama an hman hma a lo neih daih tawh a ni a. Tin, a reng reng thuah National Policy and Guidelines 1998 para 5 naah chuan Forests Area atanga mi an evict

(hnawhchhuah) reng reng dawnin a aiawh ram an pe emaw? Compensate an pe emaw tur a ni a ti a ni. Chutiang kalh a kan sorkarin khatia hnawhchhuah a tum ta rum rum mai kha he House ah hian lo au chhuak hman ta lo ila, an hnawhchhuak mai tak tak awm asin mawle.

Tin, nikum February 1 ah khan Environmental Protection Council hi kan sorkarin a din a. Chutah chuan keipawh member-ah min rawn ruat ve a, chu order-ah chuan kumkhatah vawi 2/3 tal thut tur a ni tih a ni. Vawiinni thleng hian vawikhatmah kan thut ka la hre lo. Hengte ka Consultative Committee te hi thu ve thin te chu ni se chuan kan sorkar hian mawl tak leh hriat buai tak hian thil a ti fo hian ka ring lo, chutiang chu kan dan theih ka beisei a ni.

Tin, Pu C. Pahlira tunhma District Council a kan EM heng dan siam lai a a siamtute zing a mi kan senior leader tuna min la dampui awm chhunte zing ami in he Dan an siam chungchang leh an siam chhan te zawng zawng a ziakna hi kan hmuin ka ring a. Hetah hian Forests Department chu Bible a "Tikiamtu tenawm, a tih kha a ni", a rawn ti hial mai a, a beina viau hle mai lehngal a. Engvangin nge Forests Act kha District Council hunlai khan an siam tih a ziak Chiang hle a. Vawin kan ram thing leh mau te an rawn la a, a neitu kan ni tih an hriat theihnan leh Royalty kan lak theih nan he dan hi an siam a ni tih a tarlang a. Chutah pawh chuan Reserved Forests-ah chuan Lui lian zual 16 kam leh lam 'either side' tih a ni a. Tunah hian both sides (a kam tuak) in an kalpui leh ta a, tin, Road side Forest atan Silchar kawngpuiah feet 100 chin an reserve bawh a ni a. Section 13-na chuan Natural Forests awm sa chin chiah an huap ang a ti a. Section 39 chuan thlawhhma neih a phalsak a, huan pass pek a phalsak bawh a. Section 40-na chuan Forest Area chhunga mimal ram humhalh anih tur thu zawng zawng a rawn tarlang ve bawh a. Tin, khua leh Village safety reserve te, supply reserve te, mimal huan lo ram leh ram theh te an rikru in a huam tir loh thu zawng zawng te pawh a siamtu zing a ni la dawnin hei min hrih a ni a, a lawmawm em em a. Chumi hnuah chuan nasa takin he Dan hi thidnglam a lo ni ta a. Khang hun lai zawng zawng kha chuan in sakna leh chakkhai lakna atan permit an dil ngai lova, royalty sorkarin a phut ngai bawh lo a ni. 1994-ah khan Regulation of Felling Rules te private forest-ah siam a lo ni chho ta a. He a main act nen hian a inkalh tan ta a. Chumi hnuah chuan kan siam tha chho zel a. Vawiinni thleng hian a tir a kan ram hruaitu hmasa ten an duan ang kalhin he dan hi kenkawh a lo ni ta a. Forest Area te chu zau pui pui puan a ni ta a. Khaw thlanglam area zawng zawng te khu a khua chawpin tunah hian hnawhchhuah theih, forest ram chhunga dan lo ang a awm thukin kan sorkar order kan en chuan an awm ta a ni. Chhanchhuah an ngai a ni. Tunhma atanga kan dan lo neih tawh zawng zawng te thlir changin tunah hian Pu Speaker, a damdawi nia ka hriat chu tun emaw hian kan sorkar leh Forest Department atanga order an siam te hi Court-ah khing sela, kan sorkar hi khing sela kan sorkar hian hnehlo mai rawh se. Tichuan henglai area zawng zawng hi Forest kut ata hi kan chhanchhuak leh thei ang. Chumi anih loh chuan kumkhua a kan buaina tur a ni dawn a ni tih hi a Chiang em em a ni.

Demand No. 20-naah hian kan kal tawh mai ang a, School Education ah hian. Prime Minister Office atangin Education bik a hna lak min khapna min hlihsak tawh a. Chu chu Department of Expenditure ah a tul anga bawhzui turin an hrih a ni tih pawh kan hria a. Chu chu kan

Minister zahawm tak hian eng angin nge an hman tangkai, Hindi Teacher te kan la dawn a, a lawmawm kan indaihofina a la tam em em, Plus II ah te pawh kan la buai em em. Heng zawng zawng hi Prime Minister Office in kan harsatna min sutkianna zarah hian nasa lehzuai a kan kalpui a thain ka hria a ni.

Tin, sorkar school-ah naupang an flem tial tial a, School engeniaw zat khar a lo ngai ta hial a. Heti anih hian kan Education system hi thlak ta ila, Privatisation Scheme, zirtirtu te tan a na miahlo leh tihluhna ni miah lovin, Voluntary retirement scheme te hi siam sak ve hi a tha lawm ni? Chutih rual chuan Kohhran School leh English Medium School tuna zathum chuang lai kan neih te hi kan Sorkar hian sumin tanpui ta zawk sela. Mirethei fate pawh English Medium School-ah man tlawm zawkin kan lut thei ang a, a standard leh quality efficiency sang zawk si khan a kal theih dawn a. Hetiang privatisation te pawh hi a ngaihtuah theih lawm ni tih kha kan rawt bawk a ni.

Tin, Pu Speaker, 19-na LAD-ah hian flem han sawi ka duh a. Tun tum Village Council Election Electoral Roll kha engatinge maw kan Government Press-ah hian chhut anih tlat loh le? He House-ah ngei hian kan press hi i dawr ang u tiin thahnem ngai em em in Minister kha a au a au kha a ni a. Helai a cheng tam tak ma hmuh theihna si hi he LAD Department hian engatinge a ngaih pawimawh loh a hmundanga a chhut tir tak mai tih hi nakinah kan hrechang duh a.

Tin, V/C tuna in draw na awmta te kha hmarni a kan sawi tak ang khan engtinge sorkarin a tih dawn, a duh sak bik lam kha tam zawk lo pawh ni se sorkar a siam luih tir dawn nge, a dissolve dawn tih kha nakin wind up naah min hriih thei se a lawmawm khawp ang. Ka lawm e.

PU K. VANLALAUVA

Pu Speaker, hun min pek avangin ka lawm e. A hmasa bera ka rawn sawi duh chu Demand No.

16-na Jail, Home Department

hnuai a mi hi a ni a. An pawisa pawh hi a flem a flem a pung ve hlek a. An lawmpui awm hlein ka hria. Amaherawhchu, an establishment hi engkim mai hi Independence a function an nih tawh lai a 'under home' tih hi a hnawk mang e aw tihna ka nei fo thin a. A chhan tam tak a awm tih erawh ka hria a. Chutih rual erawh chuan a chhan chu, a chhanna, under Home tihloh dan hi awmin a lang a. Home Department pawh hian an ngaihsak hman tak tak lova. Anmahni bil hianin I.G. Prison atang hian engkim fel taka kal annih tho tho lai hianin kan Minister zahawm tak hianin helai kawng hi han dap se chuan tun ai hianin an zalen ang a, an chak bawk ang tih te ka ngaihtuahnaah a awm a. An pawisa flemte hi tangkai tak a an hman theih lehzualna turin.

A dawt lehah chuanin he Demand No. 16 naah hianin tuna rawngbawlna Pathianthu sawitu hrang hrang ten, jail hrang hrang an tlawh thin hi a hlawk hlein ka hria a. Jail chu misualte dahkhawmna nilo kan tih rual hianin misuallo dahkhawmnaah kan puang thei tak tak bawk

silova. A chhungah khanin an taksa Jail chhungah awm mahselangin an thilung, an ngaihtuahna kha an zalen a ngai a ni. Chu zalen tir tur chuan in rawngbawitu pawimawh tak tak te hi an hluin ka hriat pui a. Tun thleng hianin sawi ka hriatna leh ka lo dawn thinnaah pawh hian (Current fluctuate) chutiang chu anih avangin tun aia nasa zawk hian in phal sela. Sorkar enkawina piahlama thilung lam zalenna leh hreh lo taka Jail a tanna damdawi kha pek dan kawng ngaihtuah thiam sela a hlawkin ka rinpui khawp mai. Tin, tuna District Jail hrang hrang an sak lai mek te chak taka an kalpui hi lawmawm ka ti a. Tin, Party party pawh ngaihtuah lova a remchang leh a thawk chak awm apiang te an han thawh tir te hi lawmawm ka tih thu ka'n tarlang duh bawka ni.

A tawp berah chuanin Demand No. 36-na Environment & Forest Department a ni a, tunhma ai khan an tam tawh a. Sum pawh an ngah tulh tulh a. Chutih rual erawh chuan tunhma a an building te kha enkawl hleih theih loh an ngah ta deuh hlek a. Hei hi an lre tho ang tih ka ring chungin keini Aizawl hlat lam bial neitu hotan chuan a hahtlak deuh hlek a, sawi mawi fo mai an ngai deuh thin a. Hei hi chu en ngun deuh hlek a tha in ka hria. Staff pawh Aizawl inhnawh deuh tun lo hian an quarter sak tawhna leh Department an hawn hrang hrangah hi chuan in post chhuak thei sela. Mipui tan leh an ram enkawl nan hian a hlawk ang tih ka ring a, chumi ka rinna chhan chu hei hi a ni. Mizo zinga kan neih hmasak ber ni a ka hriat PCCF Mizo tlangval ngei kan nei ta hian tuna ka'n sawi kha a tih theih ka ring tlat a ni. Chuvangin tunhma ai zawngin a awm tawh te an fello tihna lam ni lovin, Mizo hmangaihna le ram hmangaihna nena an en loh deuh thinna a lan deuh avangin, tunah hi chuanin PCCF thar Mizo tlangvalin he Department an enkawl tur hi thlamuan thlak hle dawrin ka hria a ni.

Pu Speaker, a tawp berah chuanin Demand 20-na School Education hi a ni. Ani hi tuna (SPEAKER : Chair kan inthlak e) Pu Chairman Demand No. 20 na School Education hi tawite han tarlan ka duh a. Tun tum Matric Result chhuakah khan thil ropui leh danglam tak mai rawn lang chu, Pathian leh mipuite zarah he House-ah hian kan lo awm ve zeuh zeuh a. Matric Result hi a chhuah niah MLA te hian vawikhat mah kan la dawng ngai lo. Tun tumah chuan a chhuah nin House-ah kan dawng thlap a ni, hei hi ropui ka tiin lawmawm ka ti a, kan House member te zahawmna an vawng tha hlein ka hria a. Tih zel theih nise a duhawm khawp mai.

Tin, pakhat lehah chuan Matric Result chhuah atanga darkar 3-ah Marksheet a la hmasa berin a la thei tawh a ni. Hei hi kan Forest Minister tihdan takah tuilet hrua thil awm hmasa ber a nin ka hria a. Matric Result chhuah atanga darkar thumah a la thei a ni. Chuvangin he Department hi Department zahawm tak leh fakawm tak a nin ka hria a. A thawk tute an fakawm hlein ka hria a ni.

Tin, tun aia an hming that lehzuah theih nan chuan tlein an department hi han her lret sela, bifurcate theih chu niselang chuan a tha lehzuah awm mang e aw, ka ti a. Tunah hian Director fel tak kan ni a, hmeichhia a ni nanga fakawm tak a ni a. Tichuan, a thawhpuite zingah pawh director phu tam tak an thu nghuk a ni, dik tak chuan ka pite, kan pute hi damlo sela, tih hialin Director nih chak leh phu an tam hial awm e. Mahse, sorkarin

khalamah khan thutlukna a siam rih silo. Chuvangin, tun aia School Education hi an chak a fak an hlawh theilman chuan Directorate dang an siam hian sorkar an fing awm mang e, tih ka ngaihtuah a ni. A tawp ber tak takah chuan nichina zawhnaah khan Question 147-na a lehkhabu sem dawngtu kha mi naupang 1,79,793 tih a ni a. Pawisa sen zat kha a zawtu in a zawt tel lo hlauh mai a. Minister lahin a sawi bawk lova, ka sawi duh lai tak chu he pawisa, lehkhabu an semna pawisa hian naupang zirilaibu hi Printing and Stationery Department ah hian chhut tir ta sela man lovin kan sem thei ihovang tih rinna lian tak ka nei, Imun danga chhuttir kher lo hianin, chuvangin a pawisa senso zat erawh ka hrelo, amaherawhchu, an senso zat han lang rekrual atang khanin kan sorkara hianin kan Department ah chhuttir ta selangin, an sem tur ang zat leh sem theihloh tepawh a aw pawn tam anih ka ringlo. Chuvangin kan pawisa, a tam thei ang ber Mizoram chhunga kan virtual tir hi a hlawkin, a hluin ka hria ami. Chuvangin he thurawn hi he Department zahawm takah hianin tawite han pek ka duh a ni. Chuvangin Pu Chairman, vawinah hianin he kan demand neitu te Minister pahnih demand-ah hianin pawisa tih punna te tamlo mahselangin flem flem a pun hi tha taka hmang turin ka duhsakna ka hlan a, hlim taka pass pawh ka duhpui bawk a ni. Ka lawm e.

PU LALRINLIANA SAILO

Pu Chairman, ka lawm e. Demand No. 19-na LAD. Hei V/C inthlan hma khanin NBCC kha hmanruaah an hmang nasa hle mai a, min

thlan tlin chuan hei hi kan tih sak ang che u in vengah an ti a, kha kha an thlang tling ta ngei a, tihsak se ka duh khawp mai tiam ang khan tih kan sawi duh a. Tin, LIC leh Housing Loan vel hi kan sawi tawh thin a, kan sawi reng reng teh ang. MLA te hi pek ve thin ngai a ni a, hun kaltawhah te, hei a buathlak hle mai Pu Chairman, Officer te kan hmelhriat ngamtlak kan dil ringawt mai a ni a, quota te hi in pek ve ngai a nia hun kaltawh zawng zawngah tiang hi ani thin a, chuvang chuan Party mal sorkar a ni tur a ni lo tih kha ka sawi duh a ni. Tin, 20-naah School Education a hianin hei tawite kan hriatthiam chiahloh chu other charges tih kha, a in flem hleih ta lutuk a, kum hmasa tenen khan. Khawilam ami nge ni hual kan nei nge ni aw ka ti a, khatiang anih chuan hnathawh dan tur a hi a har awm mang e ka ti a, nikum aini hei kan chhutnaah chuan nuai 1200 chuang zet maiin a flem ta flat mai a, engeni a awmzia ka hrethiam lova. Tin, 26-naah Information & Publicity, Public Relation-ah hian advertisement hi Department hrang hrangah hian an nei theuh thanin ka hria a, kan demand bu-ah hian. Nikum ai khan a let thawk mai a an tam ta hi media te tangkaina leh hman theih dan a hi a hlutna hi kan hre ta riau mai a, media a hian sorkar fakna hi a tha em em mai a, hengte hi an hmang tangkai emawni chu aw kan ti a, opposition te thu tha tak tak pawh hi engemaw chenah hi chuanin hailan anilo tih ang te hian kan hre thin a. Tin, demand 36-naah, Pu Chairman Speaker zahawm tak kha awm sengin engatinge new zoo chungchang a ka zawhna kha min chhan loh, eng bung leh chang kha nge kan dan buah tih kha ka hriat duh a ni a, mahse a awm si lova, hei hi kan sawi duh chu Forest Department hi a pawh em em mai a, khawvelah tunah hianin Global warming tih te, kawng tinreng mai forest department hi a pawimawh a. Kan hnung tawh a, Development & Eco development Scheme for all protected area wildlife sanctuary

ti a kan pawisa estimate siam a kha central atanga lokal kha nuai 1308.04 tih a kha, eng chinah hian nge hma an thawh tawh? Kha kha ka hriat danin kawng lehlamah phei kha chuan thawk thalo hle niin ka hria a ni, sum kha eng chin chiah nge a rawn kal tawh? tih kan zawt duh a. Tin, Eco development Committee ah hianin hei thingtlangah R.O. hi Chairman ah an tia, hei hi a thalo tawp a ni, corruption kawngka lo in hawna zau tak a ni thei tlat. A tirah chuan mipui in an participate tam theihna turin VCP emaw, YMA hotu emaw, High School headmaster te emaw armi tur a ni a, R.O a thut tlat a R.O. Chairman anih bawk si chuanin, kha khua leh kha area ah khanin duhtusam in mipui khan an participate ve thei miah lovang. Chuvang chuan anmahui khan an monopolise thei dawnin ka hre tlat a ni. Tin, base conservative scheme NEC a mi te kha, khang te kha engtingge a kal tak zel? cheng nuai 132 leh sing 7 kha estimate cost a siam kha a ni a, hun rei deu h hlek tawh khan. Tin, field implementation a te hi enge a dirhmun dik tak? tunah hian a nihtur ang dik tak a ni em? tih lehkha kan hriat duh te a ni bawk a. Tin, Rehabilitation of abundant jhoom cultivation under NAP in 11th division tih hi, hei hi ka hriatsual loh chuan Mamit leh Aizawl leh Thenzawlah chauh mai tih a ni a, 11th division tur anni si a, tah hianin an estimate cost ah khanin nuai 6898.38 a ni a. Kha kha engtingge a nihna takah hman a ni em? tih hi ka zawt duh a. Tin, chutih rualin Pu Chairman Agriculture demand kan sawi nimin a demand No. 31-na ah khanin controller seed te cultivation ah khanin nuai 100 a 50 kha a ni bawk si a, hetiangah hian Forest Department nen hianin thawhhona emaw, han tan tlanna a awm em? a chhan chu Agriculture hian eng ang chiah nge an lo hman ve a. Forest hian engang chiah nge a hman? tih hi hriat a chakawm khawp mai. Chutitova heta lo lang thin leh Central atanga Finance lokal thinah anih tur ang ni lo hi awm dawn ngeia kan hriatna hi a dikin ka hre thin a ni. Tin, MAP Medicinal Plant in Sanctuary nuai 3235.85 khangte kha market thlenga hmalakna tura tih kha a ni a, tunah hian engchen nge a kal tawh? Enggeni a dirhmun chiah? hriat a chakawm khawp mai. Chuvangin sum hi tam tak awm mahse a hmanna a fuh leh chuan siloh chuan awmzia a awm leh thin lo a ni. Tin, Forest Department hi a hrang hrangin enkawlna hi a tam khawp a, Central atangin, Afforestation maintenance ah te hianin nuai 1009.62 lai a ni a. leh hei far control, ram kang te thleng hian a ni a, ram kangah te hian YMA a ni emaw, thingtlangah phei chuan ram a kang a, anmahui thaimem ngailna in V/C in an theih thin a, hengah te hianin lawmman a awm thei lawm ni? tihian sum leh pai tam tak hi target a rawn awmin Central atang pawhin alo kal thin si a, tih hi kan sawi duh a ni a.

Tin, FDA (Forest Development Agency)

Project for SGVSY vaitawng a ni deuh nuai mai a, hetah pawh hian nuai 5080.41 Estimate cost kha a ni a. Mipui te a tam thei ang ber a an in hnamhnawih ve a, forest vendan emaw Environment tih changtlun dan chungchangah pawh a ni a, hei programme atanga awm kha a ni a. Engnge hengte hi kan kalpui tak zel? khawi khawiah nge? tih te a ni a, kan zawt duh a. Tin, Ind.... Forest Production cheng nuai 1072.12 hei pawh hi thladanga tih a niin ka hria a. Pu Chairman kan Minister zahawm tak hian Lunglei lam deuh lo pawh helai paw rawn tha zau se kan ti khawp mai, khawchhak a ni emaw, khawthlang a ni emaw, heng hi Lunglei bialtu lam sawlam bialte chu duhsak pawh a awm e. Amaherawhchu, constituency dangah pawh hian thla ha zar kai chho selang chuan kan ti ve hle a ni. Kan area te pawhin kan mamawh ve hle a ni, tih kan sawi duh a. Tin, compensatory Afforestation cheng nuai 11190.30 estimate cost an siam kha tah hian a tel em ni? tih pawh kha ka hre lova, hei kan sawi duh tak hi chu

nichinah Ratu bialtu zahawm tak khan a sawi tawh bawk a, compensate hi kan han siam ta a, compensatory land te, entirman Tuirialah te an han khuap ta a. Himundangah an han compensate leh ta a, mahse a maintenance naah sum a awmlo leh flat thin a ni, entirman Khawhai bialah te pawh ram chu an han pe ve a, V/C ten, an han siam a, enkawlna tur kha a awm leh silo a ni. Tin, hmun tam takah pawh a ni a, thing kha a thi leh ta a, kha khan sum tam tak khawhral a niin a nih tur ang a nilo kha a pawimawh hle in ka hria a ni, tin, khangah te khan kan ti a, Tuirial te pawh entirmanah tikhkan sum tam tak an kal a, kan sawi tawh a, compensate kha a nilo tur anga anih vantage pawh a niang chu mawle, khulai Lalchhungkua te pawh an ti vak vak ka tih kha khatiang te vang pawh kha anih ka ring a, a buai chuar nuai ta in ka hria a, khang kha a pawimawh hle in ka hria a. A enkawlna lampang pek leh silohva siam tawha kha khatiang abundant deuh thaw mai anni kha a pawl tak meuh meuh in ka hria a. Tin, Pu Chairman kan Minister hi mithiam tawp a ni a, a Forest hnuai mai bakah Environment hi tun atang hi chuan uar lehzuai nise a tha in ka hria khawvel kalchho zelah a pawimawh em em mai a, a pawimawhna hi a hretu ber anih angin hemi zawngah hian tlema hma han la leh hret tur in ka duhtu kan sawi ve a ni e. Ka lawm e.

PU S. HIATO

Pu Chairman, ka lawm e. I Chair lak lai ngei a sawi hi ka duh a, hei ka din chuan District Council Affairs hi ka sawi hmasa ang tih

hi chu in ring sa vekin ka ring a, tunah min sawipui tur hi in tam vak silova, a sawi awm tak tak te pawh khalamah khan in dah si a, an sawi ngam silova, chuvangin kei tal ka au loh chuan tunge au ang, tih kha ka ngahdan a ni. District Council ka sawi hma in Saiha Jail hi a hmasa berah kan session hmasa pawh khan mi an tlanbo a, duhtawka ava len hnuah a haw leh mai a tih Minister pawh khan a hria a, tun tumah pawh an tlanbo leh a, a chhungten an thlem a, an lut leh mai a, khatiang mai mai Jail kan nei saw a him lo lutuk a ni. Khatiang kha hmun hran hranah pawh a awm ka ring. Pu Chairman demand No. 390 naah ka lut ang a, tun tuma budget-ah hian Lai District Council te. Chakma District Council te, Mara District Council te pawisa non-plan leh plan-ah a pung a, Lai in plan-ah nuai 25 in a pung a, Non-plan ah 75 in a pung a, a lawmawm. Tin, Mara pawh plan-ah nuai 25 in a pung a, non-plan ah 57 lakhs in a pung a, kan lawm khawp mai. Chakma ah chuan Plan-ah nuai 25 in a pung a, non-plan-ah chuan 7 lakhs in a tlem a ni. CEM ni bawk MLA bial hi heiang anih mai le. Pu Chairman kan sorkar hian District Council te hi min suasan nasa em em mai a, an theihna zawng zawngin min bei a, min tihchhiat au tum a, pawisa nen nihna nen thlema chitin reng in min thlem a, min tichhe tam tawk reng a ni. Amaherawhchu, kan rilru a na a ni tih kan sawi thit kha. Tun tumah District Council Election Mara-ah kan nei a, seat 19 nei kha an duhzawng a ni e tih lain kan duh loh zawngin 3 min belh a, 22 kan nei a, tunah harsatna kan tawk ta a ni. Inthlan result-ah khan Congress 4 MDF 6 Independent 1, MNF 10 an ni a. MDF leh Congress leh Independent tan ho chuan 12 an nih avangin sorkar an siam a ni. Tunah hian Independent kha lehlamah ava pakai ta a, 12 ve ve kan ni ta a. Constitution Conduct Rules hi 2002 an khan kan Governor hian a duh ang thalin a siam a, a siam a rules 22-naah chuan "Chief Executive member thlamna hi elected member chauh in an thlang tur a ni a ti a ni. Chumi elected member chauh anih chuan tunah kan intluk tlang tawh a, a theih ta lova buaina kan nei

a. Nominated hi a hmasa chuan vote an neih tir a, Pu Thawlla Chief Executive member anih lain an neih tir a ni, mahse Pu Thawlla kha thlak an duh si a, chuvangin nominated seat zawng zawng kha an paih a a tharin nominated seat an pe a, chutah chuan nominated seat chuan vote an nei lo tur a ni tiin Governor in dan a siam a ni. Tunah hian palzut in kan awm ta a ni, pawl kan ti khawp mai. CEM chuan EM tur te a rawn ang a, collective responsibility an nei ang a, recommend a siam tur a ni tih a ni, mahse kan Independent chu nangni lamin inthlem thluk ta avangin a EM te pakhatmah rawn lovin EM recommendation a siam a, chu chu in pawmsak ta mai a, dan inkalh a ni. Tin, nominated seat pawh common responsibility leh a thawhpui EM te rawnin a recommend tur a ni a. Rawn lovin amah chauhin nominated seat a recommend a in pawmsak ta a, dan lo a ni ti a kan khin kan khin a High Court hial kan thlen pawhin in ti lui zel a ni.

Tin, chu aia pawimawh leh zuala chu Pu Chairman *nimin* khan Question-ah ka zawt tawh a, MDF leh Congress a sorkar lai khan V/C term a tawp tawh si a V/C thar an ruat a ni, chu chu ruat ngai a ni. Mahse dan ang thlap a sorkarna siam kha an pawm lova hemi order hi sorkarin *enchhuah* a ni. "Order dated Aizawl 18 October, 2005 No. _____ Saiha District chhungah Mara District Council dinglaite hi Relief & Rehabilitation Department hnuaiiah DRDA leh _____ ah Working Agency tan V/C te hman a ni tlangpui a. Tuna V/C anga hman te hi mandate nei lo an term tawp hnuai thla 6 pawhsci an nihin V/C inhlanna siam lovin party mi leh sate ruat chawpin V/C anga function tir an ni tih sorkarin a hria a, hei hi thil dik lo tak a ni a ti. Engatinge mi dan ang thlapa CEM te EM te hi dan lo min tih engnge dan lo a nihna chuvangin District Council huam ehunga V/C thlan tur an hmuh hma chuan V/C phuahchawp agency atanga Rural Development chi hrang hrang NFWP telin tih tawp nghal tur a ni min ti a ni. V/C tena N.G.O hmangin DRDA leh BDO te nen tang kawpin Rural Development Programme chi hrang hrang hi V/C level-ah execute tawh tur a ni. Hetianga V/C term tawp tawh election a appoint pawh min thiah sak a, NGO in ti a mahse ka sawi tawh angin BPI, hawk an in din a MNF tur member an in ruat a chu chuan hna tam tak an thawk a list pawh ka nei a ni. Hetianga mi an sawi sak avang hian dan palzutna a nasa em em a, hreawm kan ti a. Tin, CEM hi kan danah chuan Vote of Confidence ni 30 chhungin a la tur a ni tih a ni. Tunah hian a dik lo, kan pawmlo kan ti chungin thla 3 aini a tam tawh a. Vote of confidence a lak tir lo a ni. A chhan chu Nominated Seat 4 an dah kha Vote an neih dawn leh dawn loh nei lo turin an ti tawh si. Nei turin an duh si. Danah a awm si lo. Tiang khawpin a sawisak hi a hreawm kan ti. Tin, Chairman kha thlak tur a ni a. No Confidence Motion kha move tur a ni a. Dan kan nei thlap a. Mahse, Chairman tur kha, Chairman in session ko lo khan Special Session an koh tir a, Governor chuan Special Session chu ko thei e. Mahse, 2/3 of Majority MDC ten an lakin an ko thei a ni. 2/3 Majority thing lo chuan min tilui tir a. Chu Chairman thlan dawn a nih avangin Chairman District Council chauh ruat tur kha Governor in Panel of Chairman Pu N. Hmunsanga a lo ruat a. An thut tir ringawt a. Dan lo anih avangin kan Council a buai a. Khalaiia Panel of Chairman pawh a seat atangin a tla thla tih TV atangin in lo hmu a. A zahthlak a ni. Tin, dan lo tih hre reng si a min namnul avangin Panel of Chairman chuan Chairman kha thlang turin No Confidence tih tur a ni a. Engmah a Conduct lova. Tikhan amah kha an zawnehhuak a ni a. Chulaiiah chuan District Council Sanctity kan Mara District

Council chhungah midang luhphal a ni lova. Mahse, MAP kha khat tlatin an lut mai a ni. Chutiang khawp hmuhsitin kan awm hi a hreawm kan ti. Chubakah Chairman thlang thei lova kan awm a, chhuak ta mai to kha engmah Proceedings pawh draw a awm lo. Mahse, Room pakhtatah phuahchawpin session kan nei a. Chairman kan thlak ta a. Midang kan thlang ta tiin an Report ringawt a. A dik love kan ti a. A dik lovin an chhui zui a. Mahse, tun thlengin Action lak a ni lo. Tin, kan Governor hi order tam tak a chhuah tawh a. Khatia an buai avang khan High Court ah kan kal tawh si a. High Court kal si chuan Special Session ko bawh si a, CEM hi High Court ina thil a thilfel hma chuan thlang lo turin a rawn ti a. Hei lehkha number a awm vek a, Law Secretary in a hre vek a. Mahse, a pawl ta ber chu hemi Department hi District Council Affairs Department a ni lo. Political Affairs Department a ni. Governor leh Minister in thil an rawn buatsaih fel sa hi Secretary tih tir a ni. Hetiang em ema kalpui tur hi a ni dawn em ni? Tin, Governor ngein in CEM ni lai hi complaint a tam si a, High Court ah a kal si a, chuvangin, thil pawimawh bik Policy matters lo khawih suh u a ti a. Order-ah chiang takin a siam a, Plan pawisa reng reng chu lo khawih suh, Appointment nen a ti a. Mahse, Ministry in ti rawh a ti a, Governor in ti suh a ti a. Tunge lal zawk? An kal mawp mawp a, an maimitchhing flat mai hi mak ka ti. Chutianga chuan, min sawisa mek a nia.

Nimin piah khan Phuldungsei bialtu in Direct Finance te, UT kan tih chungchang te a sawi ani. Dik tak chuan Direct Finance hi Mizoram sorkar tih tur a nilo. Central atanga lo kal tur a ni. Engatinge in ui viau a. Tih emah chuan 1952 ah Lushai District Council a awm a, 1953 ah keinin P.L. Regional Council kan nei ve a. Khanglai khan Primary School Education chiah asin in san zawkna. Tunah nangni UT atangin State-ah in chho a, in state chhoh rual khan UT kai chho tur asin kan nih. Chubakah, ramri tha tak siam sak kan ni a. Hemi chhungah hian, in huathu suhah, kan ramah Inchi khat pawh ram in pe thei hlei nem. Tun thlengin ram pass pekna power in nei hlei nem. Chutianga in sawi sak a, inghaisak a awm hi a hreawm lutuk avangin Direct Finance te, UT dilte duh emaw duh lo emaw min tur lui dawn a ni. Kan kal zel dawn flat. Vahchapah mei min hal khung tawh a. Kan thaw thei tawh lova, engemaw tal kan zawn a ngai a ni tih hi ka sawi duh a ni e.

CHAIRMAN

Kan danin a sawi angin lehkha chhiar kha phal a ni lova. Kan hre dawn nia. Awlo, Pu Zodinluanga i lo sawm ang.

PU ZODINTLUANGA

Pu Speaker, demand 20-naah hian ka tan mai ang a. Hei kan School Education hi kan sorkar Department zawng zawngah hian a pawimawh filawr ber niin ka hria a. He Department atang hian nakinah kan ram leh hnam enkawl chhoh nate, kan thlahte thlenga he ram lo enkawl tu tur kan train chhuahna tur Department a ni a. Kan fate hi an naupanlai atanga

zirtirna tha, ei leh in tha leh infrastructure tha a kan enkawl chhoh loh chuan a tawp lamah enganga school tha emaw institution thaah pawh kaltir ila, a tir, a basic atanga kan zirtir that loh chuan anni tan hian man tak tak a har thin a. Chuvang chuan, zirtirna tha hi Middle School te, Primary atangte hian kan mamawh em em mai a. Hei kan ram chu kan hria a, India ramah pawh zia leh chhiahrah chuan a ti tha ber dawttu kan ni a. Tunah kan Minister zahawm takin hma a la a, India ramah a ti tha ber nih tum in hma kan la e, an ti a. A lawniawm em em a. Mahse, helamah hian ngaituahna kan sen a tulin ka hria a. A quantity lam ringawta kan kal chuan awmzia a nei dawn chuang lova. Quality tha kan neih loh chuan vawinah pawh a result kan hre mai a. Hmanni lawkah HSLC result a lo chhuak a, chuta kan pass percentage chu 40.49% a ni a. High School tam tak kan en let chuan result nil pakhat pawh pass theilo School tam tak kan nei a ni. Chung chu, engvanga khatiang nei nge kan nih? A chhan kan chhut chuan Middle School ahte, Primary atanga zirtirtu tha kan neih loh vangte a basic education atanga an rawn zir chhohna atanga hma an sawn loh avangin khatiang a lerah harsatna kan tawh thin a. Hei kan hrechiang tlang a, Sorkar hnuaia zirtirtute hi an hlawh a tha thawkhat viau a ni. Mahse, an hlawh chanve pawh hlawh pha manglo Private School te han en hian vawiniah hian Mizoram nu leh pa te hian Private Schoolah kan neih ang tawh tawh bakah mi ta puk chawp fein Private School-ah luh tir kan tum a. Hengte kan hmuh hian kan sorkar hi a in en that a, a in bihchian a ngaiin ka hria a ni.

Tin, thingtlang lam han lut leh ta ila, keini thingtlang lam MLA te chuan kan harsatna ber chu zirtirtu awmlo, zirtirtu an rawn post a reilo teah khawpui lamah an sawn leh tih te, zirtirtu pakhat chuahin School enkawlte a ni a, hetiang matric result a Ist Division a pass tur chuan engtingge kan inehherchhuah ang le, chuvang chuan kan zirtirna, kan education chungchangah hian a pawimawh chu elementary leh primary te kha a ni a, hei hi kan sorkar hian min ngaih pawimawh sak turin ka duh a, School naupangin a tir atanga a man tawh loh chuan hetah lo zirchho sela, School thaah pawh kal sela a man a har tawh a ni, chuvang chuanin zirna kan enkawlinaah hian kan Minister zahawm tak hianin thingtlang lama zirtirtu kan neih that lohte min ngaihven that sak sela, Aizawi khawpui chhungah zirtirtu tam tak an awm a, tunah hian ka zawhna, Assembly zawhna ah pawh kan hmu a, Teacher-excess-na te pawh kan hmu a, chutiah lain thingtlang lamah chuan zirtirtu kan indaih loh em em a, an rawn post ve thin a, Department-ah te attach ten an awm a, a then, a then chu an rawn zawm a, rei lo te, anmahni ai kal an awm chuan kan lawm ngawih ngawih tawh a ni Pu Chairman, aikal la thei zirtirtu hi keini thingtlang lam bialtu te hi chuan kan mamawh a, hemi in a entir chu kan Minister zahawm tak hi a Department enkawla hi a control lo emaw ni chu aw, ka ti a ni. Zirtirtu an awmna tura awm thei lo, engvangin nge an post-ah hian an awm theih loh, a mawhpurtu hi chu a chiangin ka hria a, hengah hian kan Minister zahawm tak hian nakinah wind-up naah khang ang kan sawite kha min rawn ngaih pawimawh sak turin ka duh a.

Tin, kan sawi thin a tuna kan zirlaite hi nakina kan ram hruaitu turte kan ti thin a, sum tam tak kan seng a, sum tam tak sengin education lamah sorkar pawhin a hmang thin a, heng kan sum rawn hmuh te hian a tak hian hna a thawk em, Central atangin tanpuina tam tak kan tu leh fate zirtirna tha a neih theilma atan hian sum tam tak min pe thin a, tun tum Assembly zawhnaah pawh kan hmu a, heng ang sum min rawn peka te hi, min pek chhuna te pawh dawngkim thei lovin kan awm a ni. Kan sorkarin State Share kan pek theih loh avang ringawt hian cheng nuai 2522.6 hi kan chan a ni. Hmanni lawkah budget discussion kan nei a, chungahte chuan kan sorkarin Financial Management a fel zia tiin surplus budget te kan sawi a. Chutih lain kan Education in hma a

sawna tur atana Central in pawisa min rawn pek chhun pawh kan do let theih loh avanga kan chan kha cheng nuai 2522 lai a ni kha pawh ka ti a, hengte hi kan Minister zahawm tak hian hetiang ang kan hmuh theihna tur atan Matching Share te a tam zawk dah thei tura hma la turin ka ngen duh a. Tin, Midday Meal hi tlem han sawi ka duh a, Central sorkarin India rama naupangte Mizoramah pawh khawpui ami pawh thingtlang a mi pawh ei tur tha an neih a an hriselna a lo that a, an hriselna a lo that chuan an thluakte pawh a lo tha ang a, zirtirna tha leh an lo fin theih nan chaw tha rawn pe turin Scheme fel tak midday meal a rawn siam a. Hengte hi a lawmawm em em rualin kan sorkar he midday meal a kalpui dan hi a pawh ka ti a ni. Pu Chairman, kan bialah chuan midday meal atana chaw an semte chu mihring tana ei tlak loh vawk tan pawh a ei tlak lohte a ni. Kan Governor zahawm takin a mit ngeiin a rawn hmu ve a, not fit for human consumption a ti a ni. Kan Mamit bialtu zahawm tak khan hmannah thu a sawi a, hetiang ang thil tha chaw tha hian Mizoramah ruai kan theh mup mup a ni a ti. Hetiang chaw ei tlak loh hi chuan Pu Chairman, khawngaih takin ruai hi theh sak tawh suh se. Chutiang anih loh chuan kan fate kan tute ei tur tha thingtlang a mite pawh ei tur tha an rawn pek Scheme tha tak takte khatianga ei tlak loh a kan pek chuan annahni tan pawh a hrisel dawn lova. Kan Minister zahawm tak pawh hian a Department hnuai a mite naupangte ei tur a ni a, a petu tur Department chu a ni lo nangin kan Supply Department ah te chak taka hma la turin ka rawn ngen nghal duh bawk a, kan buhfai bag te hi a chhe em em a ni tib kha kan sawi tel duh a.

Tin, demand no. 36 na Environment & Forest hi tawite in han sawi ka duh a. Ka bial chhungah Thoreng Sanctuary a awm a, sawmi bulah sawn khua pahnih Kawnpui leh Darngawn an awm ve a, Sawng khuate saw sanctuary atanga an loneihna te leh an kalvelna saw sanctuary chhung a ni a, an tan harsatna tam tak an nei a, hei hi kan sorkar hian min ngaihtuah pui a re-settlement scheme sanctuary atanga min lak chhuah sak a, re-settlement scheme fel taka min tihchhuah sak turin ka han ngen ve duh a. A khua chuan in 40 vel kan nei a sorkar tan pawh thil harsa tur min ka hre lova.

Tin, Environment & Forest lama kan thang harh nasa em em mai a, ramsa te leh kan Forest te kan humhalh loh chuan mihring tan pawh a pawh thui thei tih kan hria a, chungtiang atan chuan kan Minister zahawm tak hi hma min lo lak sak turin ka han ngen e. Ka lawm e.

PU SAIKAPTHIANGA

:

Pu Chairman, hun min pek avang-in ka lawm e. Vawinah demand pawimawh tak tak Minister pahnih chan kan sawi dawn a ni a, a

tam si a, tlem tlem chauh kan sawilang hman a nga, a kim changlo hle dawn a ni. A pawimawh si a, kan sawi a nge, demand 20-naah han lut chat ila tunhna maia matric result chhuakah khan High School 65 ni tain ka hria, matric pass an awm lo va, High School 65 a, a vai deuh thaw hi sorkar School sorkarin a enkawl a ni a, heta tang mai hian kan zirna hi siam that a ngai hle in a lang. Zirna chungchangah hian hma kan sawn a programme chi hrang hrang computer te leh eng eng emaw tunhna a kan hria ngai loh central lam atanga lo kal hman tangkaina a nasa hle a, mahse heng hman tangkai tur hian a bul lamah hian kan in puahchah tawlo a ni mai awm e tih ka ngaihtuah thin a. Chuvangin kan zirna

hi en uluk a ngai hle a ni tih hi kan sawi nawn leh duh a. Chutih rual chuan Private School ah result a tha fangpu a, mahse, Private School hi kan thlahthlam lutuk a, kan zirna man hi a to lutuk deuh va, chuvang chuan Private School sumdawn nan a an hmang nasa ta lutuk hi sorkarin Guide line fel deuh tak a siam theih chuan a tha ngawt ang tih kan sawi duh bawk a.

Tin, Zokhaw lamah hian zirtirtu chungchangah kan harsa em em mai a. Bialtu nih paw hmun thenkhatah chuan hrehawm khawpin zirtirtu hi kan indaih lo a. A bikin Primary Zirtirtu lunan deuh te khan sorkarin an rawn a. Zokhuaah min han pe a. A cham rei pawl chu kar khatte a ni mai a. An haw leh daih mai a. Chuta tanga rei vak lovah chuan a khaw chhunga mi aiawh an rawn la a, chutah pawh chuan zirtirtu neih loh ai chuan leh matric lo pass tawh te, college lo zo tawh te, thawh tur nei silo khan an pawm lo thei lova. Hlawh flem te te maiin khaw chhunga mi an han ruai a. Hengte hi aiawh a lak dawn chuan chuti zat tal chu a hlawh tir tur a ni tih hi siam law law mai ila. Primary zirtirtu aiawha thawk theuh theuh hi ka bialah khuan Rs. 1000/- a thawkte an awm a, Rs. 1500/- te, Rs. 2000/- te. Chutiang chuan a intawng fuh fuh kha an inla chhawng mai mai laite hi enfiah a ngai hlein ka hria a. Tin, SSA kan tih hi zir thiam hleih theih pawh a nilova. Hmannia kan Minister zahawm takin a chhannaah pawh khan guidelines a awm lo a ti deuh mai khan ka hria a. A buathlak em em mai a. Kei ka la zir thiam lo nasa khawp a. Education volunteer te an ti a. Tlemte te hlawh, a chang leh an ban leh a, tiang khan. Tin, building sakna turte pawh an han pe ve bawkin ka hria. Education Department hi a Major Department niawm tak a ni a. Hei nen hian tun ai hian kal kawp sela. Tun ai hian inhre pawp sela kan chhawr tangkai ngawt ang tih hi ka ring. Chuvangin helai chungchangah hian Point pahnih zirtirtu chungchang leh SSA nena thawh hona chungchangah hian tun aia fel zawk hian thawho dan hi sorkar hian rel chhuak se a tha ngawt hian ka ring.

Tin, hriathiam loh deuh mai ka neih chu Mamit DEO Office zawk nge ni, SSA lam nge ni ka bial atang khuan zirtirtu regular pali an la chho tawh a, Mamitah khuan a ai min rawn pe bawk silova. Chutih rual chuan awm tha duh hlek lo, zirna atan pawha tangkai lo, khawtlang tan pawha hnawksak deuh ti tiha kan ngaih, sawn kan tunte chu zirtirtu in indaih lo em mai min ti tlat bawk si a. Chuvang chuan kan Education hi zirtirtu posting chungchangah hian enfiah a ngai nasa hle in ka hria a. Chu chu ka sawi duh a. A tawi thei ang berin a ni.

Keini Zokhuaah pawh chengker leh a hnam hnufual tamna deuh bialtu tan chuan a mangan thlak em em mai a. Education ah hian hnam hnuaiahmung deuh leh hnam changkang lo zawk deuh ni a kan ngaih te pawh hi an harh nasa tawh a, chuvang chuan keini bialte khu a bik takin Special Attention pek kan ngai hle a ni tih kan sawi lang duh a. Chutih rual chuan a sang lamah pawh hian tun aia kan tan hi chu a ngai mang e, hmannaiah General Discussion ah khan kan sawi lang tawh a. BA, BSc. Tih lai bawrah hian kan tavp tam ta lutuk a, chu aia sang leh tha zawk han kal ngam zir lai hi Mizoram atang hian kan chhuah flem ta em em mai ni hian a hriat a ni. Chumi atan chuan kan Education Minister chakna leh Central kal kawp hian tun aia zirna fir zawk kan ti dawn nge! chutiang ang chu ngaihtuah chhuah a hun hlein kan hre bawk a ni. Chu chu Education chungchanga kan sawi duh zualte chu ni mai sela.

Tin, Demand 36-na Environment & Forest ah hian sawi tur a tam hle mai a, kan sawi seng hauh lo ang a. Amaherawhchu, kan Minister zahawm takin a min lo bawhzui pui atana pawimawh tlem han tarlan ka duh a. Hei khawthlang ram ti mai ila, Tlawng thlang sawi ta ila, helai hi, Mizoramah Teak phun tamna ber niin a lang a. Chutah pawh chuan Tut thlangah hian a tam lehzuai a, chutah chuan Ratu bialtu zahawm takin a rawn sawi tak Supreme Court Order kan tih kan ngaihdan in ang thei reng reng lo mai hi zirchhuah a, a nihna tak nen hriatfiah a ngai a ni. Vawiinniah Forest Department in Working Plan kan siam ang a, chuta tang chuan hralhchhuak theih dan kan buatsaih ang an ti a, mahse, Teak tamna ber Area Kawrthah bial angin in sawi teh ang. Chu chu working plan siamah pawh hian a tel lo tiat zelte hi engti zia nge maw ni aw! Ka ti a. A chang leh Forest Reserved chu 1970 District Council hunlaia Reserved a puan a nih avangin tih theih a ni lo an ti a, a chang leh in rawn in Register lo a lawm an tia, in Register dawn khan Reserved chhung a mi in ni a, in in Register thei lo, an ti baw si a. Chuvang chuan helai hi ngaihtuah chian a tha in ka hria. Chumi a nih loh chuan mipui khu nasa takin an beidawng dawnin ka hria. Hmun thenkhatah phei chuan hetiangah Reserved chhungah sorkarin min dah dawn a nih chuan kan in leh lo leh kan hmun ram zawng hi sorkar rate angin Compensation min pe sela, sorkarin zangna dawnna min pe sela he reserve chhung atang hian kan chhuak ve mai tur alawm. Keimahni phun, keimahni thlai thar pawh kan hralh theih siloh chuan chutih rual chuan khu area-ah khuan WRC ta tak a awm a. Thildang tam tak a awm a, chu zawng zawng chu a nih ngai in a kal vek a. Forest Department a kan tang flat bik hi enfiah a ngai a ni tih hi kan sawi leh duh a ni, Pu Chairman.

Tichuan, Demand 19-na leh 27-na hi kan sawipawlh nghai mai ila. Saiha bialtu zahawm ta khan Autonomous District Council a mumal loh leh eng eng emaw dan kha a rawn sawi a, a dik khawp a, mahse tah hian tihsual kan nei a. Mizoram sorkar leh Political party thenkhat ang pawhin hun kal tawh a Governor Power nasa takin Home Ministry ah te, Central te, kan nawr a, tichuan chu Governor chu duh duh a tal theiin kan siam a, keimahni dil chhuah a ni a. Tichuan, vawiinniah kan Governor phei hi chu a chang leh kan duh a, a chang leh kan duhlo a, chuvang chuan a sapatal ve mai niin ka hria a. Chuvang chuan Governor te pawh hi kan duh chuan duh ila, kan thlawp chuan thlawp ila, kan thlawp loh chuan huaisen takin do ngam ila a mumal deuh tur. Kan Governor shidan te hi diklo kan ti anih chuan a tak tak hian do ngam ila. Pu Speaker, Governor power Chiang tak a awm a, chu chu a hmang mai tur a ni a, khalai leh direct funding te pawh a inzawm vek a ni, a nihna takah chuan. Direct funding te pawh kan sawi thin a, a tha vaklo ang tih ka ring a, amaherawhchu, tha ti an awm miau chuan in hnial in hnial turah phei chuan kei ka ngai lova. Amaherawhchu, kan ramah hian tih thin kan nei a. Kan ram tana tha zui leh miahlo turte hi a awm ve baw si a ni tih kha kan sawi duh a. Tichuan, Village Council member te hlawhpung hi duhtawk nilo mahse a lawmawm ka ti a. A chhan chu kan Village Council memberte hi Zokhuaah chuan an hah tak zet zet a, an in leh lo hi an enkawl hmanlo a ni. Khaw lian deuh, sorkar milian leh mi lal deuhin an tlawh tamna deuh khua te phei hi chu hetia an hlawh mai bakah hian kawngdang pawh a la chhawmdawl hial tlak an niin ka hria a. Tin, chutih rual chuan mipui enkawl tur anga an enkawl loneitute hi chu tun aia rang hian hrem thung ila ka duh a. Chuvang chuan chi hnihin kan Village Council member

te leh a enkawl dan a hi ngaihdan ka neih a. Tun ai hian duat ila, lehlamah erawh chuan tun ai hian an pawl khawih te hi chu haw ngam ila, tun Village Council kaltaah khan khaw pakhatat chuan Food for Work an khaw mipui chanai a hralh vek mai a. A V/C member pui pahmih khan a protest nan an ban san tawp mai a. Chu pawh chu action la lovin a V/C term kan hmanral tir tawp mai a ni! Chutiang ang chu awm tawhlo sela, enkawlinaah pawh hian kan duhsak rualin sorkar hi huaisen ila kan mipuite tan malsawmna anih theih ka beisei a ni

Aizawl khawpui chhung cheina ah hian kan LAD Minister hian pawisa a hmu hmem hle a, fakawm ka ti a, lawmawm pawh ka ti a, chutih rual chuan LAD atanga Zokhaw lam enkawlina tawp ta silai hi Zokhaw lam bialtu tan chuan a mangan thlak hle a ni. Chuvang chuan a sorkar pum ang hian Aizawl khawpui ah ringawt pawh tunah hian vaibeichhe tam tak kan hmang dawn a ni a, step siamna, leimin tur dalna leh thil hrang hrangah khatiang kha Zokhaw lamah kan mamawh ve tho mai a, LAD lam atang a buatsailna a kai theilo anih pawhin sorkar pumpui anga buatsailna hi zokhaw lam hawi, Aizawl khawpui cheina ang hi sorkar atangin chhuak ve thei se la tih hi ka ngenna leh rawtna a ni.

Jail-ah nasa takin kum dang aia an tlem tak avang pawhin kan Jail enkawitu Minister hi a fakawm hle a. Dan leh Dun enkawlina chungchangah Jail hi a inzawm tlat avangin, hmanni a ka thu sawi, 32% zet a thubuai leh crime a lo tlem ta te nen khan Pu Chairman lawmawm ka ti a ni. Ka lawm e.

CHAIRMAN

:

Kan chawhma hun a lo tawp ta a, kan chawl ang a. Dar 2:00 PM-ah kan lut khawm leh dawn nia.

RECESS AT 1:00 PM

2 : 00 PM

S P E A K E R

: Sawiho chhonzawm zel ila, thu-sawitu kan sawm hma in hei kan Demand neitu Minister pahnih te hi an bengvar zual deuh nge ni? Dar 4-a break kan neih chuan Refreshment min pe turin an inbuatsaih thu kan dawng anih chu. Pu Lalhmingthanga ilo sawm ang.

P U L A L H M I N G T H A N G A

: Pu Speaker, ka lawm e. Hei vawin Demand kan sawi ho hi Mizoram tan a pawimawh leh em em vek mai a. Amaherawhchu, hun a tam lova, churang chuan, Department paruk ta a ni a. A zawai hianin ka sawi hman pawn ka ring lova, a hmasa bera kan sawi duh chu a indawt zawng khan kan tilo phawt mai ang a. Demand No. 19-na Minister zahawm tak LAD changtu Demand Local Administration Demand-ah hian sawi duh ka nei a. Hei, vanneih thlak takin 11th Finance Commission atang khan a hmalam pawh khan tlem tlem chu a lokal a, a bul rawn intan tha deuh viauin inti mai ang. Hemi Aizawl khawpui te, tin, Mizorama Urban Area awmho hmasawna tur atana pawisa rawn pek hi a thahnem ta viau a. Tun hmalam engeni plan ngawt ngawt atang hi chuan khawpui han cheina tur sum hi a tam mawh em em a. Mahseng, 11th Finance Commission, leh 12th Finance Commission hian khati zawnga kan khawpui te an rawn ngaihven tak avang hian pawimawhna an rawn pe a, sum a lo tam chho ta a. Aizawl khawpui hmel pawh hi chumi avang chuan nasa takin a danglama a mawi pawh alo mawi ta a. tin, veng kilkhawr tak takah te pawh inkal pawhna motor kawng kherlo step leh pavement tha tak tak te a lo man ta a ni. Tichuan, tuna kan kumthar han hman turah pawh hian sorkar kan ngen duhna chu Lunglei khawpui tan sawn kan ngen sak duh a. Lunglei South lam saw hei a bialtu ka nia, tin, hei North lamah kan School Education Minister zahawm tak a awm a. Tahsawng Lunglei khawpui hi khawpui upa tawh tak, a pian thuah chuanin Aizawl te nena upat zawng inang a nia. Tin, tunhma India Independent hmate pheikha chuanin hemi Lushai Hills kan tih maiah khan sumdawna kawng helam hmarlam aia kawng tha zawk mah leh lun zawk a ni a. Tuikawngin khutah Chittagong-ah chhukthla in Calcutta lamahte thleng a kal theih thin a. Amaherawhchu, India Independent hnuah sawlaih 'E' Pakistan alo piang a, Bangladesh a lo ni chho a. Tun thleng hian chutiang anga awisamna ka n neih thin a kha a lo hman tangkai em em theih ta lova. Tichuan, tunah chuan Aizawl khawpui leh Lunglei Khawpui hi a lan danah pawh pakhat State Capital a ni a, pakhat Second Capital kan ti ve flat a. A inthlau ta deuh viau mai, tichuan sawng ka bial Lunglawn khaw upa takte, tin, Theariat leh Sethun te Kristian sakhua kan nihnaah pawh biakin din hmasakna hmun te an lo ni a. Kritiante awna hunte alo ni a. Tin, Ramthar kan tihte, tin, Farm veng tihte, tin, Electric Veng mawng kan tih sawnglai zawng zawng te saw tun thlengin inkal pawhnate a la tha tawko em em mai a. Churang chuan, kan Local Administration a 65 crore nuai 49 leh singhuh kan hman chiholma turah hian Lunglei khawpui hmel tidanglam ve tur khawpa sum hi hman theih ve se tih hi kan ngen duh a.

Tin, hetah a North lamah pawh College veng mawng te, Venghlon mawngte, tin, Rahsi veng mawng te, chutiang chuan Bazar veng mawng te, Zohnuai, Zotlang, Pukpui khang thleng khanin Urban Area vek a ni a. Hetah Vanhne tin, hawng thleng pawhin hawrang kha ka bial anih leh a, chuvang chuanin helaiah hian kan Department changtu Minister zahawm tak leh kan sorkar hianin kan harsatna leh vawinah kan dinhmun saw min hriatchian sak sela. Vawinah ka thusawi hi uluk taka min lo hriat sak se tih hi ka sawi duh a. Khawpuijah mawi hnai hianin hnam pawh kan mawi hnaih a ni a. Tin, khawpui leh hnam hi a inzawm nasa em em a. Aizawlah khawpuite pawh hi hei hun engemawti atang kha chuanin tunhma lamah kan tluk loh em em thin Silchar khawpuite khu chu kan leh pel ta mai a. Kohima te, Itanagar te, chutiang ang chuan chu chuanin kan hnam a chawimawi a, ram dang atanga lo kal hnam dangte pawhin ni an tihna chu khatiang ang kha anih tlat avangin hetilaja Urban Development leh Poverty at the Alleviation fund atang hian sawtah sawn hna rawn thawk a. A khawpui hmasawna leh a chhungah in kal pawhna permanent..... te han siam bakah a mihring chengte pawh sawn hemi poverty and the alleviation Programme ah hian chhanchhuah ngai tam tak an avm a. Chung ang kawng hawi zawng chuan he budget provision atang hian Scheme te siam chho a, a tha thei ang bera hman nisela tiin sorkar kan ngen duh a ni.

Tin, hetah vek hian thildang kan sawi leh duh chu, V/C intlan dan leh V/C rules hi hmannah pawh khan ka sawi tawh a. Kan siam that thuai thuai a hi tihmak mawh a ni in ka ngai a. A Act hi kan zuk en pawhin Library ah emaw, Meuseum ah emaw dah tawh awm tak a ni a. A hming atang hrim hrim pawh hian tih kha hmannah pawh ka sawi a. A chhan chu 'The Lushai Hills District Village Council Act' han tih hi 1954 hmalam thil kha a ni a. Parliament ah tunah chuan hei kan zingah a awm ta lova, kan Rajya Sabha M.P. Pu Thanhira khan Lushai Hills tih pawh kha Mizo District tih a a thlakna pawh kha kum rei a ni tawh a. Tichuan, hei kan chhawm chho zel a. Engmah khatihlai kha chuan thil chipchiar taka siam pawh a ngai lova, Mizote nun ala mawin tha taka tih zel a ni a. Mahse, hun a kal chho va, mihring ngaihtuahna te alo tha lo tawh tawh a, tunah hi chuan Model Code of Conduct pawh a awm si lova, tin, a thil tisuat lian bera pawh kha a hrem theihna kha Rs.50/- bak a awm bawk silo, Imprisonment awm bawk silo, tin, a intlan danah Security maintain thei silo chutiang ang chu a ni a. Chuvang chuan hei hi tuma thiam loh bik pawh a ni lova, mahse a hhu ta deuhin kan ram hian a thar a mamawh a, hun tharah kan ding tawh a, a hming te pawh hi thlak chho tawh ila Lushai Hills tih ni tawh lo hianin. Tin, chubakah Model Code of Conduct te pawh keimahni nun zia milin siam ila, tin, hemi thil tisuat penalty ahte pawh hian tlema hlauhawm ve deuh hlek kha tel tawh sela. Tin, a pawimawh ber laia chu kan voting system a hi secret ah a kal theihna tur leh hetia a chhunga va thlak a, vote lak chhuah theih ni tawh lova, MLA, MP kan thlan a, Returning Officer hmaah chiang taka thlak ngei ngei a ngai a. Single paper symbol hrang hrang chhut ang chi hian, hei hi Electronic Voting system te kan la hmang thei em te anih siloh chuan khati zawng khan kalpui tum tawh ila a tha in ka ring a. Chu chu kan sawi nawn leh duh a ni.

Tin, Demand No. 20 School Education hi kan sawi duh a, hei sum pawh a tam tha hle mai a, crore zahnih leh panga leh nuai sawmli pakua leh singsarih panga leh nuai sawmli pakua leh singsarih ngawt mai a awm a, a tha a ni. A chhan chu School Education hi hnam inngahna a ni a. Tunah phei chuan hei thiam takin khawvel thang chho zelah a hmingte pawh Education tih mai ni tawhlo khan Human Resources Development Department ti

ten an thlak chho ta a Central-ah te chuanin, a awm em em mai a Mihring hi kan rawn pianchhuah a kan mamawh hmasak ber chu zirna a ni ta a. Tichuan hemi a bul kan tan dik hi chuanin sap thufing chuan a bul tan dik chu za zela sawmnga zawh ang a ti a. Kan naupang te hi eng chhungkua a mi pawh niselangin education tha School a bul tan tirhna atang hian kan pe thei anih hi chuan a chunglamah chuan anmahni leh anmahni an inenkawl thei tawh dawn a ni. Mizoramah hian kan harsatna ber lai a chu ziak leh chhiar hi chu kan han thiam mai zel a, tin, kan ngaina a zir hi. Mahse kan han kal sang tawh tawh a, a bul lung phuma that tawh loh avangin course sang zelah harsatna kan tawh ta thin a. Tichuan kan ram chhungah hna a lo harsa tawh tawh a. Ramdangah sorkar hnuaiyah kherlo company ah te leh corporation ahte chutiang angin mahni va inzawh, va inhralh a lo ngai ta a. Tahchuan quality kan neih thatlohi avangin harsatna kan tawh thin a ni. Tichuan tuna kan Education kaldanah hi chuan Primary School hi siam that a ngai tak zet a. Hei hun in min kalsana tunah chuan Primary School sorkar Schoolah hian naupang an tlem em em tawh a. Thangthar duh dan anga Commercialise ti tih a sap School din Kg-I, Kg-II tihah te khatiing ang fate kaltir ve theilo nih chu chhungkaw rethei ber leh veng chhunga mi harsa deuh tak pawhin zahah hian an nei tawh a. Chuvang chuan kan sysytem leh kan kalhmang a hi hunin min kalsan tih hi a chiang a. Heti lai hi reconcile thia m turin Primary Schoolah eizawng tam tak an awm a. Anni kha tawng pawng thlawn ngawt kha chu thil fel a nilo. Amaherawhchu, chutih lain khami kan sorkar system pangngaia Primary School a kan zirna ang hi chu tumah hian in thatho takin kan fate dah nan kan it tawh bawh silova. Chulaiah chuan kan sorkar hian ngaihtuahna mumal takin hmang selangin kal dan thar tha rawn siam chhuak sela tih ka sawi duh a ni.

Tin, a tawp berah chuan Demand No. 36 na Environment & Forest ah hian Pu Speaker kan ngaihtuah chian a ngaiin ka luria a. He kan ram thalai lai leh kawngpuia a chet rem lai lai te hi Forest Department ram a chang zo ta viau mai a. Tin, Wild Life sanctuary atan hian kan ngaw thate kan puang zel a. Tin, Forest ram hi Directive Principle hnuaiya a awm subject anih avang hian vawikhat kan puan tawh chuan State in a lak leh theih tawh mai silova. Chuvangin hei PCCF thar tepawh Mizo dik tak, Mizo ngaihtuahna a ngaihtuahtu tur te kan han nei a. Tichuan kan Minister zahawm tak leh sorkar hian helaiyah hian policy thar siamin Mizo thangthar rawn pung chho zel ten eizawna hmun tha kan neih theihna tur kawng hi enchiang leh selangin a tul laia hi chu deforest te chutianga tih hial niselang a tha in ka hria a ni, Pu Speaker ka lawm e.

PU ANDREW LALHERLIANA

Pu Speaker, ka lawm e, ka n sawi ve dawn ang a. Demand tam tak kan sawi tur hi ka cover hman dawn loh avangin ka theih chin

chinah ka tawp mai ang a. School Education atang hian kan tan ve ang a. Hei kan Minister zahawm tak budget kan pass tur hi a zat kan hre vek a, sawi rihlo mai ila. Amaherawhchu, nikum ai khan a tam a, a lawmawm a. Vaibelchhe 13 leh nuai 40 zet in a tam a ni. Amaherawhchu, he Department hi mitin, chhungkaw tin khawih leh kan future ber anih avang hian a tam kawkna hi a tawh lo hle in ka hria a. Chuvang chuan dah belh a tha hle in ka hria a, mamawh ang zelin.

Tin, kan Minister changtu hi a chhuanawm hle in ka hria a, hnathawh pawh a tum a, thawk turin hma han lak pawh a taima hle a. Vawinniah te pawh hian fak tlak ni hlah hlah hian ka hria a ni.

Aw le, han sawi chho zel dawn ila. Hei School Education han sawi chhoh dawnin a bul tan nan literacy ah chuan India ramah pahnihna kan ni kan ti a. Amaherawhchu, han en hianin kan han zir chho va. Vawinniah hian thalai hna neilo te leh lehkha thiam a chhiar tur si harsatna nei te, tin, chumai bakah lehkha zirna bawhzui turin Mizoram tawk lova phai lama kalte hi en ta ila, Bangalore ahte, Delhi ah te, Kolkata ah te, Mumbai ah te khuan a sang tel meuh zirna tha panin an chhuak a, kan ram duh tawk lovin. Hmanniah khan Higher & Technical Education changtu zahawm tak hnuaiiah khanin Bill kan passed a. ICFAI University kan ti mai a. Institute of charter Finance Analyst of India University, business lampang zirna kha kan passed a. Khami kan han sawi rual khan kan sawi tam ber Mizorama kan lehkha zir dan hi a tawk tawh lova. Hna hmuh nan pawh a tawk tawh lova. Conventional education ti a BA te, MA te kan tam thurh a general line. Amaherawhchu, Technical lamah kan hniam a, technical education lamah. Tin job oriented hna kan zawm a ngai tawh a ni te kan ti. Kan inthurual em em in ka hria a.

Tin, hei kan ramah hian mineral resource te kan neih loh avangin kan ramah hian kan develop theih tak mai kan resource awm chhun chu human resource anih zia te, sawitu zawng zawng pawh khan kan inthurual niin ka hria a. Helaiiah hian kan lehkha zirna hi endik a tul zia chu kan inthurual hle in ka hria a. Primary atanga a that chhoh dan tur pawh hi kan sawi vekin ka hria. Hemi kan zirna kalphung lo diklo ah hian Politician te hianin mawh kan phur lian hle in ka hria a. Tuna Ministry ni bik chuanglo in, a hma a Ministry te, a hma leh amite pawh anni vekin ka hria a. Tumah pha bik lo ila. Zirna School leh zirtirtu din chungchang thuah hian kan Politicise a, tahchuan Politics a hmalak nan zirtirtu te, ka pawl mi leh sa, an merit lampang chhutin an that leh that lo h pawh kan ngaihtuah lo. Keimahni in tihngheh nan thingtlangah te kan dah a. Chutiang chuan zirtirtu te kan lo la thin a. School kan din danah pawh hian a rem leh a rem loh a demand base aimahin keimahni party nghehna tur ten kan han ti vawng deuh hlek thin a. Tichuan Politics a hma kan lak dik lohna chu lo lang ta chu, kan zirlai kan han chher chhuahte kan siam chhuahte hian hna vawinniah hian zawng mahsela hna hmuh a lo har em em ta a. A chhan chu, an han zir chhuah danah te zirtirtu merit base a lak ni lem lo ten lo zirtir chhoh te an nih avangin kan buai hle a ni tih hi a lang Chiang em em mai a. Tun tum kan matric result ah tepawh khan 40% emaw awrh kan han passed chhoh danah khan, exam tam em em si, mahse kan quality kan education quality a chhiat zia kha kan hria in ka ring a, tah hian a ni a dik tak a bul thuah chuan, Politics Politician ho hian mawh kan phur lian em em a ni, a zirtirtu lak dan atang leh education kan lo khalh dan atang hian.

Hmanni a resolution kan pass dawn a, kan inthurual ang deuh hian tun dinhmunah chuan kan inthurual a ngai tawhin ka hria. Zirtirtu lak chungchang thuah hian Political consideration awm reng lovin, merit basis a kan lak a tul tak zet a ni tih hi kan inthurual theih chuan ram tan hma ka n sawn hle in ka ring a ni. Hei khawpui a kan sorkar School te phei chu zirlain an bawh ta lova, a chhan chu nu leh pa in private a kal an duh ve a ni tih kha kan sawi tlangin ka hria a, a dik em em a, tun March, ni 9 pawh khan MZP tepawh mangangin zirna engtingge kan siam that theih ang tih kha, zirlai hruaitu tekhan an ngaihtuah anih kha, khatah pawh khan sorkar School sub-standard avangin

private school nu leh pa in an bawh ta a. Chuvang chuan sorkar school khawpui phei chuan naupang nei manglo a khar ngai hi tam a awm a ni tih thleng khan an sawi chhuak a ni. Chutiang khawp chuanin kan buai a. Tin, private school standard thleng turin zirtirtu tha kan lakna turah hian hmalak a ngai a ni an ti a, zirtirtu tam tak English medium standard thleng phaklo te zirtirtu zirtir kawngah kan tam a ni awm e. Chung tepawh chu tam tak te phei hi chu voluntary retirement scheme siam sak a retire tir a, merit base a zirtirtu lak that a, private school level a khai chho tur pawh hianin tan lak a ngai a ni tih pawh an sawi a, a tha viau in ka ring a, khang tepawh kha. Tunah chuan engpawh nise merit basis a kan kal a tulzia kan sawi chiang em em a ni. Chumi rual chuan hetah private kan bawh rual rual in kan sawi tel duh chu, thingtlang lamah han kal chho ta ila, Aizawlah zirtirtu hi kan chuang hle a vawiinniah hian post chhuah turin a harsa deuh pawh a ni mai thei e, amaherawhchu, Aizawlah zirtirtu kan indaih em em a hetiang anih lai chuan a pension-na post hi chu Aizawl atang hian sawn chhuak ta ila, a post a kha, tahchuan thingtlang lama dah hi tul hle in ka hria, a bik takin keima bialah kan lut chho ta nghal ila, hei hmanmi bial ka fan tepawn ka bial Khawzawlah te, Kawikulhah te Chawngtlaiiah te khua zawng zawng kan flawhna a min lo hmuak a, ka bula rawn sawi tam ber te chu, kan hotu School lampang ngaihven anni a, zirtirtu kan indaih lova, School atan building material leh repair na te kan mamawh a ni tih kha min lo lunuak tu tam ber sawi a ni. Khami problem solve nan pawh khan kan Minister zahawm tak hianin a tih theih chuan kan bialah te a post a rawn sawn chhuakin, chutah chuanin zirtirtu lak dan kha merit basis tak meuhin a awnunghet tur lak nise chutiang chuanin zirna standard pawh hi hma a sawn leh thein ka ring a, khatianga kan kalpui theih chuan a lawmawm hle ang.

Tin, Khawzawlah kan lut lawk ang a, khi Khawzawlah khian mangan thlak deuh mai kan neih chu, MNF School anti mai a, model high school khi MNF Ministry hmasa daih tawh zawk atanga din kha a ni a, tahchuanin Congress hunlai pawh khanin a enkawltu tepawh khan MNF tak mai a anlo enkawl vang kha anih ka ring a, kan Congress Ministry khan deficit emaw a provincialised duh lova, MNF Ministry lo tlinah hian an beisei ber kha provincialise a ni, khami kha election manifesto ah pawh an hman a ni a, Khawzawl a kan buaipui ber chu Model High School leh Khawzawl khi engtingge district headquarter-an kan siam theih ang tih hi kan buaipui ber a ni Pu Speaker, tahchuan he Model High School hi MNF School a ngaih khawpa khatia lo tih kha, amaherawhchu, kum 10 tel vawiinni thleng pawh hian deficit pawh la nilovin harsa em em in a awm a, hmanmia MLA te Local Area Development Fund min pek pawh khan an mangan em avangin Pu Speaker, singnga kha khimi School tanpui nan ka pe ve nghe nghe a ni. Chuvang chuan kan Minister zahawm tak hianin khilai khi MNF School anih ang khianin khawngaih takin rawn provincialise emaw khatianga khan sorkar khan rawn la ta selangin a chhan chu mipui beisei dan a ni flat a. Tin, intihlan lai Manifesto pawh hi enchiah mah rawh u, a ni chiang khawp. Thla thum chhungin kan provincialise ang tih kha kan MNF Party ina khilala an tiam a ni. Chuvang chuan khawngaih takin, vawiin thlenga kum 7 an sorkar pawhia an la dah theilo khi mipui an vui em em a, tiam tawh tipuitling lova an ngaih avang khian khi khi chu a nihna tak takah chuan an beisei ve flat a ni. Kha kha khawngaih takin min hriat sak se a tha in ka ring a, chuvang chuan Model High School buaipui ngai tak, mipui ina an tha leh zunga an din khi khawngaih takin sorkar hian a ngaihven a ngai tak meuh a ni. A zirtirtute lah khi hmadang thawk thei turin a over age vek tawh si a, hmadang an zawng thei tawh bawk siloh avangin an kawli awk a ni, tih kha kan sawi duh a ni. Chuvang chuanin bial lampang hawizawng in khatianga khan hun a tlem bawk a, kan tawp tawh mai ang e, Pu Speaker, ka lawm e.

PU R. KHAWPUITHANGA

Pu Speaker, ka lawm e. A hmasa bera kan sawi duh chu demand 20-na Education hi a ni a. A hmasain hetah hian ka ngaihawh ve

deuh han tarlan ka duh a, tun tum matric result kha zawhna lama ka ngaihthlak ang khan School tam tak an NIL a, School thenkhat te erawh chu an ti tha em em a ni. Helaiiah hianin kumthuana lo zir ve tawh si pakhatmah pass chhuak lo khawpa School lo enkawl hi chu thil namai lo tak niin ka hria a. Naupang tam tak an ti beidawng a, hetah hian a mawh phurtu ber chu Institution a a head kha a nilo theilo a ni. Chu chu anih avangin a head-ah khan engtingge tihdan kawng kha Education Department hian a tih dan an hriain ka ring a, sorkar School te an nih phei chuan an ACR te thleng pawh hian nghawng ve sela, Private School deuh an nih pawhin kha Private School than zelna atan te pawh engemaw deuhthe chu tih a ngaiin ka hria a ni.

Hei Tlangnuamah ka awm a, tun tuma matric result ah khanin St. Pauls Higher Secondary School chu top ten ah 11 (sawmpakhat) an awm a ni. 10-ah khan 11 an han awm thei kha mak tak a ni a. engvang nge kan tih chuan an Institution a an head te hi an tha thin a ni. Kan bul hmaia mite an ni a, zirna an kalpui dante kan hmu pha a, an chawl lo reng reng a, an thawk nasa a, an thawhrah a ni a tih loh theih loh a ni. Chuvangin helaiiah hian zir tur a awmin ka hria a. Principal te pawh an Staff ten naupangin zirtirtu leh head te an zah ang hian an ngai pawimawh a an zah a, hetiang deuh hlek hian a titha Schoolah hi chuan head te hianin hmingthatna hi an khum a. Chutiang bawh chuan a titha lo Schoolah pawh hmingchhiatna an khum a, chu chu a nih avangin helaiiah hi chuan sorkarin a enzui a thain ka ring a ni.

Tin, nichina ka hma a mitten an sawi tawh thenkhatah khan hei khawpui chhungah pawh hian kan School thenkhat Primary level ahte hian naupang an tlem ta lutuk a, School naupang 20,30 awmnaah zirtirtu 6 lai te emaw 5 te emaw an lo awmnate pawh a awm nawk a ni ang. Amaherawhchu, a pawng a puia han insawn chhuah zung zung emaw tihdanglama kha chu tha ber pawhin ka ring chuang lova. Mahselang a tihdana erawh chu engtingge ni ang, kan zirna hi hetiang lamah hian Private School lamah te, English School lamah te an kal vak vak loh nan te kan Mizo School ti mai ila hriat avlsam nanah te hian, English hi kan han uar lehzual a tul ta hle a ni.

Tin, Education Department hi a lian em em a. sawi sen a ni lovang a, Demand a kan hmuh ang hian sum pawh hei a hma amiten an sawi ang khan a tam tawk a, helaiiah hian tuna kan budget pass tur a pawh hi a tam a, tin, budget hmasaah pawh khan a ni a. A budget ang hian an Department enkawl danah hian an thawk chhuak em tiin ngun takin ka theih ang angin report leh thildangte kan bengvar a, an ti tha hle in ka hria, a chuvanging tun a sum kan passed tura pawh hi kan pass pui ngei ngei turah ka ngai a. Hei nichinah zawhnaah te ka ngai thla a, Hindi Teacher lak thar tur te hi thil namen lo tak mai a ni a, kan Minister zahawm tak pawh khan a rawn sawi a, Central a thil awm satliah ngawt mai pawh ni lovin, Central Policy anga State in a tih tur ang satliah mai pawh nilovin Department a a enkawl tu ten thahnem ngai taka an nawrna avang leh kan sorkar hotuten an nawrna avanga he thil hi lo chhuak niin kan ngai thla a, a ropui hle in ka hria. Employment hmuh te a harsa a, Hindi Teacher 500 lai mai a lo kal leh turah 687 lai Primary School zawng

zawngah Hindi Teacher dah a ni tur hi 'Land Mark' ni in ka hria a ni. Chuvangin a ropui ka ti a. Tin, Mini-Diet hi Mamit, Kolasib, Lawngilai, Serchhip, Saiha, Champhai ah te kan han nei thar hi. a pawimawh em em a, mini diet chu ka hria ang a, diet hrim hrimah te pawh Training na hmum a ni a. Hetah hian zirtirtu te Training that an nih loh chuan naupang an enkawl dan a tha thei lova. Hetianga post pawh 150 lai mai nei belhna tur te an han buatsaih thei hi an fakawmin ka hria a. Tin, P. G. Teacher Higher Secondary School ah 109 lai an siam thar bawk a. Tin, Middle School 200 leh High School 38 lai provincialised thar te ah hna thar 1300 lai a awm te hi he sorkar hian hna a siam hauh lova, tih kha a siam tam em em zawk a ni tih kha a hriat theih a. A tul lo chu lak loh an ni mai a, a tulah erawh chuan tam tak an la a ni tih hi a chiang em em a ni.

Tin, kan hriat theuh angin Unemployment problem a lian si a, kan ramah mai ni lo, ram dangah te pawh kan mithiam te pawh chhawr tlak an nih theihna turin hetiang lam atan University Bill te hial pawh kan han passed a. Amaherawhchu, University kha chu thu dangah dah ta ila, kan zirlai awmsa rengah hian Vocational project lam hi kan uar pawh a tul a, chuta tan chuan sum pawh a hai chhuak tam hle mai a, a ropui ka ti a, nuai 1350 lai mai hi. Tin, 1st Installment pawh an la tawh a. Hemi hmang hian zirtirtu te training etc. tur a ni a. Cambridge level a thiamna lak chhuahna turte Department in an buatsaih dawn niin ka hria a. Hei hi chiang zawkin nakinah wind up hunah kan Minister in min hrilhfiyah thei sela ka duh viau nghe nghe a ni.

Tin, midday meal naupang 90000 pek an ni ta hi namenlo tak a ni a. heng mite tana nitina an eitur an rawn buatsaih te, chumi atan leh zirtirtu tha an lak theihna tura Village level ah pawh a ngaihtuah tu tur bik VEC te an han siam ta te pawh hi thil lawmawm tak niin ka hria a ni.

Tin, a dang han sawi leh ta ila. Information & Public Relation Demand 26-na hi kan sawi tamlo viau in ka hria a, amaherawhchu, an hnathawh hi a ropui em em si a ni. Dik tak chuan vawiinni te pawh hi local TV ahte live in pe chhuak lo se chu kan inchei dan thleng pawh hian a danglam ve mai thei a ni chuvang chuan khang zawng zawng kha a rawn ti chhuak a, district tinah te pawh a copy te an han pe chhuak a, a lawmawm hle a ni.

Tichuan, Environment & Forest lamah pawh hian sum tam tak an hai chhuak a. Tin, Mahal hrang hrangah pawh hian Sangha, Balu, Hmumphiah leh thil dangah hian sum an hai chhuak tam hle niin ka hria nuai 45 mai tih a ni a. Tin, Fire Prevention lamah erawh hi chuan ta n la leh deuh hlek se tha in ka hria. Kuminah hian kangmei a chhuak tam leh a, ramte pawh a kang leh nual a ni.

Tin, demand 16-na Jail chungchang thuah hian jail lama hmasawmna hi a nasa viau a, chuvang chua a enkawltu Department leh a Minister changtu pawh a fakawm hle in ka hria a. Tin, kan jail te a thatna tur atan hian hma pawn an la nasa. An kalpui dante pawh hi jail tangte pawh hi reformatory programme te an siam sak a, NGO te, Kohhran te leh pawl hrang hrang hetiang lamah an nun siam thatna lam tur hi an ngaihtuah sak

hi a tha hlein ka hria a. Chhonzawm zel sela. Tuna an tih tawh chinah pawh hian crusade leh camping an han neihpui thinte hi a ropui a. Tin, annalmi bakah Staff leh Officer te tan pawh an siam sak thin hi a tha hlein ka hria a. Tin, dan leh thupek kenkawhnate han ngaihtuahin a tha thawkhat a ni ang. Jail tang pawh ni dang aiin an tlem a. Dan leh thupek a that lohna hmuna chuan jail tangte pawh an tam duh viau a. Tunah hian an thawk tha hle a ni. Tin, LAD hi sawi tur a tam khawp mai a. Mahse, hun a tawp si a. Hei hmun hrang hranga building ropui tak tak an sakte Champhai ahte, Aizawl ahte, Bus terminal lian pui pui an siamte leh building ropui tak tak an siamte leh Aizawl khawpui an cheimawite hi chu ka sawi tawh lo mai ang e. Ka lawm e.

PU H. LALSANGZUALA

Pu Speaker, ka lawm e. Hei kan Demand 20-naah hian lut nghal mai ila. Hun te kan nei rei silo-va. Sawi tur a tam a. Kan sawi

duh chu Education hi a pawimawh zia kan member zahawm tak tak ten an rawn sawi tawh ang khan keipawh pawimawh ka ti a. Nakin lawka kan thlahte, kan tute, kan fate mai pawh nilo, nakin zela kan tu leh fate rawn in nghahna turte a nih bakah kan ramin a rawn in nghahna tur atana mi pawimawh tak tak lo chhuahna tur a ni a. Hetah hian tunhnai lawkah pawh matric result a rawn chhuak a. Kan result te kum hmasa pha lo mah ila a lawmawm hlein ka hria a. Tichuan, herni chungchangah hian a Minister zahawm tak, a enkawltu leh Department chungah hian lawmthu han sawi hmansak ka duh a. Hma kan sawn nasa hlein a lang a. Tunah pawh India rama zia leh chhiar tama pakhatna nihte ka tum a ni a. Heti kawngah hian a fakawm hlein ka hria a, kan Minister zahawm tak a enkawltu pawh. Chuvangin tunah hian Education Department hi Department pawimawh berte zinga mi kan ti lo thei lo ang a. An fakawm hlein ka hria a. Heti kawngah hian han sawi ka duh chu a enkawltu te leh Department kan fak rual rual in lehlamah an hriat atana ka sawi duh chu, min hriat sak sela. A Zokhaw lampang lam hawi hian an ngaihtuahna awm se ka duh a. Kan Minister pawh. Hei thinglang lampangah chuan ka bial angahte pawh matric result tun chhuakah khan a nil school te kan awm bakah a Candidate 15 a pakhat pass tihte kha an ni nual mai a, a chhan leh vanga min hriat chhuahsak turin tunah pawh Minister zahawm tak hian heraj Aizawl khawpui chhung mai ni lovin heng Zokhuua bial harsate, backward em em kan nihnaah hian kan, School hi min ngaihtuah sak se ka duh a, a chhan nia lang chu zirtirtu an indaih loh vang a ni. Zirtirtu tha kan nei lova, chu mai ni lovin an la indaih loh lehngal a. Khaw thenkhatah chuan zirtirtu head pawh awm loia an awm a ni a. Chung karah chuan result that ngaihna a awm lova, amaherawhchu, a ram pum ang emaw, khawpui chhungah result thate kan lo lawm ve tho va. Mahselangin mahni bialte tun result angah pheii chuan rilru a na duh hle a. Department ahte pawh vawi tam kan sawi thin a, zirtirtu indaih lohna, amaherawhchu, indaih a harsa hle a, kan Minister zahawm tak hian min hriat sak se kan duh a, chu chu a hmasa kan sawi duh a ni a.

Tin, demand 19-na LAD ah hian kan lut leh lawk ang a, LAD hi hei kan Aizawl khawpui chhungah pheii chuan a pawimawh hlein ka hria a, kan khawpuite pawh hmei a danglam a, thianghlimna

kawngah te, thianghlinna hi Pathian an teuhna ber an ti a. Hei kan Aizawl khawpui chhungte pawh kan chheivel State te han kal chuan tun hmam a rualawh thlak hle thin. Amaherawhchu, tunhnaiah tawh chuan foot path kan tih te, ka n khawpui chhung han kal hian a zahpuiawm lo hle a, kan Minister zahawm tak pawh a lawmawh hlein ka hria a. Amaherawhchu, hma an lakna kawngah Aizawl khawpui chhungah pawh Foot path te an han ti a. Motor a lo kalin kawngah mihring kalna bika han tlanna tur siam te, engemaw pawisa a awm loh vang nge? Aizawl North lampang Aizawl North-ahte sawn kan veng Ramhlun 'S' ang te, a tawp ta daih mai a. Heng hi chhonzawm leh tur nge? Heng kawnga hma la turin kan Minister zahawm tak pawh ka chah duh a, a chhan chu tunah hian kawng hi zauh ngaihna a awm tawh si lova, mihring kalna siam kha kawng zauhna awl ber niin a lang a, mahse thu thang velah PWD in an phal lo a tihte a awm a. Heng kawngah hian PWD leh a Department te pawh sawiho tlan a, kawng zauhna awl ber chu mihring kalna a hranga siam kha a ni a. Chungah pawh floor tile te phahin an han ti a, khawpui chhungte pawh a cheimawi bakah rah te a nuam em em a.

Tin, kan Aizawl khawpui chhung tunah LAD Department hian a keng chiah tawhlo pawh a ni thei a, mahse vawikhat lai kha chu Parking kan tihte, motor hun thatna tur pawh LAD in a mawh a la in, LAD tih turah kan ngai a. Aizawl khawpui chhungah pawh Footpath 26 siam tunin kan Minister zahawm tak kha Aizawl khawpui chhungah a va k hah hlein ka hria a. Mahse, tunah hetiang a LAD in Aizawl khawpui chhung hmalakna kawngah mawh a phur tawhlo anih pawhin Parking chungchangah te pawh hian tan lak a ngai a. A tirah LAD in hma a la si a, hengte pawh hi engnge a chanchin? Hmalak theih anih chuan pawisa te sen a ngai hle in ka ring a. Ngaihtuahna tam tak neih a tulin ka hria. Tunah pawh Bazaar leh hmun dang dangah motor hun ngaihna a awm tawh lova. Hetah hian Parking siam mai tur hmun 26 Aizawl khawpui chhungah Gazette pawh chhuah tawh si a kha tunah a ral leh ta vek si a. Kan Chief Minister zahawm tak pawhin ka naupai a ti hial a ni a, mahse tunah Aizawl khawpui chhungah Session lai pawhin a overtake in kan kal a, kan tlailo a ni mai a. Kan Officer lian tak Office khaih lak in, thin te pawh chhe hlurh thin nite pawhin a lang a. Chutiang ang karah chuan Parking te pawh hi kan mamawh hle a, khawpui cheina kawnga LAD Department hmalak thinnaah hian tanlakna hre leh mai turin ka fuh ve duh pakhat a.

Engpawh ni se, tunah hian Parking chungchangah ZIDCO in hma a la te pawh niin ka hria a. Mahse LAD in khawpui chhung a Parking na tur sawi kawngah hian a tihtheih dan a awmlo anih chuan a tira LAD in hma a laknaah a ka chak hle a. Tunah ZIDCO ah a awm leh tawh niin ka hria a, mahse a kalphung neuh neuh ZIDCO tih a ngai a nih pawhin hemi chungchangah kan Aizawl khawpui chhung cheina mai ni lovin hriselna atan LAD in a tir a hma a lakna kha tunah chhonzawm leh dan a awm lawm ni tih ka sawi ve duh a.

Tin, Demand No. 27 District Council Affairs ah helai a kan House zahawm takah pawh hian a khawtlang hotu, a V/C kan tih ang chi, VCP paw hi mi 10 dawn lai chu kan thuin ka hria. Hemi chungchangah hian kan V/C te harsatna hi in hriatpui viauin ka ring a, a bik takin khawpui chhung nilovin Zokhua lam han hawi hmasa ila, Zokhuaah chuanin Development an kal a, mikhualte lo dawngsawngna tur kha pawisa hran an nei

chuang lova, Department pawisa khan ei leh bar an lo siam sak thin a ni a, an khawngaih thlak em em a, kan V/C te eng angin nge kan LAD Department hianin, kan Minister zahawm tak te pawh hian hmalak pui dan a awm lawm ni, a lawmman flernte tunah an pun a ni chauh a, hei lah sahdah man pawh ting lo a ni a, mikhuah thingtlangah chuan an lokal tam a, hengah hian lo dawngsawngna tur pawisa an nei lo reng reng a. Tin, Aizawl khawpui chhungah pawh zing karah pawh khawi khua khuah emaw, khawi veng vengah emaw an tlawh chuan ei leh bar a lo ngai zel a, Aizawl chuan a enga pawh nisela thil a lo awlsama thidan dan pawh a awm ni rawh se, Zokhuaah hian chuan sum leh pai te a lo harsa kan V/C te an khawngaih thlak em em a, he kawngah hian a ngaihtuahna te kan Department LAD hian hma a lak a hriat zui hi a pawimawhin ka hria. Tin, House rorelna in kan tih kha kan MNF founder President Pu Laldenga (L) Chief Minister atanga kan rania pawh hmel a ti danglam kha, a tha hle a kan hmang tangkai Zokhuaah te Aizawl khawpui chhungah pawh a ni, chung angah chuan kan House pawh a lo chhia a, a chhungah hmanruate bungrua, engkim mai a lo chhe tawh a, heng han enkawl zuina tur atan hian kan Zokhua lampangah a bik takin House te, in lo mawih tawh han siam thatna tur kawngah hianin hengah hian pawisate pawh hi thidan a awm lawm ni, tih kha kan Minister zahawm takin min hriat sak sela ka duh bawk a.

Tichuan, Forest Department ah hian han sawi leh lawk ka duh a, thingzai hi ram thanlaite kan ni a, a building concrete building sa theilo te mi harsa kan awm a, chunghovin in an sak theihna atan a phurhulma tana, thingzai phurhluh te heng buaithlak neuh neuhah hian thingzai hi Aizawl khawpui chhungah a phurhulma emaw a zawrhna tur hi veng hirang hranga an zawrh thin ang kha tih leh dan a awm lawm ni.

PU R. LALZIRLIANA

Pu Speaker, ka lawm e. Ka sawi hmasak duh chu demand no. 20 - na School Education-ah hian a ni a. Hmanniah ka sawi tawh a, hei

Education Volunteer Teacher te, kan la dawn a. Helai ah hian Teacher training tan hian 50% tal hauh theih nise, Education kan ngaih pawimawh dan chipchiar chu hmanniah kan sawi tawh kha. Chuvang chuan, kan Minister zahawm tak hian khawngaih takin min lo chhinchhiah sak sela.

Tin, pahnihnaah chuan hmanni tun thla ni sarli khan Sesih khuaah SSA Pre-Primary Teacher tur lak a ni a, Champhaiah interview an ko a. Chu chu Notice Board ah Village Education Chairman in Committee Chairman in karkhat zet Notice Board ah post ruak a awm a, a dil theih a ni, tih a tar a. Tichuan ni 7-ah interview an nei ta a, tahchuan pakhat chiah a turn up a. 3 in an dil a, 2 dang an lo kal lova. Tichuan, ani chu BA 3rd year zirfai a ni a. Midang an turn-up ve loh takah chuan a board pawhin ting turah ngaih a ni a. Appointment hmu tura ngaih a ni. Mahse, ni 8-ah Sesih VCP chuan inthlana a thuihruai a va kalpui a, chu interview chu cancel in ni. 4.4.2006 ah interview tur tih hotuten an rawn chhuah leh ta a. Hei hi khawngaih takin a hma a kaldan pangngai khan ka l sela. A hmaa Notice an lo siam a, dilna pawh a ni lo. A turn-up lo pahnih bakah a dilna pawh theihlut miah lo khan a va lan dawn ta min a lang a. Hei hi chu a kaldan pangngain induh sakna awm lovin Education-ah hi chuan kal hram se, tih ka sawi lang duh a.

Tin, Education bill kan pass na a rei viau tawh mai a. Kha khanin thil tha tam tak a rawn pu chhuak dawn a ni tih kan hriat avangin, helaiah House-ah phur takin kan pass a. Mahse, thu tisaa a channa tak a rules kha vawinah hian kan la peith lo nge ni, heng hi lo enzui leh nise. A thain ka ring a.

Tin, Science zirna School thingtlangah leh District Headquarter ahte kan siam lova, khawpuih kan ti hung ringawt mai hi a tha lovin ka hria a. Thingtlang mirethei zawkte Science thiam lo turin I chher ang aw, tihna niin ka hria a. A chhan chu Aizawlah awmna an nei lova, entirnan, kan bial Saitual te, School an tha a zirtirtu an tha a kan dah belh chuan kan thei vek a ni. Chutiang ang atanga kal ve thei lo chu Science thiam lo turah thingtlang mite kan dah ta ni angah ka ngai deuh a. Chuvangin, a tam thei ang bera thingtlangah hian dah zawk a tha in ka hria a ni. Tin, zirtirtu ai ka lak chungchangah hian kan sawina a rei tawh a, hman atangin kan sawi tawh a, a reh thei lova, ai kal hi lak phal mai ila tih rawtna te pawh kan sawi tawh a ni, mahse, a tih theih loh a, kan hre vek a. Hemi chungchangah hian rawtna kan siam duh chu zirtirtu luhlul deuh leh thingtlang a kal thei lo ni a in hria te hi chu an leibat tawh loan an lo lak tawh leh GPF a an deposit tur deposit tir thoin a bak zawng an hlawh kha chu an aia kalte khan la tawp rawh se, chutiang zawng chuan ti ila an pension facilities anmahnin an hum theih dawn chuan nimin lama kan ngaihthlak ang deuh khan, khatiang thil kha a fair ka ti, chuvang chua kha ti zawng khan kal ngam ila zirtirtu tha kan neih theih ka ring a ni.

Tin, fixed pay teacher chungchangah hian hman deuh khan hunger strike laite pawh an han nei tawh a, an in bia a, an duh chu 3000 atanga 4000/5000 a kal mai a ni lo, regularized an duh a ni. Chutiang tur chuan Appointment order an hmuhah pawh a dan pangngai thlap anih avangin sorkarin kan lo tih sual tawh kha chu admit ve mai ila tichuan regularized ve ila a tha in ka ring a, SSA atangte in ka bialah phei chuan School kan nei tha em em kan sorkar pawh ka fak kan Minister pawh ka fak mahse, zirna tha hi School thaah hian a in nghat em? nilove zirna tha awmna chu zirtirtute rilruah zawk hian a awm a ni. Chuvang chuan, an thilung kan tih dam a ngai, kan fate ram hruaitu, khawtlang hruaitu tha taka kan chherchhuah duh chuan zirtirtute thilung kan tihdam a ngai a ni tih kha hmanhmawh deuhin a point te te in kan sawi a ni a.

A dangah kan lut ve ang a, demand no. 36 ah hian Environment & Forest ah hian sawi tur a tam mai a, Teak Planter ho mangan zia te chu term hmasa pawh khan kan sawi tawh a, helaiah Treasury bench a sorkar ang pawhin Teak hi an hralh kan duh pui niin ka hria, sorkar ang pawhin kan duh pui a. Tin, Teak hi forest siamna a ni lo tih kan hria, commercial tree a ni tih kan hria. Chuvang chuan vawiinniah Tuirial phai a mite pawhin a phun lo ni a kan hriatte pawhin nasa takin compensation an la a ni tih kan hria a ni. Chuvang chuan, helaiah House-ah roreltuten kan duh tlang hle ni a ka hriat pawhin Department ah a kal tlang thei miah lo hi chu roreltute mualphona a ni a, tunlai tawng takin a zahthlak bon top a ni he thil hi chu, chuvang chuan, he thil hi chu kan tih tlang ngei hralh theih tura kan tih ngei hi a pawimawh in ka hria a ni.

Tin, tunlai hian Sakei chhiarpui te kan nei a. India ramah Sakei chhiarpui neih lai hun a ni a, kan ramah hian ka n han ti ve a, a vang viau tawhin ka ring a, a number pawh engzatnge an zo tawh em?

hriat a chakawm viau rual hian Forest kan humhalh hi a tul flat in ka hria. Forest kan humhalh loh chuan Sakei chu eng ang pawhin chhiar va tum ila chhiar tur avang ngawt tawh ang, awmna a awm tawh lo, a eitur ramsa dang awmna a awm tawh lova, ran kan dahnaah a lut a, khawi khawiah emaw te chuan kan sawi lemlo na a, a Sakei tihlum a ni mai bawk si a. Chuvang chuan Pu Speaker, ram ngaw kan humhalh hi a pawinawh tak zet zet in ka hria a, ka sawi tawh thin a, heng Tawi te, Chalfilh te ka hriat lar ve a ni a, ka bial a ni a, 1998 bawr vel 1999 vela bial kan han fan ve te chuan lung hi a leng a, a nuam e m em a ni. Aizawl atang pawhin kan han thir a, Chalfilh bawr ngaw te a hring dum dup mai a, hmuh a nuam a ni. Heng hi nakinah chuan kan ram ina Tourism attraction kan neihna tur a ni kan ti a, kan sawi thin a ni.

Mi ramah kan kal a, phaiah te ngaw a awm tawh lo, phaiah tui te duh ang tawkin an la thei kan ti a. Amaherawhchu, Zoramah chuan tiang chu a ni dawn lo a ni. Thlaler ram nakin lawkah a chereu hnuah chuan tui in tur hi kan neilo thuai dawn, phaiah chuan luipui tui tha tak tak in a pump chhuak a, an hnianghnar a Electric te a hniangthar a, keini ve chu Tlawng hi tui kum 7 Phase - II kum 7 taltawp kan beih hnu pawhin far khat pawh kan la pump chhuak thei lova ni. Chutiang khawp a kan harsatna tur chu nakin lawkah hian kan hmaah hian a lo thleng dawn a ni. Ram ngaw kan nei tawh lo, kan ti chereu nasa lutuk, Plantation tihpun zel lam aini vawinniah ramngaw humhalh tur hian tan ila nasa ang u, tih hi ka sawi duh a ni. Chutiang chuan Pu Speaker, a buaithlak ka tawng in huatthu suhah, he sorkar alo din atang chiah hian 2000 hmulam atang hian ramngaw hi kan suat hnem lutuk tawh khami hma chuan Chalfilh te, Tawi ngaw zawng zawng khi vah chereu pakhatmah ala awm lo, vawinniah chuan a chhing tawh lutuk ngaw awmna khi, tihlak a ni tawh lo, chuvang chuan vawinniah hian tih tak zetin heng humhalh tur hian kan ngen a ni, he sorkar hi thlasik hunah te, Kawlhawk, Vapual, Tukloh te a hram ri ka hriat ngawt pawn lung a leng tawh a, heng sava pem thin Kawlhawk tih vel te hi tunah chuan kan ramah chuan a awm tawh lo, tunhna kum 10-ah chuan, Vanlaizawl ah thlasik a lo ni a, alo thlawk huai huai a, tawi ngaw te, Chalfilh ngaw te, Mawmrang ngaw te saw lam chhim lamah te a kar vel a, hmuh a nuam thin a ni. Thnlung pawh a hahdam thin Engatinge an lo kal loh kan tih chuan kan kah rem vang a nilo, heng hi an kal rem mai theih loh chutianga kah rem mai chi a ni lo, engatinge heng hi an awm tawh loh kan tih chuan a chaw a awm tawh lova, thingzai kan ti a, loah kan vat a, vawinniah te hian Tawi ngaw lo hal lai a ka kal te hian Pu Speaker, ka thnlung hi a na em em a ni. Tawipui ngawahte hian kangmei alo chhuak vut vut a engatinge kan tih chua leipuah te, Alu hmunaah te khan in vat a nih kha ka bial a ni nachungin a tul ka tilo tak tak a ni. Hmun dangah hian vah tur a tam lutuk lunun nghet, huan nghet kan neihna tur chu nisela ka la hretthiam chutiang a ni si lo, kum khat kan va vat a, a kum lehah kan kal san leh a, a dang a kan kal leh a engnge kan Forest Department te hian an tih a, khangte kha va en ang hmiang, chutiang nilova sum siamna tur emaw ka hrechiah lova, a dang dang Plantation va tih zel hian awmzia a nei vaklo, Pu Speaker, lo hal lai ni 9-ah khan khitah tlanglamah va kap sela, Khawzawla ka han kal a, ka lo chhuk lamah chuan Dulite hoten kawng tuanin lo an rawn vat chhuak a, nikum lama kan thing phun zawng zawng te kha a rawn vat khum si a, ka ui lutuk a, Minister a lo zin si a, LAD Minister ka phone a, tu emaw tal han kal teh se, heni khua hi han chhan teh se ka ti a, an chhan ta em chu ka hrela, chutiang chu a ni, V/C hlawh a tam a hei hi lawm tur nge lawmlah tur ka hrela ka ngaituah danah chuan sa tah chhuak pek a ni hei hi, vawinniah tax khawn turin kan chhuah tir mek a, hna an ngah lutuk, a mihring a kan titem a, a hlawh tlemte a kan han pun mai hi chu a zahthlak mipui thlante hmuhsitna niin ka hria, ka lawm e.

PU H. VANLALTHALIANA

Pu Speaker, ka lawm e, vawiin ah demand pawimawh tak tak kan sawiho a ni a, ka han sawi hmasak duh chu demand No. 36-

na Environment & Forest Department hi a ni a. Tun inrinni ni 18 khan Thakthing Bazar ka va flawh a, tah chuan Sava rep pahnih ka hmu a, engvangnge ni tun ka va zawt a, ka lo en chiang lova a lu kha an lo bung a pahnih (-No-66. ni 23.5.2006 a ni a ka lo enchiang lova. A lu kha an lo bung a. Puah loh hian Sava taksa ah an lo vit a. Chluangtuar ani a. Damdawi ah a tha a, lei ta che an ti a. Pawi ka ti khawp a. Sava mawi leh Mizorama vang tak a tlingin ka hria a. Tukina kan zawhna hunah khan Supplementary ah ka telh ang ka ti a. Ka ti ta lova Kala lungte awm tihkeh nan te a tha a ti a. Hei hi khawia in kah nge sava vang lutuk ania. Engtinge hmuh pawh in hmuh? Aizawl mi tak zawk hi chuan an hmu miah lo anga. Ka zin tama Luipui phaiah a awm zeuh zeuh a, engtinge i tihlum ka ti a. Kan kah a tia. A pawl hle mai. Nidangah chuan kap tawh miah suh, sava vang lutuk ani ka ti a.

Mizoram Sava zinga mawi berte zing ami anih ka ring ka ti a. Tahchuan, damdawiah a tha si alawm ati a. Kan sawi duha chu kan rama thil tha leh pawimawh vang si, thil hlu hi anihna dinhmun kan hriat loh avangin kan tihral a tam hlein ka hria. Tunah hian savaten no an neih hun ania, ramsa tam zawkte, Silai puchhuak ka zinna ah ka hmu tam em em ani chulaih chuan, kan ramah hian ramsa humhalhna chungchangah sorkar-in tihdan phung mumal deuh a neih a van tul tak em tih ka riluah a lo lut a. Tun hi sa kap duh tak tak leh kap tak tak tan pawh ramvah hun ani thlawt lovin ka hria ani. March/April/May/June/July thleng vel hi ramsain no an neih leh chawm hun ania Sakhi te hi chu an lei deuh reng emaw tihur ani a.

Remchang tak main Forest & Environment changtu Minister hian thingtlanga zirna High School atanga hnuailam zawngah chuan rannung an humhalh leh nungchate dinhmuna an in thlahpun hun ani tih hriaa inzirtina neih hi a tulin ka hria. Chuti anih loh chuan kan duhna ringawta an inthlahpunna zuah lova kan kah vaih chuan reiloteah kan tiral ang. Ka hma a Saitual bialtu sawi ang khan ramngaw kan humhalh lo reng reng emaw tihur ani. Mipui thindlungah ramsa humhalh duhna leh nungchate lama inhumhalhna harhna kan neih thui viau lai hian a kalkawng hi kan zawh dik lo deuhin ka hria. Ramsa humhalh ngawr ngawra mi engemawzatin an thei lo anih pawn a hun pawimawh bik hunte hi chu mitinina kan hriat theih tura inzirtir hi a thain ka hria

Vanneihthlak tak main Mizo tlangval PCCF kan nei a. All India norms anga kal zel lo anih pawhin Mizoram in kan mamawh leh kan enkawl theih tur hawi zawng a kan tih theihna a awm nual ka ring. Helai ah hian Sorkar-in ngaihtuahna a sen a tul hle ani. Kan zirlaite hnenah an nu leh pate emaw an ute emaw sawma no neih hun leh inthlahpun hun chhung a ramsa chung a ngilnei tur a in zirtir leh insum hram hram turin an nu leh pate, an ute ngen tura a zirlaite kan chah a tulin ka hria. Chutilo chuan eizawna tling ni lem lo nawmsip bawina mai mai a ni, ramsa kah chungchang ah hian Awmze nei a an note neih hunte, a inthlahpun hunte engemaw chen kan hum theih ka ring ani.

Chutiang nilova tun anga kan kal mai mai anih chuan a harh tawhte ai mahin a harhlo te ramsa humhalna ah hian min ti hmingchhia a, pawh pawh an khawih zawkin ka hria. Kan Minister hian Forest Department leh Education Department tang dun thei tura rem a ruat theih chuan thingtlang ah kan chhawr ka ring ani khawpui chungah chuan kan ti vak lo niin ka hria. A tir lam a ka sawi ang khan damdawi atan a ngai a an rawn keng ringawt han chhut khan a hlutna Rs. 300/- entirnan Rs. 300/- ai chuan dam ringawt sela a kaptute eizawna a tihbuai ka ring lo ani. Kan ram a nungcha leh sava mawi tak kha humhalh anih khan kan ram mipui tan a hlutna a sang zawkin ka ring ani. Awmze nei deuh a Sorkar a kal hi a tul tak zet ani. Awareness hei ai a uar a kan kalpui loh chuan kan nungcha te an ral zo dawn in ka hria.

Silai hmang thang tan chuan a nuam mahse, keipawh silai ulhbun hi ka nei a, mahse ransa leh sava kah nan chuan ka phallo. A tam zawk chu hmetpuak lova ka kawlte an awm ani. Mipa tan chuan silai hi hmeichhia in Cosmetic an duh ang deuh hi ani a. Mahse sa hi pakhat mah ka kap lo. Ramsa leh ramngaw te kan humhalh hi keimahni tan ani tih hria a hma kan lak a tul takzet ani. Pawisa tlemte it a kan nungcha te kan tihral hian nakin ah thangthar ten min la dem ang.

Hei, hma kan sawn hle tih chu ka hria a a-warness-ah hian hei ai a nasa zawk a harh leh hi angai ani. Forest Department hian Sorkar kum chhunga a hmalakna hi ropui tak tak atam a. Hei sanctuary area bial chhung a awm kanneih avangin sorkar hmalak na ka hre ve nual a. Mizoram chhungah hian khawchhak Tlangdung a thingte a sang vak lova, Phai ah thing a sang em em thung a. Ka bial chhunga thing sang ang khi Mizoram hmundang ah a awm ka ring lova, ramngaw tha ber awmna anih hial ka ring ani. Ramngaw mawi tak tak te thingsang pui pui leh thing buk mawi tak tak te hmuh hian mihring nun a tihlim ani.

Mahse kan eizawna leh kan nitin mamawh, thingtuah atan hian thui tak kan ti chhia a. A bikin thing sang chi hi thingsen kan ti a, chhim lamah chuan, kang a haw em em a, a hring hi chhete in kang se a thih phah mai a, a hnah vuai lovin a tliak a tliak a a thi mai thin ani. Chuvang in kangmei chungchangah pawh uar lehzuai a kan inzirtir a tul ani. Chutiang atan a sorkar hmalakna kan bialah chuan chhuanawm tak tak anniin ka hria a. sanctuary leh ramngaw tha awmna area amite tan chuan Forest Department atangin Gas Connection te a pe a. Khawpui chhungin thing hmang lova gas hmanchinah hian thingtlang atanga thing an rawn zawrh hi leisak ani vak tawh lova. Chu chuan ramngaw indirect takin a humhal tha viau ani.

Heti lam hawi zawng hian Forest Department hian thingtlang mipuite hmenah Sanctuary area chauh amite hmen lovah a theih chuan LPG Connection pe tam thei se chuan kan ram humhalh nan a tangkai leh zuai ka ring. Ka hma a MLA in a Santuary a rawn sawi ang khan, hemi eizawna nghet ni lova leipui vah mai mai te pawh hi Forest Department leh LAD. Tangkawp ten khuahkhirh theih nise kan ramngawte tlem chuan a humhalh theih ka ring ani. Chulam hawi a sorkar a tan a tul hle in ka hria.

Hei, ruahtui tla hi chhut ila a tla tlem tawlh tawlh emaw tih tur ani a kan hriatphak chinah hian. Chumai bakah boruak pawh alum tawlh tawlh ani. Heng zawng zawng chhutin kan Environment hi keimahni in kan ven a, a himna tur atan kan lak hi tulin ka hria. Mawh kan phur ani tih hi kan mipuite zirtir a tul takzet ani.

Pu Speaker, ka sawi leh duh chu Demand No. 20. School Education Department ah hian, Department hmalakna SSA hi kan Minister zahawm takin a chhanna a pek kha dikan ka hria a. Tinreng damdawi Education bik atan hian a tling tak takin ka hria a. Zirna chungchangah mi harsa zawng zawng pawh huap a zirlai bu leiphalo khawp a rethei a sikul kal ka nih avangin hotute leh zirtirtu duhsakna avang a zirlaibu hawhchawp a sikul kal ka ni a. Chutiang dinhmun ka ngaihtuah chuan vawin ni a SSA hmang a zirlai bu sein a ni te zirlai harsa zual huan a uniform pek ani te hi ropui ka ti. Programme hrang hrang, Midday Meal te leh etc. a ropui a, hemi ringawt pawh hi kan ram leh hnam tan hian chuan tlak ka ti a. Minister leh sorkar hmalakna hi ropui ka ti hle.

Tin, Information te sawi ka chak viau lain District Council area a awm kan ni a, han tarlan ka duh a. Zinglam ah khan Saiha bialtu MLA khan District Council Move chungchang a sawi a, a dik ka ti a. Mahse, thil awm dan hetiang hi ani a, han tarlan chian deuh ka duh a. Lai District Council hi Mizoram District Council Move chungchang a sawi a, a dik ka ti a. Mahse, thil awm dan hetiang hi ani a, han tarlan chian deuh ka duh a. Lai District Council hi Mizoram District Council zingah in vote thla zing ber kan ni a. Chumi chungchangah chuan nikum kumtir khan kan zir a.

Dan anga inziakah chuan ruat seat member vote nei theilo tur awmin a rawn lang tlat a. Kei chuan, member an ni a an vote thei ang chu ka ti a. A danah khan elected members ten an nei thei ang ti ang zawngin alo inziak ani. High Court ah khin ani a, Interim order a chhuak a member zawng zawng in vote an nei thei ang tih anih avangin sorkar in a duh zawng a kuai her ngawt lovin High Court Ruling angin member zawng zawng in vote an nei thei dawn a, kha kha member te humhalhna a ni a, lawmawm ka ti a.

Tin, District Council hmasawn nan sorkar in lma theiltawpin a la a. A bikin Lai District Council hi tunhma sorkar kan neih zawng zawngah sorkar ngaihsakloh niin kan inhria a. Development leh Plan Fund ah te pawh. Kan sorkar chak takin min ngaihsak a, kan Fund te pawh kum dang aini a pung a, tunhma chuan Mara District Council nen Population a kan inzat lo viau chungin an mahni zat ang lek a min dah thin a kha, Population size a min pek chinah hian Mizoram sorkar-a kan vuina pawh hi a tlem deuh in ka hria. Kan sorkar chaktak hmalakna a lawmawm ka ti a. Sawitur tam viau mahse midang tihbuai lohnan ka ti tawp mai ang a.

Ka lawm e.

PU LIANSUAMA

: Pu Speaker, vawiin kan Demand sawitur changtu Minister pahmih te hi an fel khawpin ka hria, pakhat doctor, doctor lo zawka pawh hi a chhuanawm hian ka hre ve hrim hrim a. A Department chan Local Adminisstration Department hi tawite in ka sawi ang a.

Hei Aizawl khawpui chhung hi tunhnai atang khan hmuhtheihin a thang ani a. Eng lian chi, a bawr chi te kan ngah ta a. Hospital bulah te leh hmun hrang hrang ah tun hma in awm bawk mahse ani ina he Department an enkawl hnu ah hian a thang chak hle a. Tin, keini veng kil tak te khu tunhma aiin nasa takin a lo changkang ta a. Sum leh pai a tam chu ni bawk mahse hna a tha hlein ka hria a, nichina kan ngaihthlak tawh ang khan sawng Zemabawk-ah te Bus Terminal te, Rangvamual ah Truck parking-na tur te pawh an buaipui mup mup mai a, heng zawng zawng ngaihtuah hian an thawk tha ngawtin ka hria, tin, chubakah chuan khawpuiah abikin Aizawl East, Chite lui ruam kan sawi fo thin, Theihai lui ruam hniam thin check-damte an siam. Tin, LAD thawh niawm lo takin NBCC te nena tanghoin kan thalaite khelmual tur te pawh an han siam leh zel te hi, a ropui ka ti a, chuvang chuan LAD. hian kan ramah hian hna a van thawk tha em, mahsela Zokhaw lam erawh chu min tinsan dawna, thingtlang lam bial neitute hi kumtharah hi chuanin khawpui hi kan vulh narawh bawka min han thleng ve thei sela chuan a van lawmawm dawn em, ka ti ani.

Tin, han sawi tel zawk ka duh chu hmammiah pawh ka tarlang tawha Village Council-te hi an hali hle a, a hmang thin tu department hian an hman ni hi chuan TA/DA-te pe ve thin se, dan te siam rihlo mahila, Notification pawhin a tih theih mai lawmni? hlawha sawi tham loh lawmman anei ve a, kan tipung tih pawh hian engtham ani tak tak lova, Chuvang chuan V C te Department tinin an hman ni hi chuan TA/DA mawihnai tham deuh pe ve se a tha ngawt ang.

Education hi a ngaihawh awma, hmamni a Resolution ka move pawh khan ka sawi chianga, demand kan neih hrang hrang 45 zingah hian education aia pawimawh chuang thlan tur awm lovin ka hria. British Prime Minister ropui tak Tony Blair-a lakluh aniha a thusawi kha tun hnu thleng pawhin chanchin hrang hrangin an sawi thin a, a thusawi chu tiang hi a ni, kan sorkar ngaih pawimawh ber pakhatna chu education ani anga, a pahmihna chu education ani anga, a pathumna chu education ani ang, a ti. Engvangimge Mizoram hi tun ang hi kan nih kan tih chuan education Missionary ten min tan saka, tichuan kan thenawm tlangmi te aiin nasa takin keini aiin A, AW, B, te nei hmasa mahsela, in ti teh ang. Kan tlankhalh ani. A ropui ngawt a ni. Tichuan hun a lo kal zel a. Keini hun hmalam leh a hnu hretah te pawh khan India ram pumpui intihsiakna sang IAS, IPS, Central Service leh Army lam ah te pawh an lut ve zel a. A Population milin chhuanawm tak kan nula tlangval te anni thin a. Mahse vawiin ni ah chuan intihsiakna sangah hian kan tel ve phak ta meuh lo em ni? tih theih a ni.

Hmanni khan ka tar lang tawh a. India ram income lian ber chu Business Service Industry a ni. Service Industry-a lut pha tur chuan I.I.T. te I.I.M. te...B - School hrang hrang te kan thalai te kan tlangval nula an loh a ngai a. Medical ah pawh chutiang zelin chutah lut thei tur chuan kan zirlai lianin a pha ta lo nge ni tih hi chuan a ngai hle mai a. Hmanni mai khan HSLC Result a lo chhuak a. Sorkar School 15/10 tiamin School 65 in matric an tifail fai thak a. Matric fail man hi a sang lutuk a ni. Za zelah 40 chuangin an passed-kan lawm khawp a passed ve talo te kha engtinge an awm tak ang le. Khawilai ah hian nge harsatna kan ram zirna hian a tawh kan tih chuan inbihchian a ngai. A damdawi kei chuan ka hrelo, helai member lo kalkhawm ten kan hre kher lovang. Khawzawl Bialtu zahawmtak sawi kha ka tawm thlap a.

Hman atangin tute pawh kan ni thei e, education-ah hian politics kan la lut nasa lutuka, tun atang hian hian sim thei ila chu a ziaawm sawt ka ring, mahse chu zawng zawng chhuichhuak tur chuan Mizorama Commission mai nilo a aia hla zawk deuh atang hian min zirtir se chu a fuh awm mange ka ti a, chu ti chung pawh a kan theih chu Science leh mathematics leh pure Science-Mathematics leh IT-lampang zir hi uar a ngai hle mai a, chuti anih si chuan Elementary leh Primary pawh kan ti teh ang, Secondary School-ah hian Science lama kan thalaite kan tuahriam hma chuan rual kan ban loving kan tawng tun lo hawlo sela, Akbara chanchin zirte hi chuanin thui tak min thlen tawh lo hrim hrim. Tunlai ram changkang khawvelah hian Science leh Technology lam zir uar tura tan kan lak angai ani. Chumi hawi chuan kan sorkar leh Minister-in tan an la a, zirna lama hlun ber Cambridge University-te nen a tangkhawma Vaibelchhe 17 zet a seng a kum 5 chhung zirtirtute tuai hriam tura tan lak hi chu a ropui thlawtin ka hria.

Tin, kan budget ah khan Secondary School-a Science zirna atan nuai 40/50 vel kha hmuh tur a awm bawka, kan kal dik dawn tannin ka hria a, chuvang chuan Pu Speaker, kan hnam thut bul chu education that leh that loh a innghat a ni. Department dang kan sawi te hi chu, chuta mithiam lo chhuakin a enkawl tur anih avangin education a fuh leh chuanin kan hnam hi kan kal fuh chuang reng reng loving. Department dang 40 chuang kan nei hi, lo awl se ka tihna ni chuang lovin, vaibelchhe 205 lai mai kan nei hi a ropuia, hei ai hian kan la uar zel tur anih ka ring, abikin Science-Stream lamah. Chutih mek lai chuan zirtirtu thenkhat te hi naupang zirtir tlak an ni talo, ka bialah khaw pakhatah phei chuan naupang chhun chaw chhumna tura an sak ah zu te an thlawr anih chu Zirtirtu in, sawi a hrehawm hle mai.

Kan ramah hian zirna a that loh chuan faten an tuar dawn si a, kan Minister te hnenah kan sawitan tawh a, hetiang te hi chu Voluntary pension kan pe anih chuan zah kan la ngai hle min ka hria, chung la te pawh chu Aizawl atanga kal tha duh lovin aikal an la tih te hi chu la zia awm tak ani keini bial lamah chuan, a hmuna awm nitina zu rui kan ngah tlat. Chuvangchuan, Primary School a that loh chuan Middle School a tha theilo. Middle School a that loh chuan High School a tha thei hek lo. Elementary Education-a kan thanmawhbawk pakhat chu, nichina member zahawm tak ten an sawi ang khan zirtirtute a ni ve tlat mai a. Chumi kawngah chuan vawinah sawi chakawm loh tak kan sawi si te hi kan Minister ten min chhinchhiah sak teh se.

Forest Department chungchangah kam hnih khat lek sawi ka duh a. Keini khu Dampa Wildlife Sanctuary ni thin Dampa Tiger Protect hming a pu ta a. Mipuite nasa takin boundary khuan min dep ta hle a. Kan Minister hnenah pawh hian kan sawi fo na a, heng hi min enzui sak sela, tihdanglam hret a, mihring/khua nek lutuk laite min tihdanglam sak theih chuan a lawmawm ngawt ang a. A mihring an lungawi loh chuan a chhunga ramsa an nghaisa leh mai thin a. A thenawm hnaivaia mihringte lawm kim deuh a ngai ani. Pu Saikapthianga Forest Minister anih lai leh kan hun ve lai khan Ramsial-te a awm thin a, a bo ta tlatin kan hria. Tu tihnge, chungte pawh chu min chhuichhuah sak sela kan duh hle a ni.

Tin, Forest Department-ah hian Public Participation a tlem lutuk a. FDA leh Eco-development lamahte pawh, chungte pawh chu kan Minister hian min lo chhinchhiah sak sela, a tha ang e.

A tawp berah chuan tawngkam khat chauh, zirtutu lak chungchang thuah, Political Interference tlem deuh se a pawimawh tih Pu Andrew-a sawi kha ka pawm thlap a. Hman deuh laia Inspection kan tih thin khat ta lutuk te a chhan a ni thei em? Tin, Inspection a tul an tih kan tihpuitlin sak lo leh thin hi a sorkar lam hi kan diklo a ni lo maw? Pawisa hi tam hle mahse, mihring Mobilisation leh Motivation a that tawk loh chuan a hlu vak chuang lo. Chung chu hun chep tak karah ka rawn tarlang ve a ni e. Ka lawm e.

PU H. LIANSILOVA

Pu Speaker, ka lawm e. vawin ni a kan demand sawiho-ah hian School Education hi ka sawi ve phawt duh a. A hmasa chuan kha kan Education Minister khan chawhma lamah khan literacy-ah Kerala pawh kan lehpel mai thei dawn e, tih beiseina lawmawm tak a rawn sawi a, a lawmawm in a department pawh an fakawm hlein ka hria a.

Tin, pahnihna ah chuan Aizawl hmarlam atanah Higher Secondary-ah Science zirna min hawnbelh sak ve ula, tih a kan lo beisei leh kan lo ngen thin, a hlawhtlinna thu min hriattir kha a lawmawm hlein ka hria a, lawmthu ka sawiduh bawk a. Tin, chumi rual chuan, hei Mini-diet-a thawk tura lakte kha Higher Secondary-a thawk an ni deuh fur mai a, kan Minister leh a department pawhin an hriain ka ring a, class-te an tan a, indaihlohna a na hle mai a. vawiinni thlengin khang kalte hnawkhahna kha a la awm rihlo hian class lak leh tan lak pawh min ti bahlah thei deih tih School thenkhat atangin chanchin ka hria a. Hei pawh hi kan Education Minister-in min lo chhuahchhiah sak sela, tih ka ngen nghal a.

Tin, hei High School Leaving Certificate Exam result 2005 kha kan Session lain kan hria a. Result-en in a lawmawmin ka hria a, ka lo hriat dan chuan hetiangna Matric Exam kan tih thin angah te khan 40 % chunglam hi khuma ni ngai mang lo fova. Tin, kan pass tha viau anih

pawhin chawhma lama kan ngaihtlak ang khan khawilai mualah emaw phei chuan ngaih a tha lova, inquiry lak hialte pawh a ngai a. Kuminah hian Result chungchang leh a Exam-te chungchangah pawh sawi a awmlo viauin a lang a, hei result pawh a tha a. Chutih rual chuan nikum lama thil thleng erawh kha chu a vanduaithlak a. Chawhma lamah kan Member zahawm tak khanin zawhma ah an sawilang tawh a.

Nikuma Exam zawhma siam thuah-te a exam-na Hall chhunga hmun thenkhatah chuan thil fello a awm nia hriat theih turin result tha uchuak lutuk lo awmna te kha chhui a ni a. Hei kuminah ka han en leh chata, khang school hote kha an awmdan pangngai khan an awm leh tawh deuh niin a lang a. Chuvangchuan, a chhuitu kan siam, ten an report leh an hmuh dan an finding atang khan sorkar-in follow-up action a tak taka a lak leh chiang deuhhleka a kalpui pawh thain ka hria a, hei hi ka sawi duh a. A Commission, sorkar mi ruat pawh kan Officer zingah chuan kan mi rintlak ber zing ami ani a, a report pawh a dik tawkin ka ring a.

Chuvangchuan, kan sorkar pawhin report a rawn pek ang ang chu kan ram Education siamthatna leh a bikin HSLC a hetiang thuhla lo awm leh thin, a reh hlenna atanah pawh a tak tak action lak ngai anih chuan tupawh nise, dim lova kan tih chu a ngai hlein ka hria a. Tin, a exam-na hmuna kan fate/kan nauten Corruption lian tak an ti a ni, tih an hriat pawh a thain ka hria a. Hei hi ka hma lawka kan Member zahawm takin a sawi ang khan a pawimawh em emin ka hria a. An zirlaia an lo inthlahdah emaw, engemaw chu thudang a ni a. exam hall ah hetiang mal-practice vai ram leh khawilai hmuna pawh a kan nuizatber a thleng, kan rama lo thleng thei mai tur anga a han awm kha a vanduai thlak a, thleng tawhlo tura tan kan lak a, naupangte-ah pawh hetiang hi Corruption lian tak, mihring leh Pathian pawh khawihna anmah ni future thlenga pawh khawihna ani tih kan hriattir leh chumi atanah chuan sorkar pawhin hma kan lak a thain ka hria a.

Tin, Exam Centre kan siamdan leh heng Candidate chungchangah pawh hian Political pressure emaw public pressure siam atanga thil kal a awm a ni mai awm mange aw, tih theihthe pawh niin ka hria a. Exam Centre kan siamna chungchangah pawh hian an kalna harsatna tur thu hi chu zirlaite harsatna kan enna lamah chuan en tur chu ani chungin a quality tichhe thei khawp leh a zirtirtute thleng pawha inthlahdahna siamna tur boruak environment awmna tur khawpa hetiang hi a awm tawh lohna tur atana ngaihtuahna kan hmuna tun kum kalte-a thil thleng kha nakin zel atana kawng tha-a min hrulaitu anih theihna turin a report inquiry report atang leh thil thleng atang pawh khan MBSE atang pawhin tan la sela, Education Department atang pawhin tan la sela, tih ka rilrua awm ka sawichhuak duh a.

Tin, High school result hi kumtin High School 60 deuhthaw nil result nei an awm reng mai a ni. Tin, ka hriat thenkhat pawh ka keu leh a kum 10 chhung an result Nil a nih loh pawha third class pahmih khat te emaw chhuah ngawr ngawr emaw anih loh pawn Compartment-a pass chhuak leh hram tura Compartment-a in dah emaw khatiang kha an ni hlawm a ni. Sorkar sikul te deficit te anni zawk mah mah a, Private pawh tlem azawng chu a awm thei. Hetah hian MBSE atanga an recognition hlih ngawt kha a tawkin ka hre lova. Administrative Action pawh kan lak a ngaiin ka ring a.

Tin, chutih rual chuan an harsatna kha engeni tia chhui chian a ngaiin ka hria a. Khaw thenkhat khawchhak lama High school hlawchham zing deuh pawh han zin chang hian ka zawt thin a. A zirtirtu te lam leh Headmaster lam dem tur, a zirtirtute a neitu an nih rualin a khawtlang hrim hrim environment pawh kha Nu leh Pa thleng pawhin enzui ngai niin ka hria a. Heng hi SCERT atang te pawhin thlan bik neim zir selangin a harsatna hi kan chhawmchhuah theihna turin a tha hlein ka ring a. Chu chu ka sawi duh a ni.

Tin, chulo ah Sikul zirtirtu a bikin Primary leh Middle School leh High School aiawh tih hi lman atangin vawiin thlenga kan problem a ni a. Hetiang a nih law law hi chuan a fact hi pawm mai ilangin, tun aia tha zawka a kal theihna tur hian enggemaw dan aiawha in lak a nih pawha dan kalpui deuh tur kan siam a sorkar hnathawk a ruaitu chuan a service ah midang an awm chung nanana chu dan angin a service kha chu pension ah pawh a hloh mai tur a ni.

Chutiang zawnga kan kal chu a thain ka ring a, sawitur tam tak a awm a, ka sawi leh duh chu Mizoram Institute a Comprehensive Education kan tih tunhma a Hindi Special School kan tih hi Special takin a dinhmun kha kan siam a. Tunah chuan Higher Secondary school pangngai a ni. A Principal chu Colleg Principal hlawh la angin a awm a ni. Heng an dinhmun hi siamfel thuai a, tin. A School pawh hi Higher Secondary pangngai anga an kal ve mai hi a tha a. School si dinhmun danglam bik anga a awm reng hi a thalo khawpin ka hria a. Administration thil ah pawh a hmawk thei a, chu chu ka tarlang duh a.

LAD ah khanin pahnih khat lek ka sawi duh chu V/C dan siam that a tul thu chu sawi a ni tawh a, kha kha ka rawn tawm a. Municipality chungchang hi kan sawirikna a rei tawh, hei hi kan sorkar hian helam ah hian hma la chak selangin. Tin, a zirzauna neih te pawh a tha ang. Chu chu sorkar lamin ngaihven rang hle selangin ka duh khawp mai a. Tin chulo chu hei LAD hnuai atangin khawpuiah kawngpui thar te siamna tur remchang a awm zel a.

Aizawl North ah sawn kan sawifo a, Ramhlun Sports Complex panpheina tur saw sawtah Thuampui ah Ramhlun Vengthar, Bawngkawn Chhim veng, Bawngkawn-sawtah Thuampui ah By-Pass kawng ang deuh thaw hi kawng zawnthar tur pawimawh deuh a awm a, heng hi khawpui kawng siam thatna atang khan kan Minister hianin hma min laksak ve thei sela chu a tha hle mai a, V/C pawh in Joint meeting-te kan nei a. Hei hi vawiin ah hian attention kan draw duh a.

Tichuan tun kan Assembly ah hian Member ten thil kan dil a, chawpchilha hlawhtling nghal mai te a awm a. Ka dil ve duh chu Ramhlun Sport Complex saw Electricity a la awm lova, tawite Pu Speaker sawtah sawn LAD Minister hian High Mast hi min rawn dahsak sela, zanah kan inkhel thei anga. Tin, Ramhlun veng zawng zawng sawn kan chhawr dawn bawk a. Chu chu kan dil a, min hlawhtlin tir theih ngei pawh ka beisei a ni. Ka lawm e.

S P E A K E R

: Pu F. Lal Thanzuala hi a phar hlawh rei tawh a, i lo sawm hmasa ang hmiang.

PU F. LAL THANZUAL

: Pu Speaker, ka lawm e.L.A.D. lamah hian han sawi tan ila V/C inthlan kan nei thin a, hmanni lawkah pawh kan nei a. Vote

thlak dan te kan sawi a kan hriain kan hmu a. Hemi hi ngaih-mawhawm hlein ka hria a. Khaw pakhata an inthlang an sawi ka hriat chu zing dar 7 : 00 atangin Vote thlak a ni a. Chawhnu dar 2 : 00 velah chuan bawmah Vote-a la awm lova, an, ti a ni. Tam takin an thlak tawh a mahse bawmah vote a la awm lova, a awmia chu tute emaw khan an lo lakhawm ta zel tihna a nia. Tichuan a zawh dawn lamah an thlak a, pakhat phei chuan a thlak sual a, a bawm lovah a thlak a. Kherchhuah leh a tum kha a thang rei lutuk a. R.O. te nen an va buaipui a an ti a. Khati vel khan thil hi a awm thin a. Democracy ram kan ni a, Democracy hi khawvela Sorkar form danah kan duh ber a ni a.

Mipuim kan zalenna leh kan duh kan thlan theih a ni a. V/C Election hi Democracy kan zir tan firina a ni a. MLA te MP te kan thlang a ni a. Chuvangin hemi Democracy kan zir hmasak ber na a thil kan tih thin dan hi a thalo tih a tlangpuim kan hria a. Hei hi siamthat a tul tak meuh a. Tun tum khan kan ti thei ta lova. Tih leh hun atan erawh chuan hei hi ngei ngei turah ka ngai a. Chutilo chuan kan Democracy leh kan inthlanna mipui leh kan naupangte lehzelina an en dan tur leh an ngaidan tur kha a chhe hle dawnin ka hria a. Hei hi reform ngei ngei tur a ni.

Tin, pawisa a ngai deuh a nih pawhin a ngai mai tur ani, hei hi chu, thil dang zawng zawng ai pawh khan a pawimawh tihtheih niin ka hria a. Democracy rama awm kan nih avangin hei hi kan tan a pawimawh em em in ka hria a. Chu chu ka sawi duh a. Tin, LAD hian hnathawh an ngai hle a, lawmawm hlein ka hria a. An hnathawh hi sawisen pawh a ni lova, hei Construction of All India Radio Officers transit accomodation tih an zawhfel tawh nuai 186 lai ma te, Construction of State Government Employee Housing Complex 91 Unit zawh fel tawhte Tin, Bus terminal te, shopping center te, tin, Kolasib ah te Champhai ah te, Hnahtial, Thingtlang khua ang deuha la ngaiah te pawh hnathawh hmuh tur tam tak a awm a. A lawmawm tak meuh meuh a ni.

Tin, helai thil hi a lawmawm hlein ka hre leh bawk a. Kan State ah hian Jail Capacity hi mitang 1004 dah theihna a ni a. Hetah hian 832 an awm a, kan tlem tlat mai a, 172 lain Jail zawng zawng chutin mi tang hi an khatlo ani. Tunhma hun kal liam tawh hla lutuk lo han ngaihtuah khan Jail a len lohte khah liam a tam em em a ni. Hei hian kan ram dinmun thui takin a tarlangin ka hria a, kan rama sualna titamtu pakhat chu Zu kan in a kan ruih thin te, Zu khapna hi a hlawhtling kan tih leh a hlawhtlinglo kan tih dan hi a inang lova inhnial theih tak a ni. Amaherawhchu buaina siam zawng leh a lang thei lamah hian thiltih a lo tlem ta a.

Tin, a zuarte pawh man an tam a. Tin, kohlrin lam atangin Crusade ang chi te rawngbawhna a tam bawk a. Tin, sualna siam bertu pakhat Drug te pawh tlein a lo ziaawm ta a. Excise in zawhna an chhan na ah te pawh a tlein lam an pan e an ti a. Khatiang khan kan Jail tuhmaa khatiam pur pur thin te pawh an tlein ta hi a lawmawm hle mai a. Hei hi Jail lamah hian thil lawmawm tak a nih avangin ka sawi duh a ni.

Tin, Forest chungchangah hian ka tui ve em em thin a khawvel pum huap pawha kan ngawte a lo chhiat sawt em avanga kan boruak te leh kan khawvel pum huap pawha kan ngawte a lo chhiat sawt em avanga kan boruak te leh kan khawvel pumpui Earth hrim hrim survival te pawh hi a lo hlauhawm tak tang hian ka ngaihtuahna hi ka hmang ve thin a. Saitual bialtu zahawm tak Pu Ziran ka rilru a na em em mai a ti a, a sawi ang deuh khanin a tullo a ramkang han hmuh te hian rilru a na thei tak tak a. Amaherawhchu, sawi hi rinaiin a harsa a, he department. sawi mawh tak hi. Tahchuan, hemi an thil tih tawh, amaherawhchu mipui tana thalo awm nia ka hriat hi sawilan ka duh a. Forest Deptt. a lo awm chhoh tirh khan kan thingtlang V/C te chu an la mawl ve leh zuala tunlai aain thil hmuh a lo har a. Inhlawhfakna duh khan ram an lo thuat thuat mai a.

Agriculture atana ram tha deuh deuh hi Forest ram a ni teuh mai a. Forest hianin ramngaw an siam tur miawm tak a ni a. Amaherawhchu, a ngaw sa hi an um ve lutuk thin a. A chang phei chuan tihkhawlohte an nei thin a ni. Tunah hian ka bialah pawh a tam a, kan naupan laia ram tha tak thin te pawh kha Forest ram a ni a, thing dingsa kha a hnuai an sam a engtin emaw an ti a. Khatiang thilawm a tam a, mipui min tichep riau a sawngte saw chu Forest Deptt. lan hian hmalaka mipui hmantheih tura chhuah dan hi kan ngaihtuah hian a tul chu an sawi thin a, a harsa viau a nih phei chuan nakina a hrin chhuah tur chu vah luih ani mai. Khatiang hun kha a thleng dawn a ni. Tin, khang ho kha, khang ram kha tha taka enkawl pawh kha a ni chuang mang bawk si lova. Tikhan, ram ani that thin a ni. Hei hi problem siamna niin ka hria a, kan sawi lang duh a.

Tin, thil pakhat Forest Deptt. ina an tihhlawhtlin tha em em mai ka hriat chu School-ah Environmental Subject zir a ni dawn ta hi a ni. He subject hi compulsory-a zir anih dawn tawh thu tarlan anih tawh thu tarlan a ni a, hei hi a ropui ka ti tak zet zet a ka thilung takin ka lawm a, a chhan chu tunah chuan hei kan ram thing leh mau te tiang hian kan han ti buai zo ta a. Amaherawhchu, kan hmalak tanna hi a dik khawp mai a, school a kan zir chuan naupang kha convince an nih a khami rilru an put chuan kan thing leh mau te, kan ram te, kan nungcha te reng reng kha duat nachang kan lo hria anga. Keini Mizo hi kan piandan hi a herh ve nalai tak hi a awm a, ramhnuaihan han kal ilangin thingzar pakhatah khanin laiking takngial kha lo fu sela, han vawm mai duh hi kan ni thin a, khatiang rilru kha kan pu a. Mahoo, tianga environmental subject a hi, education a hi, school a kan introduce tur hi kan Minister pawh hian a thil tih, nakin thleng pawh a a thil tih ropui ber pakhat a sawi tur niin ka hria a ni.

Pu Speaker, rang deuh hleka sawi kan tum anga, sawi tur hi ka la nei teuh mai a. Tin, (hmanimawh lutuk hian a sawi theih loh zawk lehngal a) school lamah hian hmasawna ropui tak kan nei bawk a, tahhian a credit hi kan Minister zahawm tak hianin ala hlein ka hria a, ka rilru-ah chuan Primary School-a Hindi kan han zir tur hi a pawimawh lutuk ani. Mihring reng reng chu tawng kan thiamloh hian kan zak vek thin a ni. Tuna kan rama B.A. te, M.A. thlenga tam tak te pawh hi saptawnga biak hlau tak tak hi kan tam em em mai a, khatiang ang khanin India rama kan awm chhung chuan kan awm reng dawn bawk si a. Hindi kan thiam hi a pawimawh lutuka, 500 lai mai kan han la thei tur te leh a dang te pawh kan han la thei tur hi a lawmawm em em mai.

Chulovah chuanin, English lampang an rawn uar chho hi a pawimawh ka ti em em a, he House-ah pawh Ministry hmasa atang pawh khan ka sawi ka sawi thin a. English hi kan thiamlo sawt ta a, a tlangpui thuin heng hmunpui deuhvah English Medium School tha deuh awmna ah chuan an thiam khawp mai, thingtlang ah chuan an thiamlo sawt ta em em mai a ni. High School hi English Medium a ni, nimahsela, English in an in zirtir ngai tawh mang silo, Mizo Medium kha a ni fai chho deuh vek mai. Ka hriat dan pheh chuan Aizawl-ah tepawh College tam tak chu English a lecture tur kha Mizo tawngin an sawi tam hle mai te an ti a, khang te kha a pawh a. English lamah hian hma kan sawn hi a tul tak meuh meuh a ni. Tunah pawh khanin engatingeni hei doctor zir tura an thlan hian enchiah ilang in 100 a 98 vel hi Aizawl ani an ni ziah a, Champhai leh Lunglei hi pahnih khat an lo tel theih chauh thin. Engvangimge ? Aizawl-ah chuan education chu a tha a ni, thingtlang lamah a tha ve tawhlo a ni.

Tichuanin, kan ram than dan hi education a kan than dan hi a balance a dik tlal lo, thingtlang lampang emphazic angai lutuk tawh ani. Chuvang chuan, College provincialization thleng khan kan tana kan tih kan tih thin na kha a ni a. Tunah te pawh hian fail thak hi 131 kan nei ringawt mai a, tunah hian kan result hi 40 emaw vel a ni a, kan han lawm a, 30 ai chuan a tha a. Mahse, 50 vel tal kan lawm na te hi a hniam zo ta. Chuvang chuan, 50 vel tala awm thei tura tan kan lak a tha a, kan Minister viak a tha a, a taima a, chuvangchuan, khang kha a rilru-a a hriat reng ka ring a. Chuvang chuanin, kan education hi siamthat angai a ni.

Pu Speaker, pakhat chauh, High School tinah hian Headmaster leh Administrative Competent chauh dah rawh se, senior ringawt dah suh se, Headmaster pakhat chu ka hria a ni. School pakhatah result tha a neilo em em a, school dangah result nei tha thin sa ah a insawn a, ava Headmaster leh a, an nei thalo lehngal a, chumi hnuah hmundangah a insawn leh a, an nei thalo leh a. Mahse, khang kha tikhan a kal zel thei. Chuvang chuan result, nichina kan sawi tawh ang khanin ACR ah khan alang ngei ngei tur a ni. Kha kha hotu tlak anih leh nih loh a entirna chu a ni a, tih kha kan sawi deuh a. Tin, High School ah hian saptawng an in zirtir ngei ngei tawh tur, chulo pawh chu English Medium hi kan sorkarin a kan ngaidan hi kan thlak a ngai a, tunah chuan thingtlang khua-ah hian English Medium hi din tawh zawk tur sorkar hian. Tuna zirtirtu educational volunteer tih kan lak tur tepawh hi duhthusam-ah chuan English thiam ni tawh se. Awle, ka lawm e.

PU LALTHLENGLIANA

: Pu Speaker, ka lawm e. Hei vawiin ni a kan demand pahnih han sawi tur hi a sawi a chakawm a, a changtu Minister te pawh hi an fakawm in ka hria a, amah Pu Laldenga'n lehkha thiam ringawt kan mamawh lo, mithiam kan mamawh a ni, a tih ang deuh khan mithiam tak tak niin ka hria a, hei GAD te pawh hi changchho tur tamtak kanlo nei tawh a, hetiang em em a ram lo danglam ta leh Aizawl khawpui ngei pawh a hmel a lo danglam ta han hmuh hian, Pu Denga thusawi hi hluin ka hria a. chutiangan, education lamah pawh changtu tam tak anlo awm tawh thin a, thil kawla hmuh ngai loh leh kan la hriat ngai loh, a ngaihthlak pawh kan la ngaihthlak ngailoh thil tharlam tam tak a rawn awm chho te hi a ropui hlein ka hria, vawuinni-a kan demand neitu Minister te pahnih hi he House pawh hian kan fak, kan chawimawi a tul hlein ka hria a ni.

Tichuan, demand 20-na Education ah khan han lut ta ila, hei kan la hriat ngai loh tam tak a awm a, chung kan sawi rual chuan nakinah a tul nia a ka hriat ngenna pawh siam ka duh a ni. Zirlai tam ber mai naupang te hnenah zirlaibu a thlawn a han sem te hi tunhma zawnga kan hriat ngaihloh a ni a, a ropui em em a ni. Scholarship ni 17031 hnena cheng nuai 150 zet mai an sem ral vek mai te ang te hi a ropui em em a, tunhmain hetiang em em hi ala awm ngailo a ni. Tin, han sawi ta mai mai ila, 1976 ah The First Political Training Course neiin India ramah kan zuk kala (The First Political Training Course a ni a... danglam nilo, Pu Hawla sawn a hria ang a) khatah khan an ngaih pawimawh em em chu state tin te hian Hindi thiam sela tih a ni. Chutiang chu a ni a, a rei ta hle mai a, kan ngaihsak lemlova sorkar kal tawh zawng zawngin tun sorkarah primary a la awm ngailo, Hindi Teacher 500 lak belh tur an ni te, a hnuah kha eng kan han hmuh belh leh chu 600 dang lak belh leh tur niawm ten kan ngaihthla tawh a, a ropui hle a ni. Chu chuan hlawh la hmulo te engzahnge a tuam dawn tih kha ngaihthuah fe tham a ni a. Sawi tur tam tak a awm a, heng zirtirtu te training na hmun Aizawl khawpui deuh chauh mai an awm te, tunah district headquarter tin maiah zirtirtu training na hmun DIET kan han nei ta te hi a ropui khawp mai a.

Hnathawktu nisela 150 zet an awm/dah thar a, tunah pawh hian ka bialah an thawk der tawh a. Tun thla maiah hian kan Minister zahawmtak nen a taka hawn kan tum a ni. Chutiang khawpa hmasawma he ram pumah hian alo thleng chho te, school building te namem lova an tha chho te, hmun tinah hei ka bial Mamit bial pumpuiah hian school chhe lutuk a vang tan ta hle mai a, chutiang a hmalakna SSA lam atanga hmalakna te, a ropui em em mai a ni. Chutiang chuan engkimah hma kan sawn lain, vawiin niah Appeal kan siam duh deuh chu, Sorkar High School 16 zet maiah an han nil thak mai te engvangin nge ni ang ? enge a chhan ? nichina sawitu hmasaten a chhan kan hre lova an tih kha kei chuan ka hriaiin ka hria, a chhan chu sual a ni, miin ramtan ka thawk ani tih a hriatloh chuan sual a ni. Zirtirna hna hi missionary hna a ni tih a hriat loh chuan sual a ni. A inthlahdah chuan sual a ni. School-ah zu nam chung leh rui chung kut khur dur dur a a kal anih chuan sual a ni. Chumi rah chhuah chu hei hi anih avangin vawiin niah hian khawng deuh hleka kan in reform hi a ngai tawh lo maw ? kaldan thara a infrastructure lamah nasa takin kan thang a, a ropui em em a ni. Hna la thawk lo tamtakin hna an thawk a, fixed pay pawh tunah hian lak leh tur te pawh a ni. Chutiang chuan mihring pawh an tam, lehlamah Minister tan pawh an tam lutuk avangin a

harsa, battalion chu sawiloh company khat enkawl pawh a har lain a nuai nufa zet mai enkawl te pawh hi a buaithlak a. Amaherawhchu, sawiselna tur lai awm mahsela lehlamah chuan hetah hian zirtirtute zawng zawng hi reform chu an ngai a ni. Vawiin niah hian hetiang anga passed chhe ho lutuk hi an ACR te engtinge kan ziah dawn ? hei hi a tuar ngei ngei tur a ni. Chutiang ang lova kan kal anih chuan a thain ka ring lo.

Tunhma kan naupan lain Pu C.Z. Huala te Reiek Middle School-ah Headmaster a ni a, amah pawl 6 passed, M.E. School-ah Headmaster ani tho, Pu Darthankima te pawh kha thiam sang lutuk an nilo, M.E. School-a an thawh lai khan. Mahse, IAS pali khumi school atanga chhuak kha an awm a ni. Tih takzeta an zirtir vang a ni. Vawiin niah deficit atangin provincialise nih tumin kan bei chho vak vak a, provincialised an nih veleh an in thlahdah leh a, Pension benefit te an nei a, engkim an neih hnuah an inthlahdah leh, heng zawng zawng ah hian khawng deuh hlek a, kan inkalpui a tul hle a ni.

Tin, kan Minister zahawmtakin a wind-up na-ah pawh rawn sawi tel sela kan duh a chu, term kal ta a zirna Fixed Pay Teacher kan la, manganna avanga chaw nghei te, an ... lawka SSA atanga an lak ten tam zawk an laklai te, tunah khangho engemawzat kha DPC kallanga lak felfai taka lak an ni a. Sum inrenchenna avangin hetizah hi hlawhtir nih mai ang tih kha an ni a. Mahse, vawiin niah heti thleng thleng hi kum ¼ zet alo ni ta, fixed-a an la awm reng mai te hi tuamdarn dan a awm em ? tih kha ka han zawt duh a ni. Tiang chuan kan zirtirtute hi engtinge kan enkawl ang tih kha a pawimawh hle in ka hria a ni. Kan Mamit H/S pawh an hotupa kan sawm a vawikhat kha an tihchhiat lutuk avar in a dang pawh hi kan sawn fai vek ang che u, tiin kan han in vau deuh a, kuminal chuan result a tha ta deuh mai. Hmunpui zirtirtute chu Tawngkawlawng-ah ka sawn ang che u, te ka ti a zu an in nasa a ni. School-ah pawh an khur our dur mai a, mahse kan han in vau deuh hnu chuan camp-ah te an lut a, khawtual-ah pakhat phei chu YMA President-ah te a awm a ni. Hma a sawn theih khawp mai. Chuvangin, ban kha i ti har dawn tho tho si a.

Pu Speaker, thildanga kan tih, thilthar kan hmuh, mid-day meal han tih te, nitin maia 90,000 chuangin a chaw chhun an han ti mup mup, chawn an han chen te hi a ropui khawp a. Christmas ruai nawn te pawh a har tehlu nen, nitin khatiang zat khan ruai an theh nia mawle. Mahse, thilmak hmanni-a lo thleng and deuh kha Buarpui biala vawk pawhin a an eitlakloh an lo siam kha engtizia nge ni ang ? Buar an chum em ni aw ka ti a, an va uar lutuk deuh ve mawle, ka ti a, khang em em kha chu enfiah deuh misela, a uar em mai a, kha kha chu a diklo ang tih kha a rinawm ve deuh a ni.

Demand 19-na han thlir hian Mizoram-a la thleng ngailo Bus Terminal te heng New Capital Complex te heti khawpa sum leh pai tam lutuk lo kal te, Champhai Market tih te, Mizoram budget atanga sawkhek miah silova heng ang thil zawng zawng Rangvamual atanga Truck Parking lo kal te lo awm ta te, City Centre te han thlir hian a ropui lutuk a, Chuvangin, kan Minister zahawmtak hian Maurawkela zawng khuang a nei em ni ? tihmai turin pim tih hian a vaw chhuak zel em ni ? tihmai theih tur hian Zoramah thil lo la thleng ngailo hi a thleng tam em em mai te hi a lawmawm tak tak a. Chuvangin, lawmna chang kan hriat a pawimawh. Pu Speaker, tem min pek belh ta che.

Tin, chutiang chuan hei kalkawng dunga kawngsira checker tile han phah a, step mawi tak tak, Bawngkawn atanga Durtlang chho han phah chhoh vek te hi a ropui a ni. Zoram mipui hi an lawm a ni. Aizawl khawpui hi an lawm a ni. Vawiin niah hmun hrang hrangah LAD tih awmloti tak tak khelmual tih vel leh checkdam ropui tak tak han siam te, khang kan han hmuh khan vawiin niah hian tunhma LAD lo kaihruai tute ka demna nilovin, ava danglam ta em ! a va mak em ! tihloh theih a nilo a ni.

Tin, han tih leh hram ka duh a ni. Information lam demand-26 kha sawi a hlawhlo khawp mai, hei hi engkima VIP te pawh kan mawina, MLA te pawh kan mawina a ni a. Diary te min pe a, calendar te min pe a. Tihian thil tam tak an ti a, Minister zin apiangin zinnaah an hruai a. Hmanrua an nei chhe lutuk a, Motor te hi an nei chau em em mai a ni. Hei hi chu ngaituahfel sak deuh nisela a tha lawmni kan ti a. Hunin mi nek chep a, kan tum ram ka thleng zolo. Ka lawm e

S P E A K E R : Nia, kan hun pangngaiah darli a ni a, hei minute thum a la awm a. Ngeni kan kaltlang ang kan ti dawn nge ni? Nimin ang khan darkar chanve emawl chawl ta ila. Anih leh kan hun a laklawh hret a, kan chawrih ang a darli leh a chanve-ah kan chhonzawm leh dawn nia

Recess 4 : 00 PM

4 : 30 P.M.

S P E A K E R : Kan puar tengtawng tawh awm a, kan chauh zual te pawh a reh tawh ang chu maw. Tungeni Pu P.P. Thawla maw. Pu P.P. Thawla ilo sawm ang.

PU P.P. THAWLA : Pu Speaker, ka lawm e, Demand 20-na School Education-ah han tarlan ve ka duh a. Kan Education Minister zahawm tak hi lehkha zirtlang thin kan ni a. Education Minister a ni hi a hmeh hlein ka hria a, tlangval thalai ani bawk a. Lawmthu hrilh tur ba hle pawhin ka in hria. Pakhatnaah chuan kum kalta maiah khan Mini Diet Saiha-ah hawn te a lo ni ve thei ta a.

Tin, MLA anih lai khan a lo zinkual vel laiin School hrang hrang han tlawh kual vel te hi a peih hle a. School dinhmun te a zir Chiang thin a. Tur ang dinhmunte a lo nih dawn vang te pawh a ni mai

...538/-

thei a, chutianga a taimakna lamah entawn tlak hlein ka hria. Hei kan zingah hian Education Minister han ni tur pawh a awmber te zinga mi a niin ka hria a, a lawmawm ka ti hle a ni. Education Mission lamah hian kum sawmpanga vel hun ka lo hmang ve tawh a, thahnem ngaih a na thei hlein ka hria a. A bik takin keini khi ram kilkhawr kan nih avangin kan zirna lam kha a quality vak lova. U.T. sorkar tirh vellai khan mithiam te kan tlem bawk a, a quantity lam thahnem ngaihna rilru zirtirtu-ah te a lo awm deuh emaw ni chutiang kal vel chuan kum sawm chuang a liam chuan kan education quality a lo tha tawh lova, pawh kan ti hle a ni.

Tun kum hnih khat kalta atang chuan Teachers Union lam te, Mara Student Organisation lam te in kan education quality siamtha turin nasa takin Promotion Exam naah te, a bik takin Board Exam naah te hian tan an la a. Zirtirtu mai pawh duhtawh lovin anmahni ngeiin pein exam te an veng a. Chutiang anih avangin hei kumhnih khat vel kalta atangin Matric Result pawh Saiha District lamah chuan nasa takin a tlahniam a. Hei hi a lehlamah chuan thil lawmawm tak a niin ka hria. Kan district lam atangin kan education a quality lamah a insiam that dawn avangin thil lawmawm tak a niin ka hria a. Chuti anih lai chuan tuna harsatna kan neih chu thingtlang kan ni a, zirtirtu te hi duhtusam an tamloh vang te pawh a ni mai thei, ka han tarlan duh chu District Education Officer lampang hi tuna kan dinhmun chu SDEO pakhatin DEO pahnih hna a kawp a. Chutiang mai a enkawl kan nih avangin kan education hian tlakchham nasa tak a nei a. Mizoram a kan Education Deptt. Case hlui te kha a la fello emawni DEO puiting Lawngtlai District leh Saiha District ah te hian nei ve thei tawh ila.

Tin, Education Department hmana Inspector hoten a regular deuh a school an tlawh kual thin a an inspect thin ang kha a awm khat ta deuh hianin zirtirtu te nasa takin a thlahdah tir a ni pawhin ka hria a. Tin, zirlai te rilruah pawh khatiang a hotu lian zawk te school ngai pawimawh an lo tlawh thin an hmel hmuh a lo nih tak lovah chuan naupang te rilruah pawh ngaihtuahna a tizim te pawh niin ka hria. Chuvang chuan, hetiang zawng hian a inspection lampangah hian tih hmasawn theih nisela. Saiha leh Lawngtlai District an te-ah DEO tak tak te nei thei tawh ila. Tichuan, tuna kan Teachers Union te leh zirlai tangruah ten an thahnem ngaih ang te hian a ruaitlangin insiam thatna nasa tak a awm theih ka beisei a. Chutiang zawngin kan Minister zahawm takin min lo chhinehchiah sak ka duh em em a. Chu chu kan tarlang duh a ni.

Tin, chumi rual a kan sawilan duh chu Saiha District chhungah hian Private High School hi paruk lai kan la nei a. A then te dinhmun chu ka hrechiang chiah lova, Saiha Town chhung a mi New Colony High School hi chu 1986 atanga din a ni tawh a. A Head te lampang tan lak tawh loh vang nge ni an vanduai vang hrim hrim tun thleng hian deficit ni lovin an awm a, hemi school kher hi chu a dang panga te kha ka ngai pawimawh lo nilovin a bik takin Town a School dang Govt. School te an ni a, deficit school te an nih lai a, 1986 a mi tawh vawin thlenga Private School ala ni hi zirtirtu te leh zirlai tan tui a har hlein ka ring a. Khawpui chhung school pawimawh tak nisi a hetiang dinhmuna a la ding hi a bik taka department hian min ngaih pawimawh sak ka han ngen duh a. Ka hma a member zahawm tak tak te ngenna chawpchilh a hlawhtling thin ang kha ka rilru-in ka hreve reng a. Chuvang chuan, kan Minister zahawm tak hnenah New Colony High School 1986

atanga din tawh tha tak a Town chung school anihna anga function ve reng hi chu school tam tak deficit a hlankai theihloh anih pawhin hei tal hi chu ngaih pawimawh a ni thei lawm ni. Aizawl lamah te chuanin tunah hian chuan school te hian sorkar hi an mamawh tawh vak lova, private anga an kal hi sumdawmna tha tak angah an ngai pawh a niin a lang a, in elna te a nasa bawk a. Education, zirna pawh a thain ka hria. Thingtlang lam erawh chu sorkar kut tellova mahni mai a intodelh theilo kan nih avangin ngaih pawimawh a ngai leh zualin ka hria a, chu chu ka han tarlang duh a ni.

A dawt lehah chuan Pu Speaker, information lamah hian kan Information and Public Relation Minister zahawm tak hianin thingtlang mi te kan bengvar theihna tur eng eng emaw bialtu MLA te hnena min sem a nei thin a, a lawmawm hlein ka hria a. Hetiang hi department hian ngaih pawimawh leh zual sela thingtlang mite tan chuan kan lawm hle ang tih kha ka han tarlang leh duh bawk a ni.

A dawt lehah chuan Demand 16-naah tlem han tarlan duh ka nei a. Saiha Jail khi siamthat a awm tawh mang lova, kan Jail pawh khi a tawp hle tawh a ni. A building te pawh a duhawm tawhlo hlein ka hria a. A thawktu lam Jail Warder te lamah indaih lohna te a nasat em avangin a tlan chhuak tih te pawh kha a awm deuh te pawh a ni ang e. Chuvangin, a thawktu lampang hi kan Prison Minister zahawm tak hianin hemi District kil ber a kan Jail hman atanga awm tawh hi a bik taka min ngaih pawimawh sak a, a Jail Warder lam indaih lohna te hi min chhichhiah sak ka duh em em a. Christmas vuak veta thil thleng pakhatah phei kha chuanin ka nau ngei hi Jail Warder pakhat a awm a diklo deuh takin report te a awm emawmi suspend a ni leh nghal a, a thalo hlein ka hria a. An hotute duhsak loh te ani nge ni ka hrelowa, hetiang hi kan dinlumun anih avangin ngaih pawimawh a ngai hlein ka hria.

Local Administration Department kan Minister zahawm tak hianin LAD lam atang tein leh NBCC nen tangkawpin Saiha Town leh Tuipang town nasa takin min tih hmasawn sak tawh a, kan lawm em em a. An hnathawh tepawh a tha a, Local mi Contractor te ai chuan NBCC hmalakna hi chu a hna hi entawh tlak hlein ka hria. Chuvang chuan, he kilkhawr tak town pahnih te hi tun ang zela tan min lak chhonzawm sak tur pawhin kan ngen duh bawk a ni.

A dawt leha kan tarlan duh chu District Council chungchang thu bawk nita sela. Kan sawi duh chu he Sorkarna kal pui mektu party hi, India ram nena remna an sign lai vel khan he State chhunga hnam tenau zawkte dinhmun a ngaih pawimawh tur thu te, an hmasawmna leh an himna ngaihtuahpui tura an sign na kha a telin ka hria a. Chuti anih avangin kan thla pawh a muang hle a. He kan District Council Lai, Chakma leh Mara hi kumin a kan budget a pathum belkhawm hian Rs. 6,77/- lakhs a ni a. Han insem hian a beitham ang reng hle a ni. State Budget a pundan percentage ngaihtuah hian District Council a kan budget te hi percent sawi tham lohni, pay increment ang lek a hmasawn hlek hlek a ni a.

Chuvang chuan kan DCA Minister zahawm takin tun budget chu tihian a kal mai dawn a, Revise estimate lamah tal heng kan Council, kan Sorkar na enkawl mek District Council pathum dinhmun chhe em em te hi sum leh pai lamah plan sum lamah te min han duh sak zel thei sela tih hi thil duhawm tak niin ka hria a. Chu chu ka ngaipawimawh hle a. Kum sawm dawn kalta atang kha chuan kan budget hi same size zel a ni mai a, a pung hlei thei lova. Chu chuan kan dinhmun hi a siamtha thei lova. Riltam inbriatna tawk lek budget ni thinin ka hria a. Tun hnuah chuan tlein tun aia hmasawn theih nan induhsak theih ni sela tih hi min lo chhinchhiah sak turin ka han sawi duh bawk a ni, Pu Speaker, ka lawm e.

PU D. THANGLIANA

Pu Speaker, ka lawm e. Demand No. 36-na hi han sawi hmasak ber ka duh a. Environment & Forest chungchangah hian hei keini hi

sanctuary dep a awm kan ni a. Sanctuary dep awm khuate reserve ngaw tha tak a awm zel theihna tur atan leh ramsa te humhalh anih theihna atan eng eng emaw tanpuina te mi an siam sak thin a. Tin, Gas tepawh kha mi an han pe ve nual a, a lawmawm pawh kan ti a, kan lawm viau a. A khua zawng zawng kha min a pe kim lova, helajah hian hma min han laksak deuh sela thain ka hria a. Tin, heng dep khuate hi thingtlang lonei a eizawng te an ni flangpui a. Chuvang chuan Gas leh Vawk note pali vel leh ar tlem azawng mai ang ni lo deuh hian an eizawna rama kha engemaw zat neih hleih theih loh anih tak avang khan eizawna mumal deuh hlek an neih theihna tur atana Central lamahte pawh hian hmalakpui dan a kha min ngaihtuah sak thei sela a pawimawh viauin kan ring a. Chuvang chuan Minister zahawm takten min lo chhinchhiah sak sela, hemi Sanctuary depa khua te, eizawna ngelnghet zawkah tun ang ringawt lo deuha an neih theihna tur atana Project te min siam sak a ruahmanna min siam sak turin hma min lak sak turin kan ngen duh a.

Tin, thil lawmawm tak a tam khawp mai a, amaherawhchu, maluin mamawhte kan neihve thin avangin bial lamah te khan kan lo sawi lo thei lova. Hei Teak chingtutena harsatna an neih te hi keini pawhin kan hriatpui a. Tin, kan hmenah pawh hian hun engemaw chen atang khan an sawi ve tawh thin a, a harsa hle mai a. Amaherawhchu, wawiinniah erawh chuan Teak chingtuten anmahni teak chin ngei an hralhchhuah theihna turin Forests Department hian hma an la chho ta a, heng hi teak chingtute tan pawh thil lawmawm tak miin ka hria a, a lawmawm hle a ni tih kha kha kan sawi duh a, tam zawk an hralhchhuah theihna tur atana hmalakna kha chhonzawm zel nise a thain ka ring a.

Tin, Forest Department hi ram ngaw tichereu tu leh ramngaw suat tu ang ringawt tura kan ngaih lain kumin 2005-2006 ah hian Revenue pawh kha tam deuh mai an lo la lut ve a, a lawmawm khawpin ka hria a, nuai 245 chuang lai mai kha Forest Department hian kan mau atang te, tin, kan Sangha atang te, Balu atang te leh kan hmunphiah atang tein pawisa an lo la lut ve a. Hengte hi Mizoram tan c huan keini ang State rethei tan chuan thil chhenfakawm tak a miin ka hria a. Hengah pawh hian tan la lehzuat tur pawhin kan fuih duh a, kha kha Demand No. 20 naah chuan kan sawi duh ni ta sela.

Tin, a pahnihaah chuan Demand No. 20-na. Hei kalphung thar hi MNF Sorkarah hian hmuh tur hi a tam khawp mai a, tun hma a kan la hmuh ngai loh leh hriat ngai loh thil thar tam tak a awm a, kan sawi vek seng lo vang a. Kan Education Department ah hian thil thar tam tak kalphung thar neih tak hi kan ngah khawp mai a. Tin, chung zingah chuan sawi tur tam tak aawm a. Chumi ka sawi hma chuan Mizoram hi literacy percentage ah hian hei kan Education changtu Minister zahawm tak hmalakna avangin 91% laiah Mizoram zirna in hma a sawn ta hi thil lawmawm tak a niin ka hria a. Amaherawchu, kan matric result te kan duhthusam erawh chuan a tha lova, hengah hian nasa lehzuala tan kan la erawh chu a ngaiin ka hria a, theihtawp chhuaha hmalaknaah hian kan education literacy percentage pawh hi India ramah pakhatna kan nih chhoh theih thuai kha a beiseiawm hlein ka hria a, a lawmawm ka ti a.

Tin, Mizorama kan la hmuh ngai loh thil thar duhawm tak mai chu Hindi Teacher 500 lai mai thawk tur mihringa kha keimahnin kan tum ang a, a pawisa an hlawh tura kha Central-in min tum sak dawn a, India rama tawng hman lar ber Hindi Mizo fate pawhina kan thiamve theihna tur atana ruahmanna siam a lo ni ta hi a lawmawm hlein ka hria a. Mizo nula leh tlangval lekhathiam hna hmulo tam tak Hindi leh Hindi lama thiamten Hindi lama thiamte, hei kumin chhoah pawh hian 500 laiin hna thar an han hmuh belh dawn a ni a. Hei hi a lawmawm hlein ka hria a. Tin, chumi piallamah chuan a hmabakte pawh kha ala awm zel a ni lehngal a, hei hi thil lawmawm tak tunhmaa la awm ngailo a ni tih kha vawiin niah hian kan sawilang leh duh a.

Tin, chulolehah chuan thil lawmawm tak pakhat chu kan lehkha zir laite ho hian lehkha zir ngawr ngawr a matric te, B.A. te M.A. te an passed a, hnathawh tur mumal nei chuang mang silova awm hi kan Sorkar in ngun takin a ngaihtuah a, a tha ber lovin a hria a. Chumi anih avang chuan High School zirtutu te leh Higher Secondary School a mitena an thiammate lehkha an zir zawh tawh loh hnuah pawh tangkai zawka an chhawr theihna tur atana hmalakna an ruahman a, chutianga vocationalisation project atanga cheng nuai 1350 lai mai hmuhchhuah an ni pawh hi kan department hotute leh kan Minister zahawm tak hmalakna a fakawm hlein ka hria a. Hei MNF Sorkar kan vanneihna em em chu kan budget atangte leh Non-plan atangte ni lova Central atanga sum tam tak kan hailuh thin Mizoram tana department hrang hranga thil tul leh pawimawh a kan hman thin hi a ni a. Hei hi mipuite pawhina MNF Sorkar min fakna pakhat a niin ka hria a, hetiang taka kan Education Department tena hma an han la hi thil lawmawm tak niin kan hre bawk a.

Tin, chuloah chuan hei Private High School te hi chutiang Sikul private ina kan din khawtlangin harsa taka kan lo tih thinah te khan Sorkarin nasa takin tan min han lak sak a, 2005-2006 ah khan Middle School 200 leh High School 38 lai min han privinialised saka chungte chu thil lawmawm tak a ni a. Chunga thawkte leh angheta an thawh chhoh theihna tur atana Post 1300 lai maia pawh kha tihngheh chhoh siamfel chhoh an ni a, hei pawh hi a taka changtute tan chuan thil lawmawm tak, lawmthu sawina mawlh mawlh awm tak a niin ka hria a. Hei Sorkar hnathawk a ngeta thawkte a harsat tawh tehlu nen. India ram pumah tihlem tuma hmalak mek anih laiin hetiang kan Sorkar chak takina hma min han lak sak a, hmasawmna tam tak mi tam takina eizawmna ngelngeta an damchhung piallam thleng pawha hamthatna an hmuhna tur atana ruahmanna an han siam sak hi thil lawmawm tak niin ka hre bawk a ni.

Tin, Primary School-ah naupang te te an kal a, chung chuanin an chhun chaw tur chungchangah, hei buhfai an pekchhuah ringawta pawh hi a tam tham hle mai a. Khawi atangin nge heng buhfai te hi an pek ang aw tih kha ngaihtuah tham tak a ni a. Chutiang anih mek laia buhfai an chhun chaw ei tur min han siam sak a, hetiang a min han tite hi a lawmawmin ka hria a. Tin, S.S.A. Scheme hnuaiah B.R.C. te, C.R.C. te an ti a. Hei keini bial Burma depa awm kan ni a. Khing kan bial Lungdarah te pawh B.R.C. te min han din sak a, tha deuh main min han sak sak a, Zirtutu te training na tura kha thingtlang hla tak hmunah Aizawl pan ngai lova min han siam sakte pawh hi thil lawmawm tak a niin ka hria a. Hengah hian lawmthu kan sawi duh bawk a.

Tin, zirna lamah hian kan Sorkar hian hma a la chak viau a, a lak chak viau rual hian khing keini bial Vanlaiphai a te, E. Lungdarah te khian High School tha tak takte an awm a, tin, plus two-te pawh kha tunah hian an din chho mek a, chungah te pawh chuan kan Sorkar chak tak hian thingtlang hmunah zawka mite, khawpua leh kha zir hlei thei lo va mahni inchhung lam atanga plus two an zir zawh theihna turin kan High School te Vanlaiphai a mite, E. Lungdar High School te khi Plus-two zirna atana min upgrade sak tur khan ruahmanna min han siam sak sela a pawilo awm mange tih kha vawin niah hian kan sawi duh a.

Tin, Demand No. 19-na L.A.D. ah khan hei L.A.D ah khan kan hriat angin tun hma chuan step siam vel leh bawhhlawh pah vel mai anga kan ngaih thina kha, Development Department a ni tih pawh kan hriat ngai loha kha vawin niah chuan kan L.A.D., kan Department hote pawhin tan an la a, Aizawl khawpui mai bakah District khawpui hrang hrangte pawhin vawimiah chuan hmathar duhawm tak an lo hmu ta a, faina lam atana an hmalakna te, Mizoram tana an hmalaknahte hian a lawmawm hlein ka hria a. Tin, hemi atana Mizoram develop na atana cheng vaibelchhe sing khat leh sangkua leh zarah leh sawm hnih leh pathum ngawt mai an han la lut te hi ropui ka ti a, lawmawm ka ti a. Mizoram tan hmasawna ropui tak niin ka hria a. Chutihual chuan keini District Serchhip kan District a kan Capital ah khian DLAO te hian Office mumal deuh taka a rang lama min han sak sak ve kha pawimawh hle dawnin kan hria a.

Tin, chulohah chuan Information lamah hian hei Serchhip District-ah hian Information lamah hian hei Serchhip District-ah hian Information hi tun hmam a lo awm thin a, tunah chuan alo awm mumal ta lova. Chungte pawh chu kan Information Minister zahawm tak hian min chhinchhiah sak sela District Information Office te mumal taka min run sak turin kan ngen duh a.

Tin, a tawp berah chuan Pu Speaker, LAD ah bawk Demand No. 19 ah khan sorkar hnathawkte HBA chungchangah kan sorkar chak takah tunhma-a a lian Rs. 1,75,000/- ah khan 2,00,000/- in a dah a, a te ber pawh kha 1,25,000/- ah an tipung a. He sorkar hian a hnuaia hnathawkte an hamhatna tur zawng a ngaihtuah hle a ni tih kha vawin niah hian min lo hriatsak pawh pawimawh hle in ka hria a. Chuvang chuan, heng kan Demand kan Minister zahawm tak tak te Demand a hi General discussion ah te pawh kan lo pawm tan tawh anih ang khan kan duhtusam thlap nilo mahse kan ram tan tun dinmunah chuan a tha tawh hrih anih avangin kan pass tan pawh kha pawimawh hle dawnin ka hria a, chung chu ni sela Pu Speaker, ka lawm e.

PU K. LALRINLIANA

Pu Speaker, ka lawm e. Vawina kan Minister zahawm tak tak te pahnih Demand kan sawihona hi a tlangpui thu in sawitute kan

member zahawm tak tak te sawi atang kha chuan hmalak tawhna, tuna hmalak tura chhawplai mek te, sum leh paiah duhthawh deuhna lang thin mahse a tha thawkhat ani tih sawilan awm kha a lawmawm ka ti a, keipawh ka ngaihnan a ni. Demand No. 26 Information & Public Relation ah hian a bik takin han sawiduh ka nei a, lawmthu sawina tur pawh awmin ka hria a. Tun kum Republic Day New Delhi a lawmnaah khanin kan han in show venaah khan lawman pakhatna kan la kha a ropui hle in ka hria a. Tin, hmuh pawh a nuamin ka hria a, TV ah khan ka lo thlir a, nichinah Mamit bialtu zahawm takin a sawi ang khanin Distric ah hian a Department tih changflunna hi hmalak a ngatin ka hria a. Officer ten an duty na ur motor pawh an nei lova, an pawimawh si a, helaiah hianin kan Minister zahawm takin min lo hriatsak in hemi tih changflunna tur an hmanrua Camera te leh thildangah leh vehicle ah te hian kumthar lo awm tur atan hian ngaihtuahna min hmansak thei se tih kha kan ngen ve duh a.

Tin, Prison an hian hei District Pathum Serchhip, Mamit leh Lawngtlai ah te Dist. Jail sak thar tur ani tih te kan han hria a, a lawmawmin ka hria a. Tin, Pu Speaker, i bialah Sub-Jail Vairengte-ah te sak ani tur hi lawmawm ka ti a, Kolasib Dist. Jail hi kan tawt em em mai a, Jail tangten lehkha an rawn thawn thin a, kalkawng bulhnaia awm kan ni a, 'kan tawt lutuk tawh' tih ringawt te hi lehkha min rawn thawn thin a. Chanchinbu-ah te an rawn chhuah chamchi thin a ni. He Sub-Jail hi din anih chuan Vairengte-ah tlein kan ziaawm phah ang a, chuti chung pawh chuan kan Dist. Jail a hi tih changflun leh a hmun tih zauh khu a ngai tak meuh meuhin ka hria.

Tin, Environment & Forest Deptt. ah hian Forest Development Agency te an din a, village hrang hrangah te hei hi kan tangkaiptui khawpin ka hria a. Gas te an sem a, kan Forest, kan ngaw neih te kan thiah a, kan ngaw thiah thin, thiah anih tawh lohna tur atan nasa takin hei hian a tanpuiin ka hria. FDA hi village engemaw zatah din a lo ni a, ruahmanna sorkarin tam tak rural area ah a siam a. Village level ah nasa takin development pawh a kal phahin ka hria a. Tin, Teak te, Mau atang te a revenue forest deptt. in a hmuh leh Balu atangte a revenue an hmuh hi a tam thamin a lawmawm hle in ka hria a, hei Mau ah te Sangha ah te, Balu ah te, Hmunphiah ah te nuai 245 leh sing 8 sang sarih zaruk sawmthum pariat lai revenue kan hmu niin a lang a. Mau hi tunah hian kan sorkarin a ngai pawimawhin mipuite pawhin ngaihhlut nachang kan lo hre tan ta bawk a.

Lindung Mau mahal mai bakah Mau hi permit system a an han pek takah hian revenue forest deptt. in a tunkum 2005-06 chhunga a hmuh zawng zawng nuai 245 chuang nichina kan sawi atang khan nuai 229 leh sing 4 sang 4 chuang hi mau atang ringawt hian revenue an collect a ni, a ropui hlein ka hria, kumtharah chuan a aia nasa pawh, hei Mautam a lo thleng a, mitten an huan mau a tam dawn tih an hria a, mau man pawh alo pung ta bawk a, mitten an mau an hralh chho mek zel a. Hei aia tam revenue pawh an hmuh ka beisei a, hetiangna revenue he deptt. ina a collect ah hian Kolasib Forest Division, DFO khu a collect tam ber kan nih ka ring a, hei hi a lawmawm ka ti

Tin, Teak hralhtuten vawinah chuan permit te nei thein Teak te an lo hralh thei tawh a, tunah chuan mi 66 hnenah ngawt mai permit te pe in Rail Station Bairabi ah khuan a awm ngheknghuk a, Wagon an nei theilo reng thin a, mahse sorkarin kan Minister in a remhriatna in rail ah an thiar thei tan dawn niin a lang a, a lawmawm hle a ni. Hei hi Teak chingfute tana chanchintha, chanchin lawmawm tak a ni, hemi kawngah hian kan Minister hi a fakawm hle in ka hria.

Tin, Demand No. 19 noah khan hei kan hriat angin LAD hi Urban Development & Poverty ah leh thil dangah hma nasa takin an la a, hmalakna sawi tur a tam awm e. Khawpui hrang hranga hmalakna hi sawi dawn ila vawinah hian darker 1 aia tam sawi tur a awmin ka hria. A bik takin shopping complex sak chungchangah te, sports complex siam chungchangah te, strengthening of existing town road at Aizawl & Kolasib tithe a lo lang a. Hei, Aizawl phei chu hma an la tan niten kan hria a, a lawmawm hle in ka hria a, Kolasib ah pawh tun kumtharah hian hmalak tur a ni dawn a, kan town road pawh a that phah dawn a ni, existing road strengthening tur atana hmalak a ni hi a ropui ka ti a, lawmawm pawh ka ti a ni.

Aizawl khawpui chep lutuk a tih thawlina tur atana Truck leh Bus Terminal an han ruahman te hi a finthlak ka ti a, hengte hi tih zawh hian a nghahhlelh awm hle in ka hria. North East State Development Fund Central Ministry hrang hrangah 10% kumtin budget allocation atanga hman tur North East State te hmasawna tur atana ruahman kan sorkar chak tak, kan Chief Minister leh kan LAD Minister te thahnemngaihna leh remhriatna in kan hailut thin a, a lawmawm ka ti a ni. Tin, nichina kan ngaihthlak tawh ang khan Housing Loan kan pek chungchangah 1999 atanga Housing Loan kan pek hi mimalah Normal Housing Loan kan han tih maiiah mi 10,334 pek an ni tawh a, sorkar hnathawkte HBA pek hi 11974 lai alo ni tawh a ni. Hei hian in kan sak theih lohte mi tam takin an sak theih phah in an neih phah ta a, mipuite kan thlamuan phah hle in ka hria. Chutiang chuan ngaihtuahna tam tak Deptt. in a hmangin ka hria. Market chungchangah pawh sawi dawn ila sawi tur a tam hle a ni.

Tin, Mizoram Urban & Regional Development Act & Rules hnuaiiah Building Regulation siam a lo ni ta te; tin, Town Planning-ina an hmalakna master plan an siam zawh tawhah hian tanlak lehzual a ngai a ni. Town & Country Wing ah hian sum leh pai pawh dah tam a ngaiin ka hria, survey an tilna tur atan te, stationary a tan te sum an mamawh hle a ni. Kolasib hi Dist. piangthar kan ni a, Kolasib te, Saiha te pawhin an mamawh ang Town Planning hi kan tih tan a hun tawh a ni. New Aizawl kan sawi leh thin ai hian vawin ni a kan Dist. Hqrs. Te tih changtlunna tur leh tih mawina tur leh mihring lo thang zeal kan awmna tur atan hian Town Planning a ngai a ni. Chuta tan chuan Kolasib ah pawh khuan theihtawpin a theih ang angin hma kan han la thin a, Deptt. in sum leh pai a nei tam lova, hemi atan hian pawisa dah tam pawh a tul hle a ni.

Tin, Education sawi dawrh ila, Pu Speaker sawi tur a tam hle a ni. Demand No. 20 na hi han sawi ve tulin ka hria a. Nichina kan ngaihthlak tawh ang khan lehkhathiam lamah state tin an tehna ah 91% kan lo kai der tawh a, pahniha kan ni a, nikum lamah 80

something percent ah kan awm a, tunah 91% ah kan inhlangkai chho hi ropui ka ti a ni. Chutah chuan zirtirtu kan indaihlohna te pawh engemaw ti ti in S.S.A. leh thildang hrang hrang atangin kan Minister in a ngaihtuah khawm thin a, zirtirtu lam a indaihlohna te pawh a ziaawm hret hret tawh a, zirna a lo tha tan ta a ni. Mini Diet Dist. Tina kan nei ta te hi a lawmawm ka ti a, sawiloh theihloh niin ka hria a. Tin, Kolasib ah khuan Pu Speaker, pakhat chiah pawimawh ka la nei a, Higher Secondary School kan nei a, vawiina Matric (HSLC) result chhuakah hian kan Dist. chhungah High School engemaw zat kan nei a, chutah chuan matric pass zat hi kan chhut chin a, mi 162 velin matric an pass a ni. Chutah chuan Higher Secondary School pakhat chiah kan nei a, chu pawh chu Mission School, Roman Catholic ta a ni. Chu chu min han ngaihtuah pui chin ta ula Pu Speaker, Higher Secondary School pakhat chuahina khang High School zawng zawng dawngsawng tur chuan a theih loh zia kan hre awm e. Class-XI section engzatah nge dah ngai ang tih kha min chhutpui thiamin ka ring a ni. Chuvang chuan Pu Speaker, Higher Secondary School tuna private a kan neih lai mek C.Z. Higher Secondary School kan neih mek a hi tih changtlun ran ngaiin ka hria a ni, chu chu kan sawitel duh a ni.

Tin, Hindi Teacher kan lak turah lawm-
thu han sawitel ka duh a, tam tak kan la thei hi a thlamuan thlak ka ti a. Tin, Pu Speaker S.S.A. in a sports academy an buatsaih thei tur hi ropui ka ti bawka a. Primary level atanga infiamna ruahmanna tha kan neih c huan hma kan sawn hle dawn a ni. Primary thlan bikah coach te leh sports facilities kan nei tur hi zirna leh infiamna lamah kan that phah dawn in ka hria a, chu chu sawi loh theih loh hunchep tak karah Pu Speaker, kan sawilang a, sawi tur a tam hle a, hun min pek hlek avang pawhin lawmthu kan sawi a ni, ka lawm e.

PU RASIK MOHAN CHAKMA : Pu Speaker, ka lawm e. Hei vawiin-ah kan Minister zahawm tak 2 demand sawi-hona-ah an depts. enkawl hnathawh ropui zia te, an ruahman mek an hnathawh tur pui tak tak thawh tur zia te kan tlang hriat a ni a. Kan sawiho naah pawh khan Member zawng zawng deuh thaw-in sawitute khan fakna thu an sawi a. Chuvangin, kei chu chu lamah sawi lovin, kan bial lam harsatna te te kan neih leh Mizoram khaw thlang lam Tlabung leh Buarpui Area-ah khang te kha sawi ka duh deuh a.

Pakhatna-ah chuan demand No. 20-na Govt. Higher Secondary School chungchang hi, Mizoram khawthlang lamah Tlabung Area te, Buarpui Area te telin Higher Secondary School pakhat chiah kan nei ang a ni a. Mahse, zirtirtu hi Post Graduate Teachers ho hi an regular lo lutuk a, an irregular lutuk a, harsatna namem lo kan tawka a, hei kan hriat thawi deuh dan hian College pawh hi sorkarin min laksak tunna awm deuhvin kan hria a. Kha mi Higher Secondary School kha tha deuhva run anih loh chuan kan College pawh hi a buai phah dawn a ni. Engemaw zirtirtu chu chu a awm lo tih a ni tih ka hriat hian W.T. Message emaw, tawngkamin hrilh chakna te ka nei thin a. Mahse, engtingnge ala regular chiah theihloh tih hi.

Chuvangin, a Higher Secondary School Section a hi tun aia phuisui deuh, awmzia nei deuha run dan a awm em ? College-ah khan 11 leh 12 class hi lak kan phal lova, tunhma chuan kan la mai thin a. Mahse, nikum atang khan min tih tawp sak si a, chu chu kan Minister zahawmtak hian kha kha a bikin min ensak turin ka ngen duh a.

Tun kum hnih kalta atang khan, ka bial pawh tlawh lovin Tlabung leh Buarpui, Phuldungsei leh Kawrthah bial te hi a bik takin Chakma awmna khua zawng zawng deuh thaw hi ka tlawh chhuak deuh vek a, khatah khan school lamah harsatna namen lo an tawh a ni tih chiang takin ka hnu a. Zirtirtu, single Teacher School hi an ni deuh vek main ka hria a. Zirna lamah em em hi chuan khawngaihin duhsak deuh dan awm thei sela, school khaw lian deuh deuhah zirtirtu 1 emaw 2 emaw awm kha chuan zirtir that ngaihna hi a awm lo reng reng a ni. Chuvangin, tun Academic Session-ah chuan SSA lam atang ten Fixed Pay Teacher ten saw lam bial te hi duhsak theih deuh dan awm sela, ka ti khawp mai. Chutilo chuan awmzia a awm lo reng reng tun dinhmunah hi chuan.

Tin, khaw lian deuhah Middle School awm se a tha lutuk a... British ho pawh an lo kal hma khan, khaw hlun tak a ni a. Middle School pawh ala awm lova, khang te kha SSA atangin primary School Teacher Posts hi a awm tihna a ni a. Hetiang hi dahsak theih dan awm sela chuan mipuite tan a tha khawp ang a, zirna lamah sawlam pang..... Area chu thui tak min pui theih ka ring flat a ni.

Tin, thildang pakhat leh chu, 2003-ah khan The.....Middle School & Higher School Provincialised dawn khan Autonomous District Council Area ah pakhatmah Provincialised tel ani lova, 6th Scheduled danin a phal angin Primary thlang chauh Power a awm a. Mahse, 6th Scheduled Paragraph 6 (2) nihna angin state sorkarin a duh chuan deptt. dang pawh enclosed thei a ni. Khami para sawina ang khanin Middle School te hi min enclosed sak ve sela. Hemi awmzia chu a neitu diktak chu state sorkar School Education Deptt. ala ni tho tho va District Council hian kan enkawl a ni Enclosed angin. Chuvangin khang Middle School te kha deficit a awm te, Mizoram Sorkar School Education Deptt. ta tho ani tihna a ni. Chuvangin, ram pumah Mass Provincialised Session kan tih kan Area a mi te pawh telh ve hi awm deuh a ni a. Kan tel ve miah lova, khanglai pawh khan kan ziak a.

Tin, kan Minister zahawmtak nen pawh vawi khat chu mekah kan nei hova, hmalakna pawh a nein kan hria a. Mahse, Financial Year hei tuna kal mekah hian provincialised theih mai tura kan rinlai khan a reh ta vang vang a, chu chu min enzui sak leh bawhzui sak thei sela, a lawmawm khawp ang.

Tin, a lawmthu leh achievement ka sawi lovang, ka ti na-a SSA hnuaiyah hian CDC Area ah chuan kan chhawr tangkai khawp mai a. 130 vel niin ka hria a, school kan neih. Middle leh Primary, Chakma Autonomous District Council Area-ah hian 15 chauh hi school sak loh kan nei a ni. Tunah chuan kan sa zo deuh vek tawh a school kha scarting leh concrete in zau tha tawkin khaw te tak te te ah pawh feet 60-a sei leh feet 24-a dung tih zawngin school kan sa a, a lawmawm a.

Tin, demand 26-naah khan Public Relations Deptt. hi Chawngte-ah khuanin Office pakhat an sa a, an sakna a rei deuh a, Officer Posting reng reng a awm lova, District Council Headquarters nihna angin engemaw, sorkar lam atangin thil keini tan pui deuh sela tih chang pawh kan nei a. Tin, thil thalo thilen chang pawh a nei a. Publicity hi kan nei thei lo reng reng Information Officer hi chu awm sela chuan sawlam Area-ah harsatna te kan hmachhawn fo thin, helaiah chanchinbu ah te pawh a lang ang a.

Tin, Administrative leh Populations te nen hian kanin hnaih deuh tur pawh in thui tak min puih ka ring a, kan khaw chhungah hian chanchinbu lamah ti duh an awm lova, ka hrilh nasa a theih ang ang hian Council atang pawh hian kan pui ang che u, ka ti thin a, ti duh hi an la awm thei flat lo mai a, chu chu officer fel deuh mai a awm theih dan awm sela chuan a lawmawm khawp ang.

Tin, demand 36-naah khan Environment & Forest ah khan Tlabung Area-ah ka zirlai in..... tlangdung hi Wildlife Sanctuary ah min siamsak dawn tih in sawi a. Mipui te khan an huphurh em em a. Hei tunah Border Fencing ah an awm dawn a, leilet tur te engemaw chawhmeh han zawn na tur hmun te a awm dawn lova, khani ram zimte-ah khan Wildlife Sanctuary an siam leh dawn phei chuan mipui te tan chuan awm ngaihna a awm dawn lo reng reng a, Wildlife Conserved leh ram ngaw humhalh hi chu a tha em em a, Border pawh problem a ni tih kha ka luria a. Mahse, mirhing te aia pawimawh loh deuhah ngai ila, an tan chuan awm ngaihna a awm lova, chu chu a ni tak tak leh a tak tak loh chu deptt. ah pawh ka zawt lem lova, nise chuan a zia lo khawp mai a, kha kha Wildlife Sanctuary a awm leh phei chuan mirhing tan awm ngaihna a awm lova. Chuvangin, kha kha tih loh dan awm sela ka ti a.

Tin,Forest Reserved hi Tlabung Area-ah bawh hian Relevant Reserved Forests Area kan ti a, luikamah kan Forests ram zawng zawng te kha Cultivable Land/Productive Land zawng zawng kha Forests Reserved ah an siamtir deuh vek a, an tih tawh chin kha chu ti tawh nisela, a bak kha chu mipui tana eizawna tur leh sangha man a eizawna tur lui leh engmah ram hi a awm dawn tawh lo reng reng a, hun a awm lo bawh a, chu chu tawh mai sela, ka lawm e.

S P E A K E R

:

Aw, kan sawi zo khat tawh a ni awm e. Tunah kan Leader of Opposition zahawm-tak Pu Lal Thanhawla ilo sawm ang.

PU LAL THANHAWLA

: Pu Speaker, kan hotute'n a sawi tur pawimawh zawng zawng chu an sawi tawh a, thil thar teh chiam han sawi tur a awm tawh lem lova. Amaherawhchu, them a zawng ngaih pawimawh zawng han thur ve hlek hlek ka duh a. Local Administration Deptt. hi a nia. Hei, Urban Development Ministry leh Urban Employment and Poverty Alleviation Ministry te hianin Nodal Agency ah an rawn hman tak avangin pawisa an ngaih hle a. An hna pawh a huap zau a, a lawmawm khawp mai a. Hemi chungchangah hian a deptt. ang zawng hian kan sorkar hian a ngaihtuah em aw? ka ti a. Local Administration Deptt. in a, hemi Urban Employment & Poverty Alleviation atanga sum lo kal hi an khawih reng tur a ni ang em? tiin a ngaihtuah theih a. Hemi lo dawngsawng a, kan rama lo hmangzai tur hian a deptt. hranpa hi Urban Development Deptt. ang chi zawngin kan sorkar hian a ngaihtuah em? A hun tawh em? tih hi ka rihru-ah a lo awm a. Chu chu lo nita sela a in zawn tha zawk awm mang e aw. Tuna an function dan ai hi chuan tiin a ngaihtuah theih a ni. Tin, chawlhni hi kan fai ber ni awm takah hian Aizawl leh khawpui dangte pawh a niin ka ring a, hei market place te leh a kawngdung ang chi te hi a bawlhhlawh ber ni a ni flat mai, tunlai hian kan hmu theuhin ka ring a. Hei hi Deptt. hian ngaihtuah dan an nei thei em? Chawlhni hi chu tute pawhin fai kan duh ni a ni a. Chuvangin, hemi ni hi khawpuiah hi chuan market place ah te hi chuan kan bawlhhlawh ber niin a lang a, hei hi Deptt. hian a ngaihven a tul hle in ka hria a.

Tin, V/C inthlan system hi a tha lo kan titlang vek a, tute pawhin hei hi chu ngaihtuah ran a ngai tih kau sawi tawh thin a, tunah pawh hian inthlan leh hun tur hi kum 3 a ni a, ngaihthah mai chi niin a lang lova, kan hotute zawng zawng khan an ngai pawimawh vek niin ka hria a. Hei hi a rang lamin sorkar hian a ngaihtuah a dik ang. Chuti lo chuan kan khawtlang nunah pawh kan chhiat phah em? vote lei leh ruk a tam khawp a, veng thenkhatah phei chuan an mualpho a, police in an man hial ngaite a awm a nih kha. Hei hi tun V/C inthlanah khan complaint a lo luh dan niin a lang. Chung zawng zawng avang chuan kan ruling party pawh khan inthlan dawn khan manifesto an nei in ka hria a. Pu Speaker, inthlan dan tha zawk siam te, state election commission neih te vawinah hian State Election Commission nei ta ila kan state election commission chuan heng kan local body election te hi enkawl ta sela fai zawk leh thianghlim zawk leh inkawh inkawhna tur awm lova inthlan theihna tur atan model code of conduct te pawh hi tunah hi chuan a urgent hle tawh niin a lang a ni.

Tin, hei tuna union budget hrang hrang hi han en ila a chhe hle tawh niin a lang a, hei tuna union finance budget hrang hrang hi han en ilangin RSDY hi backward division fund ti a thlak an tum ni awm tak a ni. Kumin atan phei chuan cheng vaibelchhe 5000 a dah dawn a ni a. Hengte pawh hi an tumdan chuan panchayati institution being properly empowered including development functionary and fund a ti a, chuti anih chuan panchayati raj system hi sawi lovin a tak tak a kan ram a kan neih ve dan hi kan ngaihtuah a ngai dawn niin a lang a. Hetiang zawnga an kalpui dawn anih chuan keini hian kan V/C hi duh tawh lohna kan la nei thuai dawn niin alang.

Tin, Chhimbial Chhantu tih te hi an hotute an taina hle mai a, keini ang duangte hian lehkha kan lo hmu thin a, tunah phei chuan Lunglei Dist. a party hrang hrangte leh tlawmngai pawl hrang hrangte kinchang takin kan sorkarah pawh kan Chief Minister pawh hmanah kan hmu che a, min tiam a, chutiang, khatiang tih a ni leh si lova, tiin an rawn chhuahchhal tawh a ni a. Municipality neih chungchangah te, panchayati raj institution hi anih ang ang pawh an phut bik lova, kan ram, kan hnam mila siam a, a rang lama hman ve tawh hi an phut hle niin a lang a, heng kawngah pawh hian nichina kan sawi tak ang khan a then then chu sum tam tak lokal urban development ministry a ni emaw, urban employment & proverty alliviation ministry a ni emaw, khatiang atanga lokal te kha helaiah tha zawka hman anih theihna turin a Department lo dawngsawngtu tur inchawih zawk lo din ve te hi a tul em kan tih ang khan, hei rural development ah hian, leh backward region enkawhna kawngah hian entiran hemi national rural employment quarantee scheme ah te pawh hian an duh uluk hle mai a, a lo dawngsawngtu tur leh a lo khalhtu tur panchayati raj institution ang zawng khan an insist dawn phei chuan keini ah chuan engemaw problem chu kan nei dawn chiang a ni. Chuvangin, helai kawngah hian kan sorkar hian a ngaihtuah chak hi kan ram, kan hnam tan, kan zavaia tan thatna niin a lang thei a, chutiang ang zawng zawng chu ngaihuah rang se, a duhawm hle a ni.

Tin, Jail Administration tha tur hian Jail Manual thar tha hi kan nei tawh em aw, ka hre lova. Hmanlai atang tawh khan Jail Manual te, Police Manual te siamthatna tur atana hmalak chhohte kha a ni a. Vawinah hian kan Jail neih hrang hrangte administration tha zawka siam tur leh flawhchhan tur dan tha siam tur chuan a manual a hi upto date a ngai hle a ni. Chuvangin, hetiang zawng hian hma chak zawka lak nise. Lehkha kan dawng ve thin a, a takin ka hmu lo na in an lehkha rawn sawidan atangte hian a tawt lutuk te, an thawmhaw dawn chhe lutuk te, hetiang zawng zawng hi insiamthat a ngai a. Tunlai khawvelah chuan Jail hi inhremna ni lovin reformatory ang deuh a kalpui arih tawh avangin a reformatory zawnga a kal theihna tur atan kan sorkarin hma a lak a ngai khawp mai.

Tin, District Council kha kan sawi tawh a, kan ngaitula tawh a, a party a zirin ngaihdan a inang lova, vawinah hi chuan Dist. Council a bikin Mara Dist. Council an ngaihsak dan hi chu a dik lo a ni. Dan hi an advantage tur ang zawngin an belin an bello mai mai niin a lang a, chutiang chiah chuan Governor pawh hian a kalhin a kalpui niin a lang a. Chuvangin, a hma atanga a lo kal chhoh dan chu engpawh nise, tuna existing law & rule te hi chu anihna ang a hman hi a zahawm a, chu chuan a democracy a hlutna pawh a tilang chiang a, chuvangin chutiang zawnga an hman chu duhthusam a ni.

Tin, School Education hi kan ngaitla tawh a, kawng tam takin improvement a awm a, improvement hi kawng engkimah a awm tur a ni a. Amaherawhchu, kan mamawh leh a tul angin kan nei em ? tih erawhchu matter of opinion a ni a ng a, mihring kan pung a, thilmante a lo sang a, pawisa hlutna te a lo flahmiam a. Chuvangin, kan sum budget allocation te hi a

sang tur a ni. A lawmawm rual rualin khang khan khawvel thangchho hian a rawn siam chho hle a ni tih chu kan hre vek a ni. Tichuan, S.S.A. hi a pawimawh hle a, hei union finance minister pawh hian a ngai pawimawh khawp a, a language pawh hi a mawi khawp a. Naupang zawng zawngin education an neihna turin hmanrua an nih dan te, a sawifiah hle a ni. Amaherawhchu, kan ramah hian a Minister te tleng phak a ni lo mai thei, khing Serchhip ah te pawh hian an hmandan hi a rualkhai lo khawp a, hei hi kan sorkar ka hrilh duh a. Tun ai hian anih dan tur dik takin hmang se chuan kan that phah dawn a ni.

Tin, vawinah hi chuan corruption a tam khawp mai, a chipchiarin ka sawi hman lo ang a, a list te pawh ka nei nual a, nakinah a kalpui dan tur te kan la ngaihtuah turah ngai ila. Chuvangin, a Minister pawh hian han enpui deuh te pawh a tul hle in ka hria a. Tin, Zirtirtu an lakdante pawh hi hmanmiah khan Lungleia kan va kalin a dik loh dan an lo sawi a, a mawilo khawp mai a, tar tawh hnu han pawthlak leh te a awm a, Lunglei kawng Serchhip District chhunga Bungtlang khua-ah pawh khian Pu R. Rohmingliana an ti mai a, MNF Hqrs. Secretary a ni e, an ti a, ni pali lek an lak ah a chhungte hlin an awm tlar thut mai a, Lallawmi chu chumi hotupa unau naupangber a ni a, Primary School-I ah dah a ni a, Lalnuanpuoi chu a u Lalzawni fanu a ni a, Primary School-II ah dah a ni a.

Tin, K. Lalremruata chu a u pasal a ni a, Primary School-III ah dah a ni a; tin, a unau pakhat Lalhiri pasal Lalramliana pawh Primary School-IV ah dah a ni a. Primary School awmah khan an indah kim fur mai a. Heng angte hi an mahni aia mamawh zawk engemaw zat an awm hmel a. Chhungkhatin hetiang a charvek mai hi S.S.A in a tundan anih hmel loh a ni, a lak danah guideline engmah awmlo tih a ni a. Amaherawhchu, guideline a awm loh deuh deuhah khan sorkar hin a kalpui danah a firkhur ve a ngai a, central atangin guideline lokal lo mahse local guideline hi an siam a tha in ka ring.

Tin, midday meal chungchangah pawh hian a buatsaitute hian an naupangte ei aia tha zawk ei tum flat an awmve thin a, a nazawng chu an nilo maithei. Chuvangin, central atangin kuminah phei chuau finance minister khan nikum atang khan 1675 crore anih lain kuminah chuan 3070 crore in a tipung dawn a ni a. Heti anih chuan tam zawkin naupang tam zawk a huam thei dawn a ni. Tunah hian "India ram pumpuiah naupang crore 11 in an avail e" a ti a, Mizoramte pawh an telin ka ring a. Tun aia tam zawk kha a huam theihna turin a budget allocation pawh a tipung nasa a ni. Chuvangin, kan ramah pawh hian tam zawk a huam theihna turin leh tuna an pek aia tha zawk an pekna tur hi sum a lokal si chuan, chutiang chuan an kal ngei a ni tih hi kan sorkar hian enchiang se a tha hle in ka ring.

Tin, Information & Public Relation hi a tangkai khawp mai a Pu Speaker, Dist. tinah hian tun ai hian strenghten sela Information Officer te pawh hi dah tha sela chuan sorkar hian an tangkaipui zawk dawnin a rinawm a ni. Hman deuhah khan engemaw project en dawnin i dilve teh ang kan ti a, kan dil a. Min rawn pe ve mai a, mahse motor hranpa pek a ngai flat mai a Pu Speaker, chuvangin kan pe hlei thei lova, keini ang duang chuan chutiang chuan hman tangkai ve dawn pawhin kan hmang tangkai hlei thie lova. Heng kawngah te pawh hian minister hian enpui sela a tha in ka ring a ni.

Tin, Forest & Environment hi Pu Speaker, Teak chungchang vel an sawi tawh kha chu ka sawinawn tawh lo mai ang a, thil siam zawng zawngah hian chanchin tha hril tura koh hnam kan ni a. Chuvangin, kan ramah hian kan hotuten an sawi tawh ang khan tun aiin ramsa te, nungcha te, luia sangha te, hengho hmenah hian chanchin tha hi kan hrilh a ngai a, thing leh mau te phei hi chu a ni lehzuai a, kawngtha neih hi kan duh a, a lawmawm khawp a, kawngtha neih hi. Mahse, kawngtha neih hian kan forest hi a suat nasa khawp mai a ni. Chuvangin, kawngtha kan neihna hmun apiangah hian forest hian tan an lak a ngai a ni mai awm mange aw tite pawhin a ngaihtuah theih a, chutiang khawp chu a ni a. Tunah hian mi ramah han kal ila Delhi mai ah te pawh ringlo mite pawh khu chungleng sava te leh ramsa te pawh an nel em em mai a min hre hrang emaw tih mai tur a ni.

Chuvangin, heng kawngah pawh hian kan ram hi Vairengte atangin Tuipang thleng pawhin kal mah ila kawng kara sava thlawk hmuh turte hi a awm tawh mang lo, kan hunlai khan ramvah khawp dante leh nichina kan ngaihtlak tawh angin ramsa kapte, sava ti hlumte heng angte hi an mahni hrem theih anih rual rual hian khaw mite kha incentive nei ila sorkara hetiang ang dan bawhchhiate rawn thlentute hi lawmman te pe zawk ila a effective thei zawk ang tih dante kan ngaihtuah a. Pu Sanglura te leh khatih laia forest official hote pawh kha tihdan dap turin kan in ti hlawm a. Chutiang deuh chuan tukinah khan forest minister zahawm tak khan ramsa thatte leh khatiang ho an hremte kha a rawn tarchhuak a, a lawmawm hle a. A hrem kha a lawmawm ni lovin khatianga action an la kha a tha a ni, kha kha midangte discourage nan publicity te tha deuh se a tha in ka hria a. Hei, tlaivar nikhua a silai pu a kal han hmuh ringawt te pawh hian thin a tina tawh a ni a, helampangah hian kan tlakchhiat tawh em avangin. Chuvangin, he ram hi thlaler ram ro a kan siam hma in chuan lo la kal zel turte tana luah tlak loh ram kan siam hma in Pu Speaker, tunah hian nasa zawka tanlak a pawimawh hle in ka hria a ni.

Awle, sawi tur dang tam tak a awm a, mahse kha zawng kha ka tih theih nise, kan ngaih pawimawh zuai deuh chu hemi LAD hnuaiyah hian Panchayati Raj System hi chu tute pawhin kan sawi hlawm a, party tinin inthlan dawnah phei chuan. Chuvangin, tun hi central lam atanga sum tam zawk lokal chihoh zel dan atang leh a hmandan tur leh duh dante rawn tihdan atang hian power back to the people tih changchawiin Pu Rajiv Gandhi'an a rawn ngaihtuah chhuah hi helaiyah pawh tha zawk leh fel zawka kan lo hmanve theihna turin hei hi kan tih atan a pawimawh hle in ka hria a ni. Ka lawm e.

S P E A K E R

: Awle, vawiina kan demand te sawi hona chu kan lo zo ta a. Minister wind up tura kan sawm hmam thil pakhat han sawi chian tul awmin ka hria a. Zing lamah khan Khawhai bialtu zahawm tak khan a zawhna chungchanga lo langa kha engnge a chhan hriat fiah a duh deuhin ka hria a. A zawhna kha New Zoo, Mizorama thil fel hlel awm enfiah tur a Chief Minister

zahawm takin House a tiam tawh kha eng chen nge hma lak a nih tawh tih a ni a. Tiam tih laia hi politician tam ber kan buaina a ni a. Tiam lova kan inhriat lai kha ngaithlatu thenkhat khan tiam in an lo hre thei bawh a chulai chu a ni a. Chuvangin assure anih chuan Assurance Committee-in an enfiah ang a, han endik teh u kan ti a. Assurance Committee khan kan Session parukna thleng khan an lo tifel tawh a, House chhunge assure ho kha. Chung zingah chuan an tih hmah palh nge kan hre lova. A lo tel si lova. Chuvang chuan kan dan 43-na ah khan question admit theih tur chuan 'It must not contain argument, inferences, ironical or offensive expressions, imputations, epithets or defamatory statements' tih kha a ni a. Chuvang chuan Assurance berin tiam anga an ngaih si loh chuan hei chu tiam loh a nih dawn hi. Chuvang chuan tiamlo chu tiam anga inzawh kha a dik lovang e kan ti ta a, kan reject ta a ni.

Hei, zawhna pawm leh pawm loh chungchangah hian kan liberal viauin ka hria a, a pawm lamah hian. Member thenkhat phei chu kan fimkhur lo ve deuh hlek bawh a. A zawhna tur department te kha department pahnihte oblique-in an han ti a. A pawm lamah hian thenkhatte hi chu kan fimkhur lo ve deuh bawh a. A zawhna tur Department te kha pahniht te oblique in an han ti a, GAD/DP & AR tih angte. Mahse, khang kha a dik zawka awm theih hram chuan a diklo zawk ni kha kan han thaichhiat sak a. A tam thei ang ber pawm kan tum lain fill up kim loh te, hunin a daih tawh loh, ni 15 a ngai a, khami a lo chhan hman tawh lo tur chi ang lo theih lohte a lo awm thin a. A pawm hle a. Department nilo tawp han zawhte kha kan dan hian Minister chu officially a connect loh chu zawh loh tur a ni tihte a lo awm bawh si a. Chuvangin, zawhna pawm engemaw zat kan reject a. Session lehah chuan kan zawh dana kha fimkhur leh uluk taka pawm ngei theih chi kha inzawt thin ila a tha ang e tih kha kan sawi lawk a ni e.

Awle, tunah chuan Dr R. Lalthangliana, Minister kan sawi honate han khaihawma a Demand te House pawmpui turin han dil sela.

DR R. LALTHANGLIANA
MINISTER

Pu Speaker, kan Demand sawihona Memabr tam takina kan nei thei hi lawmawm ka ti a. Dil phawt ngai nge ka ti nghal dawn? (Speaker : Han wind up la, a tawpah pass i dil nghal dawn nia.)

A tam berina an sawi kha thil tha duhna avanga Sorkar ang pawha kan chhonzawm tur atana chhinchhiah tlak tak takte Record ka lo siam a. Tam tak chu tih hlawhtlin theih tur ang chiah pawh ka ngai a. Constructive deuh maia discussion kan han nei hi a lawmawm ka ti a.

A hmasa berin, a tam berina kan sawi lem loh, I & PR Department chungchang hi kan sawi duh a. Kan lawm khawp mai a. Kan Opposition Leader berin a tawpah a rawn sawi lang leh bawh a. M.L.A. tam takin an sawi lova. A pawimawh khawp mai a. A pawimawh dan ang hian

Sorkar ang pawh hian Department changlunna tur hianin hma han lak thiam hi a har viau va. Thil lawmawm tak chu District tinah tun hmam Public Information Office te kan la nei ngai lova, PRO te District zawng zawngah kan nei ve ta a. A lawmawm khawp a. Mahse, chutih lai chuan an hmanrua pawimawh deuh mai Information Officer tena an neih ngei ngei ngai chu vehicle hi a ni a. Chuvangchuan, kan Cabinet ahte pawh kan sawi tawh angin anni bik hi chu Exemption tul bik anih hi mawle kan ti a. Helaiah hian harsatna kan la tawh nasa a. Department hian vehicle tha hi pahmih chiah kan neim ka hria a. District 8 leh Directorate nen. Mahse, kan Chief Minister in kan harsatna min sutkian pui a tum nin ka hria a. Kan lawm hle a. Scooter nen te kan PRO ten Minister ho zin an han um chu a tih chi loh deuh a ni. Mi Motor ahte an bei a, Video Coverage kan pe zui bawh a. Hemi kawngah hian ngaih pawimawh hlawh chho turah ka beisei a. Kan Live Telecast kan Assembly House kan han neite hi a ropui a, keini Information Department hnathawh te pawh a ni tih kan sawi duh a.

Press Release kan tih thin hi tun kum 2/3 chhung hian kan siam tam ta viau mai a. Press Release 1540 kum khat chhungin kan ti chhuak tawh a. Chawhrualin ni khatah P.R. panga te ti chhuak ang kan ni. Chak pawl tak, India State-ah kan nih ka ring. Nitin Chanchinbu leh Weekly ahte leh Electric Media ahte kan tichhuak a. Video News clipping hi kum khat chhungin 710 kan siamchhuak hman a. Chubakah TV a Chanchinthara tihchhuah kan nei bawh a. Video coverage hi tum 805 kan nei a. Assembly Session a Local Channel Network hmanga live a entheih kan tihchhuah hi District pariat huanchhunga lak te Network zawng zawngah a copy siama thawnchhuah vek a ni. Documentary Film hi 'chhiatna aia Malsawmna' tih kan siam ve a. A tum chu mautam lo thleng tur laka ei leh bar kawnga kan in rahn theih na tura mipuite hnena zirtina pekte a ni. District 8 ah inral rin dan tur Awareness campaign kan nei a. Zokhaw lama chengte hi Aizawl la hmulo an tam a. Hmuh an chak hle thin a. Chung lo chu sum kan nei lo hle na a, upa lamte a bikin Department hrang hrang hnathawh liante kan entir a. Airport te, Sairang, Bamboo Plant te, Bairabi lamahte. Kumin hian tun Financial Year khan PAMRA Member te tan Bharat Darshan tour India ram hmam pawimawh tak tak te tanpuin kan kal a. Pu Rintea sawi lan ang khan kumin Republic Day kha Mizoram tan chhinchhiah tlakin ka hria a. Tableau kan ti a. Khami show kha Delhi ah kan nei a. Tahchuan, Mizoram kha 3-na kan ni ve nawlh mai a kan lawm khawp mai a. A lawmna ang rengte kan nei ve a. Pathumna chin han nih hi a har a.

Right to Information Act chungchangah hian Central leh a Nodal Department DP & AR kan tih ang Personal Administrative Department a ni a. Mizoramah hian tunhnaiah keini Information Department hi Nodal Department ah min ti ta a. Theihtawpin tan ka la a. Media Workshop te kan nei a. Dan thar chi hrang hrang tam tak kan kalpu9 tawh a. Chubakah, Mizoram Calendar January thlaa India President visit te pawh kan han tilang a. Kan Member hrang hrang te pawh khami nia House a lokalte kha chuan thla kan han lak puin ka hria a. Kan han tichhuak a, Folder te Brochure te Pictoral te a pawimawh ve flat mai a. Pawnlam atanga lo kal Mizoram chanchin tawngkaa hrilhiah vek theih si loh Pamphlet leh Borchure te Folder te hmanga hrilhiah tur ang chi hi kan siam a. Tunah phei chuan zau deuh hlein India rama Mizoram house kan neihahte pawh hian kan thawnchhuak a. A duh apiang tan lak theih turin.

Kan hriat angin Sorkar Department hrang hrangte ina Sorkar aw kan han tihchhuah turte keimahni kaltlanga a tichhuaktu Department kan nihnaah hian a bikin Department hrang hrang ina Information hi kan hman tangkai thiam dan a zirin kan Department hmalakna hi pawnlamah kan tichhuak thei a ni tih tepawh hi kan sawi duh a. Sorkar thitthar leh Mizoram Chanchin khawvel hriat theih turin Website siamin nitin update hian kan nei ve tawh a ni tih hi kan sawi duh a.

Tin, chubakah hei kan hma lawkah hian Economic Editor on Infrastructure Development tih neih kan tum a. Mizoramah hian kan thleng dawn a. Central lama kan hotute nen inbe rawna ti kan ni a. Mizoram ina vawikhat kan thlenna tur a hmasa ber a ni dawn a. April thlaah hian neih kan beisei mek a. Union Minister pawh hi 4/5 vel Mizoramah an lo kal kan beisei a kal thei tur angin hei First Information Govt. of India Press Information Bureau Govt. of India buatsaih a ni dawn a. Tin, pawnlam atangin Journalist media persons te pawh an lo lut turah kan ngai a. April thlaah hian chutiang chuan Economic Auditor Conference hi neih kan tum a. Hei hi tangkaina tur kan ram tan a awm kan beisei a. A thleng hmasa ber North-East-ah chuan kan niawm mange aw, kan ti a. A senso kha khulam tum tur tho a ni a. An lo kal man leh thil dang sengso lutuk lo turin kan buatsaih theih kan inbeisei a.

Tin, hei Pu Speaker, kan la sawi ngai chiah lova. Information Department hianin keimahni min ngheng hmai leh kan enkawl chu a ni chiah lo na a. Govt. of India ina office pawimawh an neih ang chi hi tun hnaiah hian an harsatna chungchang hi Central Sorkarah te kan thlensak thin a. Entirnan, Doordarshan Kendra Durtlangah kan han nei a. Hei kan Chief Minister hma laknain Khatla Assam Rifles ina ram an tih ruahahte pawh ram kan pe ta a. Chunga an insawn theihna atan ruahmanna an neih angte kan sawi pui thin a. Tin, Post ruak hi Doordarshan ho hian an ngah viau mai a. Dy. Director post te, Asst. Director post tih te, tin, Station Engineer tih te, eng eng emaw post ruak Govt. of India hian Mizoram anga Department an rawn dah hian a fill up hlei thei tlat lo mai a. Helai hi sut pui pawh an ngai nasa hle mai a. Chungah chuan kawng hrang hrangin theih tawp kan chhuah pui a.

Tin, Aizawl All India Radio Station a hi kan neih that ber chu a ni mai a. A la changtung tawk lo hle a. F.M. hi nei turin frequency modulation nei turin tunah hian ruahmanna siam mek a ni a. Test Transmission result pawh a satisfactory hle a ni tih kan hria a. Hei hi hun reiloteah kan neih theih pawh kan beisei a.

Tin, Lungleia kan All India Radio Station te saw puitlingah min dah sak mai rawh u, chhimlam pang zawng zawngah a capture vek mai si a tite khan kan thlen a. Kawng hrang hrangin Press Information Bureau te pawn Khatlaa kan ram pekahte pawh Office a hranpa han neih theih ve turte pawhin hmalak sakna Department angin kan nei ve a ni tih kha kan sawi duh a ni. Sawi tur tam tak chu a awm a, kha kha Information chuangchangah chuan ni ta mai sela a tha awm e. Chhimlam pang zawng zawng

a capture vek mai si a tithe khan kan thlen a. Kawng hrang hrangin Press Information Bureau te pawh Khatla a kan rawm pakhat pawh Office a hranpa a han neih theih ve tur te pawhin hmalak sakna deptt. angin kan nei ve a ni tih kha kan sawi duh a ni. Sawi tur tam tak chu a awm a, kha kha Inforamtion chung changah chuan ni ta mai sela a tha awm e.

Environment & Forest chungchangah hian sawi tur a awm teuh a. Amaherawhchu, a tamlo zawngin sawi kan tum ang a, Education-ah hian sawi tur a tam deuh hlek avang hian. Forest Deptt. hi kan ngai pawimawh hle a ni tih vawin-a kan discussion atang kha a lang chiang hlein ka hria a, a lawmawm ka ti a, kan Minister zahawm tak ten an han sawi chhuah khan Forest hi kan protect that a ngai a.

Tin, chubakah chuan kan ram chhunga kan ramsa te hi kan venhim a va tul em tih kha kan sawi uar hle a. A lawmawm a hriat a nuam ka ti hle mai a. Tukin zingah khanin question-ah khanin hetiang hawi deuh a rawn lut a, thil pakhat buathlak deuh mai chu hemi kan Wild Life Protection chungchangah hian tukinah pawh khan ka sawi zauh tawh a. Kan Mizo nih dan phungah hian hemi kan Mizo hnam hi hnam naupang te pawh kan in ti thei awm e. Tunhma kan Pi leh Pu hunlai atanga engemaw ti zawnga ramsa pel leh khatiang sapel hlawhtling te an chawimawi a, ngaisang leh ropuia ngai ang chi (mentality) ti mai ila, rilru suk thlekna hi vawin thleng hian kan lo pu ve tlat mai a, chu chu awareness hei hi a tih chi tawh lo a ni tih pawh hian engemaw zawng hi chuan ram hnuaiah kan han vak hlek a, khatiang ngaihtuahna khan thui tak mai kan Pi leh Pu hunlaia kan rilrua thil awma kha tunlaia thangtharah pawh ala dah emaw ni chu aw vawi leh khata heti hawizawng a awareness kan han tih em em lai pawh tihreh mai a har em em mai, kha ngaihdan han transform-na kha har deuh mai a ni a. Chu chu a chhan a ni awm amang e, ka ti a. Keini te pawh kan ni tho va. Hemi ramsa leh sava veh chungchang bakah pawh hian kan kut te pawh hi a hlei hrim hrimin ka hria a. Kei ni a hmang ber pawh ka niin ka ring a.

Kan tlangval lai 1955 bawr vel lai te kha chuanin ramhnuaia kan han kal hi thing fik nuam deuh tur ang te hi chu chem hriam deuh kan han ken chuan kan fik mai a, a pawina tur kan ngaihtuah lo, chu chu kan sawi ang a, chu chuan thui tak mai Forest Protection hna kan thawhnaah pawh hian kawngro hi a su tlat mai a. Engemaw zawng khan kha rilru putzia tih reh kha a har em em mai a. Chuvang chuan, deptt. pawh hian tan a la a. Nichin-a kan MLA zahawm tak Pu Zuala'n a rawn sawia pawh kha sikul angah te pawhin tan teh ang kan ti a. Kumin a kan sikul zirlai tur syllabus tur buatsaihna a Committee sangber High Level Committee naah te pawh kan sawi a, Environment Educationah hian subject pakhatah hian kan telh ngei ngei a ngai a ni. Naupang an nih lai atanga an rilru-a kan tuh ngheh loh hi chuan a fello ang kan ti a, a tang nasa ber kan kan ni a. Hman deuh lawka Final Meeting-a ka zu tel pawhin ka sawi nawn leh a. Amaherawhchu, vanneihthlak takin National Level India ram huapa kan National Carricure Frame Work-ah khanin Environment Education kha kan telh thei dawn ta a. Ka lawm khawp mai a.

Tin, hei bakah hian Pu Speaker, pawisa hi kan neilo hle naa, hetah kan School Education Deptt. lama sikul thenkhatte

nen pawh hian Environment Exhibition kan ti a, ram kangin a thil a khawih pawizia te, Sangha tur a hrai a pawizia te, thing tih chereu a pawizia te, ramsa humhalh a pawimawhzia te kha kan nei a, nikum te kha chuanin sawmi kan Govt. Higher Secondary School Hall-ah sawn kan nei a. Member zahawm tak tak ten han en ve ula ka duh khawp mai a. Pawl 5, 6, 7 zirlai naupangte te kharin min han explain nghal a, ram kangin a ram a khawih pawizia kha min han hrilh a, a tha hi ka ti khawp mai a. Chuvangin, kumthar kumin lo awm leh turah hi chuanin listing hman chiah lo na-a a rang thei ang berin district tinah hianin hun khatah tal Environment Protection a tulzia, ramsa humhalh a tul zia, khatiang a engemaw te demonstrate a zirlai naupang te leh Forest Deptt. te tangrualin-a tihdan kawng ngaituah ila kan lo ti mek reng mai a. Vawin-a kan han sawihona atang pawhin kan Member zahawm tak tak ten tha min tihpuin ka ring a, khang district kan bialah pawh khan min lo enpu ve ta ang ula. Khati zawnga kan tih loh chuan naupang te te tena an thanhnan tura ruahmanna kan siamloh hi chuan til hi a fel tak tak dawn loin ka hria a. Chu chu kalpui ngei pawh kuminah hian tum leh ngei pawh thain ka hria a ni.

Tin, meikang (fire), lo hal te leh thil dangin a ram kan tih kan nasat em em hi a pawl khawp mai a. Kan ram hi hei lo hi chu kan nei miah lo a, Mizoram hi Pathian-ina min pek chhun a ni a. A chhiat, a that ah hian tute pawn mawh kan phur ani tih kan hriat nawn leh a tul hle mai a. Tlamlai deuh khan session kan neih hma hian State Level Fire Protection Committee pawimawh tak mai kan Chief Minister hovin ama Chairmanna hnuaiah kan thu nghe nghe a, Deptt. hrang hrang atanga aiawh te pawh lo telin tah pawh hian hmalakna kawng hrang hrang kan neih a tul tur thuah thil tam tak kan sai a. Hengah hian hei Mizoram hi kan vannei thi a, Mizoram anga NGO te thawhho pui tur neih thatna hi India ramah hian an tam awmlo mange aw ka ti a.

Pu Speaker, Mizoramah MUP te, YMA te, MHIP te leh NGO pawl hrang hrang te nen a kan beih flan ngai ang chi a ni, chu chu hmalak kan tum chho mek a. Hei kuminah hian hun reilo te ah Green Mizoram Committee kan han tih ang chi pawh kha kan Chief Minister Chairman-na hnuaiah kan neih thuai ka beisei a. Hun reilo te ah kumina kan thingphun hun chho turah pawh hian he House a kan member zahawm tak tak te tawiawmna kan mamawh leh hle dawn a. Kan NGO zawng zawng te pawh kan sawm leh dawn a, kan sorkar hnathawk zawng zawng te pawh kan sawm leh dawn a, a phun lampang hi chu kawng dang nisela, tuna kan problem tamtak a hi chu kan phun tam tawh viau mai a. Aizawl leh Lunglei inkar ani emaw, Champhai leh Aizawl inkar emaw, Silchar tlangdung ani emaw, Mamit tlangdung emaw kan phun number hi chu a tam viau mai a. Pu Speaker, nang pawhin i sawi zawk kha, kan problem hian tak chu a hnuah a han enkawizui lai tak dan a hi rin aiin a har khawp mai a. A deptt. kuta han tih hian rin aiin zawh a har a.

Tin, hmanni-a kan meeting-naah chuan kan sawi a kan Chief Minister hovin a thihna chhan tam tak hi chu kan bawngkai te pawh hi a ni an ti a. Chuvang chuan Vety Deptt. hianin bawng hi kaih phal tawh loh nise a ti a, Chief Minister khan engnge thu a la awm mai thei a. A kailo zawnga a phurh thlen dan hi a awm mai lo emaw ni le Bawng

kaih duah duah hi accident te pawh a hlauhawm e kan ti a kan sawisel deuh ani hmanni khan engvang pawh nise khang avang te pawh khan a nung a hi a survival percent hi Pu Speaker, a chhe ve phah ani. Chuvang chuan, kan Green Mizoram kan hman tur programme-ah pawh hian uluk deuh hlekin a tih dan tur a action plan a kha kan la ruahman turah ka ngai a, chu chu kan sawi duh a,

Tin, thil lawmawm tak ti mai ila ka nei turah ka beisei a. Amaherawhchu, final chiah chu a la ni lova, kan Dampa-ah khuan Bio-diversity Project lian deuh mai World Bank Funding turin kan beisei chho mek a. Tlemlai deuh khanin World Bank lam atangin mithiam ti mai ang an mahni aiawh te ni 3 ni ta in ka hria an rawn kal a. Kei pawh min rawn hmu a, kan Chief Minister pawh an sawipui bawh a, tiang chuanin khulai khu Dampa Tiger Project kan tih khumi area khu square km 500 bial vel a ni a. A zua viau mai a, khu khu kawng hranga chei a develop tur atana hei hi project kan beisei mek a ni tih kan sawi duh a, kan inchuh ve deuh nak nak a, North East State pheh chuan. Mahse, Mizoram kan chang mai thei a, engpawh nise thil final a la awm lova, beiseina kan nei mek ani tih kha kan sawi duh a ni.

Tin, mau chungchang hi vawiinni ah hian kan sawi manglo khawp mai a. Thing lampang kha kan sawi deuh a. Hei kan Chief Minister hianin Delhi-a a kal chhan pakhat te zing ami pawimawh tak mai pawh niin ka hria a. Chanchinthar atang te pawn kan hria in ka ring a. Bangladesh Prime Minister Delhi-a lo kal nen darker chanve dawn lai sawihona an nei niin ka hria a. Hei Bangladesh ah hian mau hmanga an thil siamna khawh ah hian mau an tlachham viau mai a tih kan lo hria a. Chumi avang chuan, Mizoram mau hi atam thei ang ber tam rupui a thlen hma hianin thawn thlak nise tiin kan Chief Minister in hmalak a tum a. Bangladesh Prime Minister pawhin Idia rama a lokal chung zawk a han sawifel theih chi ani lova, lo kal ngei la sawiho ila tih te pawh in kan Chief Minister, kan House Leader hi a sawm niin kan hria a. Thil tha a hmanhmawh thlak deuh hlek a. Helaiyah hianin tih sorkar ang pawhin kan tum dawn niin ka hria a ni.

Tin, hmanni khan zawhna ah kha chuan a awm tawh na a kan sawn leh duh a chu kan member zahawm tak Pu Duha khan a ngai pawimawh hle a. Kan HPM (Hindustan Paper Mill) khumi Cachar District ami te ina kan Mizo bamboo supplier te harsatna an siam ani tih kha kan hria a, chumi avang chuanin hmanni khanin session, kan neihni question kan neihni kha niin ka hria kan zuk phone nghal a, lo chho tur te pawhin kan ti a. Amaherawhchu, Financial Closing ani si a, khawngaih takin min lo hrethiam ula Financial Year Closing zawh velah hian lo chhoh kan tum ang an ti a, lo chhoh loh zawng pawh a, zuk kal a thil awmdan zuk hriat chian te pawh a tha mai thei a. Engpawh nise tuna Mizoram mau hmanga an thil tihna-a a period a la zawh loh avang khan a zawh hma a thil han tih kha a harsa deuh ani mai thei. Engpawh nise kan Mizo mau hmanga khulaia nasa taka an beihna tur by road ngei a an kal theihna tur kawng dappui kan tum a. Hei kan Chief Minister Chairman-na hnuaiyah pawh hian meeting kha nikum chawhmu lam deuh hlek khan an nei nghe nghe tawh a. Engemaw chen helaiyah hian hmalak tur kan nei ani tih kha kan sawi duh bawh a ni.

Tin, kan sawi leh duh a chu Pu Speaker, Forest-ah hian hmaklakna tamtak a awm a. Kan member thenkhat khanin kan bial chhungah te hma in rawn la a. Amaherawhchu, tlema heng kan Sanctuary Area leh a Field Village an ti a, a bul hnai amite hi an Eco Deptt. Project in siam a hi uluk leh engemaw mumal deuh hleka an khawsak theihna tur law law siam dan kawngte a a wim lo ami tih kha an rawn sawi a, kha pawh kha kan lo en chho ang a. Engpawhrise Govt. of India atanga heng hi funding hmu kan ni a. A tih theih dan kawng kawngin khatiang an mahni hmaivaia chengte anmahni kan hman tangkai duh bawk si te an loh nihnaah khanin theitawpin tan kan la chho zel turah chuan lo ngai ta ang ila a tha awm e.

Kan harsatna thenkhat hi sawi loh theih ani lo a Forest chungchangah hian, tun hnai deuh lawkah Pu Speaker, kan hmu ve ta ani mai a, Central sorkar atang phei chuan provision hi budget ah kan nei hleitheh lova, kan Forest hi Aizawl khawpui lampang aia hetah hmun fianrial zawka in khwar kan nihna kawngah kawng hrang hrangin kan quarter te leh kan office te leh thildang kan mamawh te tihna tur atan hun rei tak pawisak kan neilo thin kha a ni a. Amaherawhchu, hei kum $\frac{3}{4}$ kalta vel a tangin khami kan improve theihna tur atan khan Integrated Forest Protection Scheme lo awm ta hi kan chihawr viau a, a lawmawm kan ti a. Central Sorkar pawh hian min duhsak viau a. Amaherawhchu, harsatna kan tawh thin a matching share lo ngai 75 - 25, 75 Central Sorkar, 25 Mizoam sorkar tih tur ang chi te a lo nihna laiah harsatna kan tawh thin a. Amaherawhchu, vawuin niah chuan vanneih thlak takin North East State biakah chuan 10% chauh matching share tum tawh tur ani an rawn ti a chu chuanin kan harsatna thin a kha min sukian kan beisei mek ani tih kha kan sawi duh a ni.

Tin, tunhnai lawkah khan Central-ah Delhi-ah Forest Minister Conference kan nei a chungah te pawh chuan India ram state dang te pawh hi an lo ni ve vek mai a. Frontman Staff indaih lohna hi a na khawp a. Forest in min venghim zo lo angnge tih hi a dikna lai a awm a ni. Venhim rual mangloh hi ani kan mihring tam dan ngaihtuah chuan Mizorama kan mawhphurhna hi zawh a har ani. Chumi kawngah chuan Frontman Staff te pawh hi education-ah te leh Health Sector-ah te, a theih hram chuan post fill-up ah te relaxation awmlo se tih a ng deuh hian Forest-ah pawh a va tul em tih te pawh sawi chhuah a ni tih kha kan sawi duh a.

Tin, chuloah chuan hei kawng hrang hranga hma kan lakna tur ang chi hi vawuin niah hian sawi dawn chuan sawi tur a tam hle mai a. Kan sawi seng vek lo ang a. Nakinah ziate pawhin kan achievement ang hi kan la in pe thei turah kan ngai zawk mah a. A dang leh a kan sawi duh chu kan member zahawm tak Pu Duha khanin timber exhibition chungchang ti mai ang, a bik takin private teak planter ten harsatna an tawh chungchang kha a vei hle mai a. Khami chungchangah khan a rawn sawi a, Supreme Court Order kan define dan chungchang hi a in ang thei mang lova, kan buai khawp mai a, kei phei chuan a tih theih dan kawng a awm chuanin kan private teak planter te harsatna hi kan sukian tur a ni tih ngaihdan nghet tak ka nei a. Chumi avang chuan hman deuh khan ka office-ah meeting kan nei ngen nge a. Teak Planter Association te nen chutah chuan kan MLA dinglai te pawh an rawn tel a.

Tin, khatah khan thu kan dah deuh a, kan hrilh duh chu man member zahawm tak, Chief Minister remchan hmasak berah hei hi tuh te lo, issue lian tham deuh tak anih avang hian meeting a remchan ve leh nei ila kan ti a. Tahchuanin, hei kan Chief Minister lo zinbo nen session zawh hian hun remchang hmasa berah meeting kan nei thei turah ngai ila. House a definition han sawi a, eng emaw ti a han sawi a, a technical neuh neuh han sawi chi hi a ni vak lova. A thdan kawng a awm anih chuan theihtawp a he kan private teak planter te harsatna hi sutkian hi kan tumin ka hria a. Chumi kawngah chuan kan Chief Minister remchan hmasa berah ngaihtuahna nei ila kan ti a. Tahchuanin, kan member zahawm tak Pu Duhawma pawh kan sawm duh a.

Kan MLA zawng zawng chu han sawm chi pawh a ni lovang a, a buaithlak ang a. Amaherawhchu, a niin khatianga an sawichhuah takah leh a ngaih pawimawh tak mai, a vei zawng a ni bawk a. Tahkhanin, sawi ta ila, a that ka ring a. Hetia House a sorkar state han sawi vak hleih theih loh thil hi a awm ve a ni. Pu Speaker, nang pawn i lak tawh kha, i hriat kha. Chuvang chuan, kan mipuite harsatna sutkianna kawngah hianin opposition kan nih leh nih loh lam ngaihtuah lovin rulung kan nih leh nih loh ngaihtuah lovin kan zavai a remchang kar leh lamah kan session zawh lamah kan Chief Minister pawh naktukah a lo thlen chuan kan han bia ang a, neih vat kha a thain ka ring a. Engpawh nise, kha kha in nghak tlang ta ila, a bik takin Pu Duha pawh khani atan khan kan sawm nghal duh deuh hlek a. Tiang chuan ka chhang ni mai sela, khalai thil bik kha, kan duh deuh a ni.

Tin. Education lam hi a tam khawp mai a. Pu Speaker, education hi subject zau deuh mai a ni a. Amaherawhchu, hun hman reiloh ka tum ang a, kan LAD Minister hianin reilote ka hmang dawn e a tiin ka hria a. Ka hmang rei chuang lovang a kan sawi duh chu hei quality tak tak nena education hi kan kalpui tawh loh chuan kan ram hi kan chhan chhuak loving tih kan hlau khawo mai a. Literacy-ah pawh kan sang ber ang tih kan beisei a, a tha tho a. Amaherawhchu, literacy a sang ber si kha kawng leh lamah ram mipui tana chhenfakawm, kan fa te, kan thalai te kan chherchhuah siloh chuan education hi a fail dawn a ni. Chumi avang chuan kei pheih chu a theih ang angin ram pawnah ka zin hram hram ve a ni.

Vawiin niah hian kan thalai te hi ka tawng huatthu-ah la lo sela, kan hunlai chuan tui kan chawi a, thing kan pu a, kan ek a, kan tuah a, tunah chuan engkim kai nu leh pa chawmin thalai tam ber chuan lehkha kan zir tawh a, engatinge in zir that si loh? zing dar 2:00 thlengin meng a, a tukah Pathianin boruak tha a siam hip hman miah lovin, chhun dar 12 ah te, dar 11 ah te chhungte ruala chaw ei hman miahlo a in tho hi a diklo a ni ka ti a. Chumi message chu ka keng ve deuh a. Pu Speaker, tunlai chu ka vei khawp mai a. Hmanni Bangalore ka zuk kal pawh an lo mu rei em em mai a. A bikin ram pawn ami, Aizawl khawpui chhung ami pawh hi an niin ka hria a, hetiang hi anih chuan tun century hi century of challege a ni. Mu rei chaw heh tan hmun a awm tawh lo tih hi ka sawi tam thin a. Chuvang chuan, a zirtirtu te kan han thin chhohlai tur leh kan infuina tur a awm lai hian vawiinni-ah hian nu leh pa te, a zirlai te ngei pawh hi rilru thar an put leh theihna turin engtingge hma kan lak ang tih hi Pu Speaker, kan ngaihtuah a hun hle tawhin ka hria a.

Chuvang chuan, a deptt. zawn anih baka kan Kohhran pawl ang te pawha kan tan a va ngai em. Kan thalai te heti tak mai a inthlahdah hi kan ti the ang, thiam filawr tak tak chu an awm, a thiam tan pheii chuan India ramah hian hna hmuh a har lo. Nikuma Pune-a ka zu kal chuan zirlai hruiatu ten thil pakhat an lo sawi chu, Pune-ah hian Mizo naupang BCA Bachelor of Computer application zirlai a awm a. A thiam khawp mai a. Paper thenkhatah chuan 100 ah 100 a hmu a. A kum hmihna a tih mek lai hian kum 3 na a la bak lai hian Japan Company pakhat chuan Japan ramah nakuma i zawh hunah i rawn thawk nghal tur a ni Rs. 1,50,000 bawr vel i hlawh ang tiin an rawn sawm a ni tih kha min hrilh a. A ni tak tak a ni. Thiamna tak tak nei tan chuanin hmun a awm flat a ni. Ram chhungah lo pawh ram pawnah pawh hian Mizoram ah hian hei hi nasa taka kan in zirtir pawh a tul dawn a. Central Service-ah IAS kan han tih ang chi te pawh kan chhang a khat lutuk deuh tawh a. Tlemlai deuh pheii kha chuan kum 10 danah literacy a san ber tum state si kha IAS ah pakhat te kan tling ve a, a zialo khawp mai a, hmuntin mai ah hian khatiang prime post luahkhat tu tur hi kan va ngai em. Referral Hospital neih ve kan han tum ta a.

Kan Referral Hospital ah chuan Pu Speaker, Specialist Doctor mai kha a tawh lo mai thei a. Super Specialist Doctor dah lo ngai ta ang se Mizo zingah hian ka hriatsual loh chuan 2 chiah kan nei a. A sawm (10) te lo indah dawn ta ila. Chuvang chuan, kan line, kan kalna tur daihzai zawnga engtinngge ni hma kan lak ang tih pawh hi ngaihtuah tham a awm in ka hria a. Chuvang chuan, ka ngaihtuahnaah chuan hei kumin kum tir khan ka officer ho zawng zawng te hi chu kan ko khawm a. Chubakah education a thahnem min ngaihpuitu te pawh kan in kokhawm a. Kan ngaihtuah nasa khawp mai a. Kumin bikah hi chuan kan main focus, kan tum ber chu quality education, quality tak tak kan improve na tur a ni tiin kan sawiho a. Nichina kan member thenkhat ten an han sawi pawh kha a dik tho. Engvangin nge ni Mizo school kan tih Govt. School ah enrolment a tem. English Medium ah a tam tih pawh hi kan analyse nasa khawp mai.

Thil pakhat kan hmuh chhuah belh chu Pu Speaker, kan sawi ang a. Hmamiah Education Minister Conference, Delhi-ah pawh ka sawi chhuak a, Pu Arjun Singh-a te hmaah kan Govt. Primary School-ah hian kum 6 an tlin loh chuan admit theih an ni si lova, kum 6 hmulamah pawh admission kan ti thei chauh a ni. Hetah English Medium School-ah chuanin kum 4 an ni emaw, kum 3 ½ a a pa an tih theih khan an admit zel si a. Chuvang chuan, enrolment hi a tam lo thei lo ve bawh a. Chuvang chuan, kumin chu tlemin dan kan han bawhche ve deuh hlek a. Pre-school, chawhma school i siam ve mai ang u kan ti a. Central sorkar pawh tlemin kan tih dan tur kha ka hriattir ve tawp mai a. Kan tih ve hi a tul tlat ka ti a. Pre-school district tinah kan han siam ta a, chu chuan kan enrolment pawh hi tlem chuan a improve ka beisei a ni. Amaherawhchu, kha kha quality atana thil pawimawh ber chu a ni lo a ni tih erawh chu kan hriat a thain ka hria a.

Tin, quality atana kan improved na tur a tan thil pawimawh tak tak vawiin niah hian hian sawi tur kan nei a, kan result chungchang kha han sawi leh duh ka nei a. Member tin mai khanin an rawn sawi

deuh mai a, kumina matric result kan tih thin a kha tukin zinga ka sawi zawk ang khan 2003-ah khan CBSC course, new course exam kan nei a, tah khan kan pass percentage kha 30.95% chauh a ni a. Kuminah hian new course the CBSC ah January thla khan exam kan conduct a 40.49% kan passed a. Amaherawhchu, hei hi tha ka ti lova changtu ka nihna ang pawhin 100 ah 50 tal hi chu kan passed tur a ni. Kumin erawhchu session lo tawi nen academic session lo tawi nen, new course lo ni nen pass percentage hi Pu Speaker, a sang thei lo hrim hrim mai a, chu chu kan harsatna tawhna a ni tih kha min lo hriatsak ka duh a. Hemi chungchangah duhthawh taka kan member zahawm tak tak ten rawtna in siam pawh kha ka rilru-ah chuan tih a tha awm amange aw tihna ka nei lai vel a ni a.

PU LALDUHOMA

:

Pu Speaker, Darlawn Centre kha, khami a finding-a kha confidential deuh a lo nih pawhin document zawng zawng nilo khan a biahta nihna laiah a tul chin vel

min rawn hrih ve thei angem le ?

**Dr R. LALTHANGLANA
MINISTER**

:

Pu Speaker, thei ang kan pe dawn che u a nia, kha pawh kha kan lo ti ang a, chubakah chuan kha kha enquiry report a kha a lo lut tawh a, khami lo lut a

kha kan ngawihpui dawn lova action kan lak tur ang chi pawh kan lak zung zung a ngai dawn ani tih kha kan sawi duh a, kan enquiry commission khan a uluk khawp mai a, rinai khan hun kha a duh rei deuh a, a rawn thehlut tawh a. Kan MLA Pu Duhawma pawh kha a pawimawh laia te chu in hriattir theih turah lo ngai ta sela, a tha awm e.

Tin, school nil fo mai hi chu a pawh khawp mai. Chuvang chuan tha kan ti tlanga min nawr nasa bawk a, hetiangna nil school thak thak kha chu an head nge kan tih dawn an zirtirtu zawng zawng, an ACR kha kan sawi deuh a. Amaherawhchu, kawng hrang hrang in engemaw deuh hi a tam a, an grant tih tawp pawh kha a tih theih a, increment te pawh hi break theih dan kawng a awm a, ACR thleng pawhin a khawih theiha engpawh nise, hemi kan sawina eng atang hianin kan improve theihna tur atan hian House meuha kan member tam berin result tichhe lutuk, inthlahdah lutuk school ang chi hi chu an recognition chungchangah emaw, an affiliation chungchangah emaw kan tih piah lamah khan engemaw deuh hlekin a na deuh zawk chi pawh khan tih kan lo tum ve dawn nia. Kan assure deuh deuh hlek a ni kan House hi. Kan tan tlan pawh a thain ka ring a; tin, kan bial a ni si a henge hi min hlihsak teh in tih kha chuan ka buai leh dawn a, kan tan tlan deuh erawhchu a ngaiin ka ring. Kan bial tihlamah khan buailo ila, kan ti anih chuan inang khat tlangin education quality tak tak kha kan goal achieve na tur ani tih kha kan tan tlan kha a tha.

Tin, thingtlang lam bialtu kan MLA te a tam ber khan in sawi fo chu kan bial lamah zirtirtu an tlem tih kha a ni a, hei pawh hi kan insum deuh chiu a ngai a ni. Dik tak chuan sawn tur hi min tibuai ve lutuk a, inti buai lo deuh ila, ka sawn lo mai ang kei pheh chuan tunah chuan hei thingtlangah zirtirtu kan han la dawn a, education volunteer kan ti a, teacher pawh ani chiah lova, Rs. 2,800/- hlawh in mi 220 kan la dawn a, hemi kan lakna turah pawh khan kan MLA zahawm tak Pu Zira khan i rawn duhsak viau mai a, Pre-Service chhuak ho kha 50% tal kha i han ti tak na a, a buaithlakna chu decision kan lo siam tawh a awm a, a khaw mi chauh lakna tur post a ni flat mai a ni. Amaherawhchu, a khaw mite-ah khan Pre-Service training an awm anih chuan priority erawhchu kan pe ngei ngei ang tih ka assure duh a.

(Pu R.Lalzirliana : Pu Speaker, a lawmawm e. Sesih khua, nichina ka sawi kha engtingge ni khatiang ang interview-a va lang ve lo kha chu hnawl in a pangngaiin a kal thei mai lawm ni ?) Report ka hmu a, khami chungchang kha. Sesih chungchangah khan, engemaw interview ah khan VEC ten object engemaw deuh hlek kha an nei a ni maithei a, hemi kan lak danah hian VEC hi thuneihna kan pe ve ang reng si a, tih that leh duhna deuh boruak kha an nei a ni maithei a. (Pu R. Lalzirlia : kha kha chu interview a va turn up chhun kha break a ni si a, tih ringawi kha a ni) chulai chu a ni lo maithei a, engpawh nise VEC te hi an kutah thil kan dah viau ta mai a, committee kan din a; tin, VEC ah hian V/C chauh nilo member dangte pawh kha an lo tel ve si a, kan ngaih pawimawh si khan kan han stay anih ka ring a, chu chu thil awmdan a ni. A hla deuh hlek na a, kan chhang ang e.

Tichuan, Pu Speaker, hemi zirtirtu insem ruallo chungchang hi chu ka ngen duh kha a awm ve a, inzial sak leh insawi pui kha ti na lo deuh teh ang u, chumi anih chuan a fel mai ang. Thingtlang ho hian khawpuia mite hi pawhchhuah tur hian an sawi ve ngai lova. Thingtlang bialtu kan MLA te hian khawpui a mite hi thingtlangah ka bialah min dahchhuah sak ve hram teh u ti hian in sawi ve ngam ngai si lova, thingtlang bialtu lam erawh kha chuanin sawnluh kha (Pu R.Lalzirliana : Pu Speaker, a chhuak tur zawnga kan rawn ziah vete kha enge a an ang le ? Chuti anih chuan kan biala mi khawpuia in dah flat, chhuak tura ka rawn ziahve te kha a puitling ngei ang chu maw ?) kan chhui chho mek zel e khang pawh kha. Chuvang chuan Forest Deptt. leh Education Deptt. a in an lohna chu ka ti thin a, Forest Deptt. chu a tlangpuiin thingtlanga awm an hreh lova, zirtirtu erawh chu thingtlanga awm an hreh em em zel a, helai hi a buaithlakna a ni a. chuvang chuan tunhuma atanga thingtlanga awm kan hreh leh harsatna kan siam tam lutuk hi a then hi chu loh theih loh a sawn ngai an awm ve tho mai a, entirnan natna khirh khan tak tak consider loh t heih loh kha an awm ve a.

Tin, nupa chungchanga harsatna engemaw tak nei, kha khua a thawh a thalo tak kha a awm ve thei bawk a. Chungah chuan thil siam rem ngai hi a awm ve fo bawk a. Engpawh nise, principle deuh hleka ka han sawi duh chu nichina ka sawi ang khan tuna kan lak thar tur volunteer ah pawh khan a khaw mi ngei kha kan han ti a ni a, thil zawng zawngah chuan a khaw mi ngei tih chu kan ti thei vek lo ang a, amaherawhchu, tun tumah chuan single teacher an awm loh tawh ka beisei a, kan dahkim hunah chuan chawlhkar hnih khat chhung chuan hei hi Pu Speaker kan chingfel thei chuan ka ring.

Tichuan, hei kan midday meal chungchang hi han sawi lawk ngai ka nei a, tah hian harsatna hun rei tak chhung kan tawh hman a, a chhan chu Supreme Court in cooked food (rice) pek ngei ngei tur a tih hi a tak tak a han tih dawn hian kitchen shed te kan lo nei lova, chubakah a chhumna tur Gas te, thuk te, bungrua leh bel, khang thil zawng zawng ngai nen khan kan ngaihtuah buai khawp mai a, mahsela kuminah hian kan sawi duh chu ni 15, February atang khan niin ka hria a, Mizoramah hian midday meal kan implement ta a, zirlai 96000 zet mai nitim Pu Thlenga, kan MLA in ruai in theh a tih kha a dik a, a hautak khawp mai a, kan cook te pawh hi an them khawp mai a, 1300 vel bawr chauh tunah hian kan la la nghe nghe a, sikul thenkhata naupang za vel an awmlai kha chuan cook pakhat tan chuan a hautak khawp mai a, tlai dar 4:00 vela pek chi kha a ni si lova, midday anih ang takin dar 12:00 vela pek kha an ngai si a.

Chuvang chuan cook pawh hi kan dahbellh a ngai dawnin ka hria a, chutiang chuan hma kan han la chhova, hengah te hian a hautak dan chu kan hriat ve pawh hi a thain ka hria a. Rs. 1.70 naupang pakhat tan hisap-a an ei tur, a hmeh hi ruahmanna siam a ni a, Rs. 1.70 in tui tak chu a ei theih bik loh a ni. Tin, buhfai hi Food & Civil Supplies Deptt. lam hian a free in Govt. of India order awm angin min pe a, buhfai quality tha lo chungchang pawh kha a lo awm tak tak anih chuan kan purview a ni lova, mahse kudam lama kan hotute hi ka phone zeuh zeuh a, kan buhfai pek hi kan chhuang ve a ni an ti a, Buarpui bialtu khan a thalo a ti deuh a, engpawhnise, a tha lo a awm anih chuan kan lo en ang a, Education lampang va tih chiah ani lova, an ni in a free a min rawn pek ani tih ka sawi duh a.

Tin, kitchen shed hi 225 kan sa zo tawh a, 419 sak a ngai a ni. Tin, 230 chuang tan sanction kan hmu tawh a kumin hian SSA Project atangin sak zawh hman kan tum a. Tin, midday meal hi naupangte hriselna bakah school kal phur nan leh nu leh pa tam tak pawh kan chhawkna a ni tih kan sawi duh a.

Tin, State Level ah hian kan Chief Secretary hi kan chairman a ni a, tin, District tinah Dy. Commissioner te Chairman niin District Education Committee kan buatsaih a, chungho chuan an enkawl a. Tin, thingtlangah erawh chuan _____ te kha mawhphurhna sang tak, thuneihna sang tak nen vawin niah hian kan hmang tangkai ani tih kan sawi duh a, heng kan tih hnuah hi chuan nakum lamah hi chuan kan enrolment pawh a pun deuh ka beisei khawp mai, kan la tih ngai miah loh a ni a. English Medium School thenkhat pawh hian min pe ve dawn em ? an ti a, an pek theih der loh a nia private school chu, enrolment thar kan buatsaih leh hi chuanin sorkar school ah hian enrolment kan san phah pawh beiseina sang tak kan neih phah a ni tih kan sawi duh a.

Tin, kan ngaihla nual tawh a, DIET paruk District 6 atan kan hawng thar dawn ta a, kar leh chho ah hi chuan kan hawngthar thei turah kan ngai a. Tin, member zahawm tak Pu Khawpuiia khan vocationalization chungchanga kan sum hmuhte thil thar anih a rawn sawi a, a dik a. A hmandan tur ruahmanna kan siam chho mek a, hemi in a tum chu kan

Govt. Higher Secondary School angah hian ziak a an exam a an pass na mai piallamah hian practical a engemaw thamma bik an neih theihna tur atana zirtirna kan siam dawn a, vanneihthlak takin central sorkar atangin nuai 1350 min sanction a, hun rei lo teah kan hman theih ka ring a ni.

Tin, School 280 kan provincialised a kha Pu Speaker a thawktu 1300 kha Govt. ah kan la lut fel tawh ani tih House-ah hian kan hrilh duh a ni. Tin, Hindi ah chuan 500 kan la chho mek dawn a, hemi zawhah hian 687 dang District Council zawng zawng pawh a zirtirtu Hindi Primary in an neih vek theihna tur atan a daih tur kha ruahmanna kan siam a, hun reilote ah kan hmuh mai kan beisei a ni.

Tin, S.S.A. hi tinreng damdawi ang deuhin thil tam tak sport academy tih ang atangin primary zilaita sport lamah discipline hrang hrang kha kan han tih tir a hei hianin kawng lehlamah kawng tam takin an physical fitness atan te leh an ngaihtuahna thlengin pui turah kan ngai a ni.

Tin, nikuma India President in min tlawh tum khanin thil pakhat lo dil ve kan nei a, chu chu a hlawhtling pawh kan beisei a ni. Mizoramah hian computer hi sikul zawng zawng ah hian Govt. leh Aided School chin tawhah chuanin nei vek sela tih kan duh a ni tin kan lo hrilh ve a ni. Tichuan, project rawn siam ula kan ngaihtuah dawn nia a ti ve mai a, project chu kan han siam ve ta a, engtak ang maw, computer hi thingtlang kilkhawr ber pawhin a an hriat theihna turin dah vek kan tum a ni.

Tin, class room ah furniture tha hi an nei tawh lova a hlui tawh khawp mai a, kan han buatsaih a, teaching equipment hmangin Aizawl dist. phei chuan an zo tawh a, SSA hmangin green board te khatiang kha pek anni mek bawh ani tih kha kan sawi duh a ni. Tin, zirtirtu hi training kan ngai pawimawh em em a chumi avang chuan tunah hian Block Resource Centre hi 22 kan sa zo tawh a, Circle Resource Centre hi 159 turah 79 kan zo tawh a, chu chu kan achievement a ni.

Tin, heng bakah hian thil thenkhat SCERT ah hian thil tih tum a awm a. Chu chu Edusap Education Project hnuaiah a ni a, Wetwork activity Sikul zawng zawngah pek kan tum dawn a ni. Hemi atan hian Indian Space research a hmanrua tur tepawh hmuh kan nei tawh a, tunah hian teaching SCERT ah hian lak kan tum mek a ni. Hemi hmang hian Connectivity thingtlang kilkhawr ah pawh neih vek kan tum dawn a ni.

Tin, information and Communication Technology (ICT) hnuaiah hian High School leh Secondary School 95 ah Computer kan pe tawh a, 52 ah hianin pek leh thuai kan in beisei mek a ni.

Tin, kumin hianin National Talent Share kan ti a, State leh National examination Class X tan buatsaih tun a ni a, nikum leh kumin chhung khanin exam a ti tha mi paruk te hnenah Scholarship kan pe a ni.

Tin, keini District a lecturer lak thar 78 te kha min train sak bawk a. Chubakah chuan Adhoc Education High School zirlai te tan hianin chak takin kan kal pui a. Tin, Aids Education pawh hi SCERT hmangin chak takin kalpui a ni. Harsatna kan nei deuh hlek a, mahse tun hnaiah kan sukiang ve thei dawnin kan hria a kan lawm hle a ni.

Tin, English a hma kan sawn theih nan Aizawl leh Serchhip, Lunglei Kolasib, Champhai ah te District Centre for English CSS hnuaiyah kan kalpui mek a, Mamit ah pawh Centre thar neih kan beisei bawk a ni.

Tun hnaiah thil danglam tak mai kan Education ah hian kan nei ve ta a, nikun July leh August thla bawr vei khan in UK University a kal tur khan min sawm a. Chumi chungchangah chuanin ka zuk kal a. Kan sawi ho ber a chu Mizorama zirtirtu te hi quality tak tak nei a kan trained chhuah ngai a ni tih kha sawi a. Tah chuanin a training na tur atan hian ruahmanna kan han siam chho ta a. Kum khat training na tur atan hianin chung 350 a ngai dawn a kum nga chung atan MOU kan signed a, chuan kan tum dan chuan SCERT te hian an operate anga a tir lamah hian Secondary Education Teacher te kan ti hmasa dawn a, zirtirtu 16000 hi kum nga chung atan training kan pe dawn a ni. Kan sum mamawh hi kan Chief Minister in min ruahman sak a kan lawm hle a. Kum nga anih chuan nuai 1750 a ngai dawn a, tah chuan a training kha kan pechhuak dawn a. Quality of Education kan tihna tur atana a pawimawh lai tak a kha hei hi niin a lang a.

Chuvang chuan, hei hi Central Sorkar pawhin a ngai pawimawh zawng tak a ni a. Governor Conference-ah pawh khanin Presidents te, Vice te, Prime Minister etc. khangho awmnaah pawh khanin an sawi nasa a ni. India ramah Educationah hian quality tak tak nen kan kalna tur atana thil pawimawh state tinin kan ngaituah chhuah a tul zia an sawi a. Kan Governor pawh hian a vei a, sawi pawh a sawi zing hle a ni. Comprehensive Teacher Training in English kan ti a ni. A awmzia chu English a thiarma tak tak an neih na tur a training a ni dawn a ni.

Tin, General Teaching Skill an ti a, Zirtirna kawnga engemaw thiam taka an zirtir theihna tur atana tih tur ni hian kan hria a. Chu chu kan tihlawhtling thei dawn a, a lawmawm hle a ni. Khawvel a University tha ber zing ami a kan mithiam 15 ten Mizoramah rawn awmchilh ang a, min rawn train dawn a ni. Hei hian kawngro thui tak a sut kan beisei a. Kan han tarlang leh duh lawk a ni.

Tin, a quality chungchangah hian measure pahnih khat pawimawh kan lak ve deuh hlek a awm a. Tunah hian School tinah School Advisory Committee din turin hma kan la a. Kan din nual tawh a, mahse, kan V/C inthlan avangin V/C tharte kan nei a kan re-constitute leh a ngai dawn a. Tahlhian V/C, MHIP, YMA, MUP te leh NGO te nen kha School thatna tur Committee a ni dawn a, kan duh dan phei chuan kha Committee kha kar tin thu sela, kha School-a naupang tin kha an harsatna zirtirtuin an zirtirna kawngah pawh engnge harsatna an tawh, mipuiin engnge complain an neih, tih zawng zawng

en tura Advisory Committee a ni a. Hei hi a tak taka kan function chhoh thoh chuan vawinah kan thil sawi tam tak kha a kiang deuh awm mange aw, thu ngaihdan kan nei a ni.

Tin, hei naupang tlem lutuk tih lai kha nimirah khan Chanchinbu pakhat ka lmu a, Pu Speaker. He chanchinbu hi Times of India a ni a, nimirah piaha chhuakah khan an tlem lulai ve khawp mai a. 1 student, 1 teacher, 1 school tih a awm a. Chu chu Calcutta-ah khuan a ni a. Akashdutta Chowdhury hi a zirlai neih chhun a ni a. He Zirtirtu pakhat hian a thutpui a, hei chuan Akashdutta Chowdhury hi a awm loh chuan School an khar a, an zirtirtu a awm loh pawhin an khar a, a ti a, hei nuizathlak deuh zawngin a ziak a. An tlem ve khawp mai a. Hei hi ka sawi duhna chhan chu India ram huap anga Minister Conference kan neih pawhin State tam takin Zirtirtu Elementary Stage, a kan indaih lo hi a ni. Chuvang chuan, Mizoram hi kan ni bik vek lova. Mahse, hei kan improve chho zel a, nakin deuhah pheih chuan SSA hnuaiyah pawh Education Volunteer kha pawisa chhutchhuak ula, kan dah belh thei dawn lawm ni ti tein nimirah piaha khan Committee kan nei a. Engpawhnise, zirtirtu pakhat zirlai pakhat awm school hei a ziah danah pheih chuan - The oldest School in the State a ti nghe nghe a. Chutiangte pawh chu an lo awm ve nawk tawh a. He problem hi kan nei a ni. Chuan kan sawifo thin kan Education Rules kha hei House-ah hian kan lay hman dawn emaw chu aw, ka ti a.

Kan demand kan sawi hma hian Pu Speaker, mahse, kan la paih chhuak hman lo deuh hlek a. Kar leh kan Session chhung chuan Rules pali he House ah hian lay hman kan inbeisei a. Chungte chu - Mizoram Education Establishment and Management of Private Higher Secondary School Rules, 2006 tih te Mizoram Education Grant-in-Aid Rules for General Maintenance of Private School Rules, 2006 te.

Tin, Transfer and Posting of School Teacher, 2006 tih pawh kan rawn telh dawn a. Tin, Establishment and Management of Private High School Rules. Hengte hi tunah hian he House-a lay turin kan inbuatsaih mek a. Tun kan Session kalchho mekah hian kan ti hman mai thei a. Pu Speaker, engpawh nise, kan Act hi 2003 a he House-a kan lo neih tawh kha a ni a, tlem a mu rei deuh hlek a. Mahse, one man drafting Committee te dinin hetiang hian kan tichho ta a. Kan nei thei dawn ta niin ka hria a ni.

Awle, hei hun ka hmang rei viau tawh a, ka demand pawimawh tak mai pathum Pu Speaker, Demand No. 20-na School Education Rs. 205,49,70,000/-, Demand No. 26-na Information & Public Relations Rs. 5,19,00,000/-, Demand No. 36-na Environment & Forests Rs. 27,59,30,000/-. Total Rs. 238,28,00,000/-. Hengte hi he House-in min pawmpui turin ka rawn thelut e, ka lawm e.

S P E A K E R

Awle, hun a hmang dik chiah chiahin ka hria a. Dik ka tilna chhan chu darkar khat chiah chiah a ni a. Awle, kan Minister zahawm tak Dr.R.Lalthangliana'n

a demand te rawn sawifiah in pass a rawn dil ta a. Demand No. 20, 26 leh 36 te, a vaiin Rs. 238,28,00,000/- te hi pass remti a piangin 'remti' ti rawh u le, Remti lo kan em em? Remti lo chuan 'remtilo' ti rawh u le.

Awle, Dr R. Lalhangliana, Minister zahawm tak demand No. 20 School Education Rs. 205,49,70,000/-, Demand No. 26 Information and Public Relations, Rs. 5,19,00,000/- leh Demand No. 36, Environment and Forests Rs. 27,59,30,000/- a vaiin Rs. 238,28,00,000/- chu House in lungrual takin a pass ta a ni. (Dr R. Lalhangliana : Ka lawm e)

Tunah chuan Minister zahawm tak Pu H. Vanlalaiva a demand te rawn wind-up a pass rawn dil nghal turin ilo sawm ang.

PU H. VANLALAUVA : MINISTER Pu Speaker, ka lawm e. A tawpah tih tawh awm an ti a, darkar khat leh flem te chu kan hmang ve turah ngai ila. Amaherawhchhu, khawvel hmasawn zel leh Zoram ah pawh hma kan sawn zel naah hian thangthar te hian thusawi tawi hi thusawi thiamah an pawh deuh berin ka hria a. Thusawi thiam nih chu ka chak ve ang reng viau bawh si a. Engpawhnise, tlinglo tak chungga theihtawp kan lo thawh ve te, remchanna leia kan pholan a chakawm viau lain, hun heklo zawnga tih hram kan tum ang a, remchang dangah a kimchangin kan la pholang ve turah ngai ila.

A hmasa berin Jail (Under Home) tih a ni a. Hemi chungchang thua hian Kawnpui bialtu zahawm tak Pu Sailothanga Sailo khan Aizawl District Jail-a mutbu a chhe lutuk tiin a ngaimawh thu a sawi kha zep thu pawh a awm lova, kan lo hre vak lova, kan lo enzui ang e tiin kan hrilh duh a.

Tin, Ration Supply bill tang pek theih nise tiin a dilsak bawh a, keini pawh hian ni leibat hi hrehawm kan ti a, pek theih dan kawng theihtawpin kan zawng a, kan theih chin chin kan pe a, hei thahnemngai taka rawn bawhzui zel kan tum ang. Khawbung bialtu zahawm tak Pu Auva khan Under Home within bracket hi thai chhiat ni tawh sela a tha mang e a ti a. Department ina tih ngawt theih a ni lova, sawiho ang e tih kan sawi duh a.

Tin, Saiha bialtu zahawm tak Pu S. Hiato khanin Jail tang zalen lutuk, lenga haw leh mai tiin tih kha a sawi deuh va. Amaherawhchhu kha kha hmana House a a sawi tawh bak kha chu a awm tawh lova. Amaherawhchhu, chu vanduinana kan tawh a, keimahni fimkhur loh leh kan thiamloh tak pawh a ni thei ang chu. December, 2004/2005 khanin mi 5 an leng nilovin an tlanchhuak hlauh mai a chu chu kan buaipui khawp mai a, vanneihlak takin an pangain kan mankim leh thuai a, kan lawm khawp a. Tin, hemi avang hian kan Jail Warder pakhat pheih chu a bana ban tawp a ni hial a, chutiang chuan Action la-in fimkhur leh zual turin theihtawpin tan kan la a ni tih kan hrilh duh a.

Tin, Pu F. Lal Thanzuala, Hnahthial bialtu zahawmtak kan jail tang tlem hi a lawmawm zia kha a rawn sawi a, kha kha a dik khawp a, kan Law & Order lamah pawh Mizoram hi a tha thawkhat a ni tih hei hian a tilang a. Tunah hian kan jail neih 6 capacity hi 1004 awm theihna anih lain, tunah hian 832 tang kan nei a, mi 170 seat a ruak a ni. Pu Tuaia te hla ang deuh hlekin hmun ala awm e jail vengah tih hla kha jail lamah chuan sak theih a ni.

Tin, Pu K. Latrinliana, Kolasib bialtu zahawmtak khan Kolasib jail tawt zia a sawi ve thung a, hei hi a dik chiah mai a. Kolasib District Jail-ah hian 72 awm theihna tur a ni a. Tunah hian 134-an awm thung a ni. Amaherawchu, a vaia chawhruah chuan 170 hmun a ruah lain Kolasib District Jail-ah chuan a capacity aini 62-in an tam thung a. Hei hi hmalak mek a ni a, building thar te sak belhin Vairengte lamah te pawh Sub-jail buatsaih tum a ni tih kha ka sawi duh a.

Tin, Tuipang bialtu Pu P.P. Thawla khan Saiha Jail cheithat a ngaihzia leh thawktu indaihlohna a rawn sawi a, hei hi a pawimawh khawp a, tunah hian a chei hna building thar te pawh sak a, building awmsa te pawh a theih ang ang a repair ngai te repairin hma a la mek a, thawktu indaih lohna chungchang thu pawh hi kan hotute hnenah thlena dil mek a ni tih ka hrilh duh a.

Tin, kan Opposition Leader zahawm tak Serchhip bialtu Pu Lal Thanhawla khan jail manual siam that tul a tih zia a rawn sawi a. Hei hi keimah mimal tak pawhin ka vei ve em em a ni a. He mawhphuhna kan chan phat atang khan kan buaipui a, jail-a kan tan lai atanga Assam Jail Manual lo kham hrim hrim ka nih avang khan Mizoram Jail Manual neih thuai kan tum a, kan peih tep tawh lain central lamin state tina hman tur Jail Manual a rawn tichhuak hlauh mai a, chumi ena herrem leh ngai chu a lo awm a. Tunah hian kan mithiam te ruaiin a herrem hna thawh leh mek a ni a, rei lutuk lovah kan zawh fel leh theih tho chu kan in beisei a ni tih ka hrilh duh a ni.

Tin, vawim niah kan member ten an ngaih pawimawh leh an ngaih mawh an sawi zawng zawng kha ziakin kan chhinchhiah veka kan rawn bawhzui ang tih ka hrilh duh bawk a ni. Mizoram hian jail 6 (paruk) kan nei a, Central Jail Aizawl ah, District Jail hi Aizawl ah, Lunglei, Saiha, Kolasih leh Champhai ah te neih a ni a. Tlabungah Sub-jail mi 72 awm theihna sak zawh tawh a ni a. Amaherawchu, thawktu indaih lohna avang tein kan la function lo a, kan la luah mai thei rih lo deuh a. Chutihlei chuan district jail thar 3 sak mek a ni bawk a. Lawngtlai, Serchhip leh Mamit ah te nichina sawi tawh ang khan kan Speaker bial Vairengte ah pawh Sub-jail sak tum a ni bawk a ni tih kan sawi duh a ni.

Tin, Jail Manual chungchang thu chu tuna kan Opposition Leader zahawm tak sawi kan han hrihfiadma kha sawinawn ngai tawh lovah dah ilangin a thain ka ring a. Thawktute zawng zawng rilruah jail hi misual te hremna angah kan ngai a, lung in tang han tih reng reng chuan hremna tuar mekah Mizo thinlung hian a ngai vek a. Hei hi tha lovin kan hria a, misual te hremna hmun ni lova, misual te siam thatna hmun ni tura tan kan lak hi tulin kan hria a. Chuvang chuan, theihtawp chhuahin kan phak ang tawh tawkah hmalak a ni a, jail tinah hian Board of Visitor din a ni a. Special Interview with Family leh Counselling mamawh te tan buatsaih sak an ni thin bawh a.

Tin, Jail Deptt. Officers te leh Staff te seminar emaw training emaw programme te a khat tawkin siam sak an ni thin a. Jail tang lehkha zir duhte tana lehkha zir theihna kan ngaihtuah sakin Library te kan buatsaih sak bawh a. Kutthemthiamna lam zirna te, Mistiri hna lam Carpenter leh thil dang dang te Central Jail-ah phei chuan din a ni tawh a. Chutah chuan Contractor tam takin tukverh frame te chokut leh bangchehna kan tih ang chi thil tam tak an rawn order ve tawha a lawmawm kan ti hle a, chungah chuan kutthemthiamna mai ni lovin henga taima taka thawkte chu an thawhchhuah atangin lawman te pawh siam sak an ni a. Chutiang chuan tan kan han la ve a ni.

Tin, Kohhran hrang hrang leh NGO hrang hrang te pawhin crusade te camping te an rawn buatsaih sak thin a, a lawmawm kan ti hle a. Tin, ZEF te, Shalom an tih te phei hi chuanin regular takin programme hi an rawn nei thin a ni. Amaherawhchu, kan duh angin misual siamthatna ni tur hian thil tih that chu a har hle. Engpawhnise, hetiang tur chuan Mizoram State Chief Minister hmasa berin a sawi angin kan thinlung lam kan develope phawt te pawh hi a ngaiin a lang a, awareness campaign te pawh kan mamawh hlein kan hria a ni. Bible-in "Buhseng tur a tam hle si a, nimahsela thawktute an tlem" a tih ang deuh hlek khan misual siamthat ngai kan ngah ropui si a. Mahse, jail-ah hian thawktu an tlem em em mai a. Chuvang chuan, vawihin niah kan House zahawm takah hian ka sawi duh chu jail department hian thawktu kan mamawh belh takzet a post ruak 43 kan neih te hi tlem a zawng tal chu hnawhkhat thei ila kan duh tak zet a ni.

Pu Speaker, nikuma kan budget aain kuminah hian nuai 10 zetin kan budget hi a pung niin ka hria a, ka chhut suai loh chuan heng hi tangkai tak leh dik taka hmang turin deptt. a inbuatsaih a ni tih House kan hrih duh a ni. Awle, chu chu jail lamah chuan ni rih mai selangin.

District Council Affairs-ah hian Saiha bialtu zahawm tak Pu S. Hiato khanin nominated member ten vote an nei theilo a tih chungchang te leh, a lo pianchhuah dan diklo chungchang te leh thiling dang kha a sawi a. Nominated seat member ten vote an neih theih leh theih loh chungchangah chuan High Court-ah thlen a ni a. Keini lam nilovin, diklo titu tan

an thlen si chuan High Court chuanin interim order a rawn siam a, vote an nei thei vek a ni tih order a rawn chhuah tawh a. (interim order-in kan tia ni) a bak zawng zawng hi chu tunah hian CEM ruat dan te, Chairman thlan dan etc. heng zawng zawng hi High Court ah a dik lo a ni titu ten a n thehluh avangin High Court thubuai kallai mek a ni a. Pu Speaker, helai House-ah hian kan dikna emaw kan thiam thu emaw sawina hmun a ni rihlo-in ka hria a. Sorkar chuan dik takin District Council hi enkawlin kan hria a.

A lehlamah chuan kan ngaihthlak tawh ang leh Kawrthah bialtu zahawm takin a sawi ang khan in a vawtu in ek a cheh tih te pawh hi kan ang thei mai em ? Tute hunlaiin emaw Governor Special Power nasa taka lo pek hman a lo nih takah hian a tuartu tan chuan a na deuh a ni mai thei a. Engpawh nisela, thudik chu Court-in a rawn puang turah ngai ilangin a thain ka ring a. Chu chu kan Opposition Leader zahawm takin a rawn sawi, enkawidan dik leh dikloh chungchang thu pawh kha reiloteah High Court-in a rawn puangin beisei ila a thain ka ring e.

Tin, Pu P.P. Thawla, Tuipang bialtu zahawm takin budget hi a lo beitham deuh a R.E. lamah tal tanlak nisela tih rawtna an siam hi a lawmawm khawp a. Hei hi kan lo chhinchhiah ang a, tanlak ngei pawh kan lo tum a ng tih kan hrilh duh a.

Tin, Pu Speaker, jail chungchang pawh DCA ah pawh, LAD ah a ni emaw kan member ten in ngaihawh in han sawi zawng zawng leh inngaih pawimawh in sawi zawng zawng kha uluk takin kim takin kei leh ka officer ten ziakin kan lo chhinchhiah a, ka rawn react loh pawh kan bawhzui dawn a ni tih ka hrilh duh bawk che u a ni. Tichuan, District Council 3 kan neih te hi general election CDC ah 2003 ah neih a ni a. MADC ah 2005, April thla ah neih a ni a. LADC ah hian 2005, October thla-ah neih a ni a, tunah hi chuan Pathian khawngaihna azarah ruling MNF sorkar vekin a kal ve rin a, engchen nge ni a kal zel ang tih erawh chu Pathian chauh lo chuan kan hrelo anga, hei hi a vanneih thlak hlein ka hria a. A enkawltu tan chuan thil lawmawm tak pawh niin ka hria.

Tin, kan hun chung hian District Council Rules & Regulation hi 24 kan siam tawh a, tunah hian buatsaih mek engemaw zat ala awm bawk a ni. Tin, Model Code of Conduct Commission of India in a Election Model Code of Conduct 2004 a tihchhuah kha enin khami zulzui khan kan District Council mila siamtha-in, hman turin buatsaih a ni. Governor pawmpuina kan lak hnuah Mizoram Gazette ah ni 27.10.2005 khan chhuah a ni tawh ani tih House kan hrilh duh bawk a.

Tin, hmasawna sawi tur kan ngah lutuk lo na-in, kan hun chung hian Dokulha Hall, Lawngtlai ah te kan sa a. LAD Session Hall Lawngtlai ah sak mek a ni bawk a, CADC Rest House Kamalanagar (Chawngte) ah sak a ni a. CADC Rest House, Aizawl-ah sak a ni bawk a. CADC Capital Kamalanagar (Chawngte) ah market building tha tak sak a ni bawk a ni. Heng bakah hian Central Sponsored Scheme (CSS) hnuai cheng vaibelchhe 22 nuai 51 kan hmuh te hmangin hna engemaw zat thawh ani bawk a ni tih kan sawi duh a.

Tin, LADC in vannneih thlak takin Rasthya San-Vikas Yazona (RSVY) an tih backward district te tana central-in a pek thin kha an hmu ve hlauh mai a, kum 3 chhung atan hmun a ni a. Kum tin vaibelchhe 15 kum 3 chhungah chuan vaibelchhe 45 an dawng dawn a ni. LADC ah he sum hmang hian Seri lamah hmalak chhoh mek ani tih kan sawi duh a.

Tin, Mizoram sorkar hnathawk tena an dawn thin Housing Loan (LIC)/HBA) hi District Council a thawktu te hian an dawng ve thei lova, an buai em em a, chu chu kan sorkar veleh khan theihtawp chhuahin hma kan la a 1999-2000 atangin an lo hmu ve ta a, 1999-2000 atang khan LADC ah hian thawktu 823 in an hmu tawh a,vaibelchhe 12 a ni. MADC ah 440 in an hmu tawh a. CADC ah 454 in an hmu tawh a, vaibelchhe 6.1 a ni. A vaiin Council hnathawktu ten Housing Loan HUDCO atangin mi 1717 in an hmu tawh a. A pawisa in vaibelchhe 22.51 a ni.

Tin, fakawm em em na an neih chu Revenue collection ah hian an ti tha hle a ni. 2004-05 ah khan Rs. 12,78,000 in an target an khum a ni. 2005-2006 hi ala lut kim lo deuh a. Tunah hian February tir atanga lo lut hriat theih chin chu Rs. 93,45,452 a lut tawh a, hmu tiam a ral chuan target an khum leh mai awm mange tiin kan beisei a ni. Kan budget hi nikum lam aiin Rs. 3,49,30,000 velin a tamin ka hria a, a lawmawm hle a. Duhtawk ni lo mahse diktak leh tangkai taka hmang turin deptt. a in buatsaih a ni tih House kan hrih duh a ni.

LAD lam sawi ve leh ila Pu Lalduhoma khan V/C roll chhut hi engatinge sorkar press ah pek a nih loh ? khawiah nge chhut a nih tih kha a pawimawh hle a. Nikum lamah kan che fuh lo deuh hlek a. Finance lam pawhin min buaipuia deptt. in khawl lei mai rawh u min ti a, khawl kan lei ta a. Chu chuan roll te, ballot paper te, symbol te chhut tur chhut ngai zawng zawng kha deptt. khawl a chhut ani ta a ni.

Tin, tun maia V/C election 24.2.2006-a kan neih taka Drawn Village 94 ah te khan Executive Body siam a ni tawh em ? tih kha tuna report ka dawnah chuan 94 ah khan V/C 2 in an la siam thei lova, chu chu Lungrang 'S' Lunglei District leh Electric Veng Aizawl te an ni a. Hei hi thutawp kan la siam chiah lo nain tun thla ni 31 thlenga (heng mi te lo pawh) Executive Body siam thei lo an nih chuan (March thla chhunga an insiam theih loh chuan) sorkarin C.A. a awp tir mai a ngaiin a rinawm a ni.

Tin, Pu Latriniana Sailo in V/C inthlan dawnah NBCC hna tiamin hma an la a tih kha sorkarin a hre ve hauh lo mai a, hei hi chu han chhan ngaihna pawh ka hre lo a ni.

Tin, LIC/HBA hi opposition lam te pawh pek ve nise tiha kha a board member te tihloh chuan tute mahin quota an nei lova. Recommend erawh chu theih a ni a. I dinglama mite, i veilam mite pawhin recommend an siam theih a ni a. A theih chin chin chu lak thin a ni e.

Tin, Lunglei 'S' bialtu Pu Lalthmingthanga khan Urban Fund khawpui chei nana hmana hi Lunglei lamah a hman ve theih lawm ni ? tih kha tunah hian hmalak tuma inbuatsaih mek a ni a. Mahse, Lunglei decoration nipahfawma market han sak tum kha erawh chu a hmun thuah sorkar duhdan leh Lunglei lam duhdan ala innil thei lova. Sanction a awm tawh nain hmalak a ni rih lova, theihtawp chhuahin hmalak tum a beih mek a ni.

Tin, V/C danpui siam kan mamawh zia kha kan sawi deuh theuh maia kan Opposition Leader pawhin a rawn ngai pawimawh a, hei hi zawhnaah pawh kan sawi tawh ang khan V/C dan hi draft a ni tawh a, reilo teah peih a nih a beisei awm e. Panchayati Raj ami Mizo hnam nun, kan tradition te nena innil leh kan thatpui tur chi ni a hriat zawng zawng leh kan village council dan dinglai ami kan hnam rohlu leh tha zawng zawng te la khawmin Mizoram Village Council Act buatsaih a ni a. Law in a vet tawh a, ennawn ngai tem a awm a a hriat avangin Cabinet ah kan la chhawp chhuah mai a ni a. Reiloteah hei hi Cabinet a chhawp chhuah a nih a rinawm a. Tum mi chu amendment nilovin rewrite kan ti dawn nge dan thar tak tak a siam a ni a. Mi thiam bikte OSD a ruaia kan buatsaih a ni a. Hei hi inthlan lehah chuan hman theihthe pawh beisei ila.

Tin, a rules, V/C inthlan dan Presiding Officer emaw RO emaw hmaa ballot box paidhat hunga Vote thlak a inthlanma system kha a rules kan duang fel tawh a. Law in a vet zo tawh a. Tunah hian Cabinet ah chhawp chhuah mek a ni. Inthlan lehah chuan hman theih ngei beisei a ni e tih kha vawinniah House ka hrilh duh a. Tin, Pu Lalsangzuala, MLA zahawm takin footpath leh pedestrian pavement siam chawhhsan, chhauzawm leh theih a ni tawh lawm ni tih kha tunah hian chhauzawm turin buatsaih mek a ni a. Aizawl hmar lamahte tul leh pawimawh chu hmalak tum a ni e tih kha Suangpuilawn bialtu zahawm tak kha ka hrilh duh a.

Tin, traffic leh parking chungchang thuah hian tunah chuan a Committee siamin traffic leh parking chungchangah High Level Committee, kan Minister zahawm tak Chairman na hnuaiah, (Pu Sangthuama Chairman na hnuaiah) siam a ni a. Chu chuan a buaipui mek a, theihtawp a chhuah a ni. Tin, car parking loan chungchang thu kha, tawp ta anga sawi kha keini LAD nodal department ni thin kha sorkarin tul leh pawimawh nia a hriat avangin Industry Department nodal department atana a siam an ni ta a. Hei hi eng ang takin nge tunah a dinhnun ka sawi mai thei lova. Kal zel tur a niah ka ngai a ni.

Tin, Pu Saikapthianga, Kawrthah bialtu ina LAD hian thingtlang lam enkawl leh dan hi a awm lawm ni a tih, member dangte Phuldungsei bialtute leh member dangte pawhin an rawn zawhna leh sawilan a kha tunah hian tunhna ang bawka a Village Council enkawltu anih avanga LAD hian thingtlang khawtin hi a enkawl leh hi tul leh pawimawh a ti a. Amaherawhehu, heng hi RD te nena thil sawiho ngai chi anih avangin GAD in tunah hian hma la in min enpui mek a. Keini LAD chuan a hma ang bawka enkawl leh theih ngei hi kan tum dan leh kan duhdan a ni e tih kha vawinniah kan chhanna niselangin.

Tin, Pu H. Liangsailova, Aizawl North II bialtu ina municipality chungchang a rawn sawi a kha a draft bill buatsaih pek vek a ni tawh a. Law in a vet a, law in ennawn ngai hret awma a hriat avangin Department ah a rawn thawn kir a. Department in a ennawn leh tawh a. Tichuan a bu thar a siam leh vek a, law ah a pelut leh tawh a. Tunah hian chu chu a dinhmun mek a ni a, law in a vet zawhah Cabinet ah pelut turin chhawp chhuah ala ni dawn a. Hei hi Pu Speaker, ka rin dan nge ni ka hriat thawi danin naktuk lamah te pawh private bill engemaw kal tur awm ni awm tak te pawhin ka hria a. Chungah chuan kimchang zawkin la sawi tlang turah ngai ila a tha in a rinawm e.

Tin, Pu D. Thangliana, North Vanlaphai bialtu zahawm takin Serchhip DLAG Office la nei ve lo hi ngaih pawimawh a heng hi buatsaih theih a ni lawm ni? an tih kha. Tunah hian a hmun an nei tawh a. A sakna turin sum pawh dah a ni tawh a. 2006-2007 chhung hian sak zawk hman ngei kan beisei e tih kha kan chhanna nise.

Tin, LIC/HBA loan tih pun tih hi a sawi ang khan category tinah khan loanee pakhat tan MIG - I, MIG - II ah leh LIG ah Rs. 25000 vek a tihpun a ni a. Chuvang chuan tun tumah hi chuan a loanee kha (a beneficiary kha) an tlem dawn, chutah chuan kan in hriatthiam tlan a ngai awm e. Tin, Kolasib bialtu zahawm tak Pu K. Lalinlian Kolasib Town Road siam a ngaih pawimawh thu a rawn sawi kha tunah hian first priority pek a ni a. Project Report te pawh engkim tih tawh a ni a. Reiloteah hmalak chhoh theih a beisei awm a ni. Tin, town planning pawimawh zia an sawi kha a ni khawp mai a, a pawimawh a, Directorate hranga awm tur pawhin Cabinet-ah a ngaihtuah mek lain Aizawl Development Authority lo piang tur avang hian en chian viau ngain a lang leh ta rih a ni. Town Planning te hi kan Senior Town & Country Planner ho hian hna an thawk ropui a an thawk nasa em em a, kan market zawng zawng te, tin, Aizawl City leh hmun dang pawimawh zawng zawng Master plan nen, an hna hi a turu a. Aizawl khawpui a in sa tur zawng zawng endik sak a, verified vek a lo ngai a, hengah hian an hah a, an ngaih pawimawh awm khawp mai, mahse, tunah hian sum hei aia tam dah tur chuan RE lama kan chet a ngai dawn a, kan lo chhinchhiah ang e tih ka sawi duh a.

Tin, Opposition Leader zahawm takin LAD in Urban fund lo ken ngawt mai hi a tawk lova eng emaw siam a ngai a, Central-ah chuan Ministry pahnih an awm tawh a ni lawm ni a tih kha sorkarin a ngai pawimawh a, Cabinet hnuhnung berah khan a principle in Urban Development Department hi din ni rawh se, tiin a lo pass tawh a. Mahse, High level Committee in a concern tur Department hrang hranga Officer te lo ko khawmin lo ngaihtuahin lo hrual mum sela tiin kan Chief Secretary Chairman na hnuaiah Committee din a ni a, hei hi ngaihtuah kal lai mek a ni a, reiloteah Urban Development Department hi a lo pian a beisei awm a ni tih vawinniah kan in hrilh nisela. Tin, kan fai ber tur ni Chawlnhiah kan bawlhhlawh tam ter ni awm hial a sawi kha a dik ang a, mahse, bazaar hi LAD in a keng tel lova khawlai dung hi LAD enkawl a ni a, bazaar enkawltu hi Trade & Commerce lam anni a, theih tawp chhuah a lo tanpui leh hma lo lakpui kan tum ang e tiin House ka hrilh nise. Tin, Municipality chungchang an sawi kha chu kan sawi tawh kha ring mai ila a tha in ka ring a.

Tin, LAD hi Village Council enkawltu a ni a, tun tuma February ni 24 leh 25 V/C kan inthlan tum kha chuan V/C 556 kan awm a, 3 (pathum) inthlang lo an awm avangin 553 ah inthlan a ni a. He mi bakah hian District Council Area-ah LADC ah hian V/C 88 a awm a. MADC ah V/C 62 a awm a, CADC ah V/C 69 a awm a. Tichuan, kan District Council 3-ah hian V/C 219 a awm bawk a. Tichuan Mizoramah hian V/C hi 775 a awm anih chu. V/C te pawimawh zia hi ka sorkar bulthut anih vangin Sorkar hian an pawimawhna a hrechiang a. Chumi atan chuan kan Dan thar siamah pawh an lawman tilpun vak lam aini an thuneilma, an pawimawhna kha ka dahsan tulin a hria a. Chutiang chuan buatsaih a ni tih kan sawi duh a.

Tin, LAD hian Dan siam chungchang thuah Department dangte a thuk haah lo ang a. V/C dan kan hman mek amendment hi ka hun chhungin tum 2 neih a ni tawh a. Tin, V/C Dan a Rules siamthat hi tum 2 bawk neih a ni a. Tin, draft bill Mizoram Village Council Act nichina kan sawi tawh kha a awm a. Tin, draft bill bawk Municipal Panchayati Act tih a awm bawk a. Tin, draft bill Mizoram Municipalities Bill, 2004 a awm bawk a, Law Department in a en mek a. Tin, The Mizoram Election to Village Council 7th Amendment Rules 2006 inthlan dan Cabinet a chhawp chhuah mek kan tih a kha a ni a.

Tin, The Mizoram Urban and Regional Development Act leh Rules siam a ni tawh a. Tin, Mizoram Building Regulation siam a ni a. Tin, The Aizawl Authority Act leh Rules siam a ni tawh a. A rules pawh tun Session-ah lay a nih tawh kha. Tin, The Aizawl Development Master Plan and Zonal Development Plan Rules 2005 leh a dangte buatsaih mek a awm bawk a ni tih kha vawiinniah kan sawi duh a. Hei Pu Speaker hun a kal tam dawn a. Chuvang chuan kan development hna lo thawh ve ang ang te pawh vawiinniah sawina hun kan neilo ah ngai mai ila, a tha in ka ring a. Chuvang chuan, kan development hna lo thawh ve ang angte pawh vawinah sawina hun ka nei nih loah ngai mai ilangin thain ka ring a.

Mizoram khawpui tinah kal ilang. LAD hnathawh Mizoram khawpui a nute hi mitchhinglui tlat tan lo chuan hmuh theih chi a ni lo a ni ti mai ila a chiang mai awm e. Dar rul khai kan en duh lova, lehlam hawi tlat ang kha kan nih loh chuan LAD ina kan ram development hna a thawh te hi chu a hmuh theih mai a. Market building RCC ringawt pawh hi a thahnem tawh a ni tih kha kan hre awm e.

Tin, Sanitation lamah pawh sorkar tan lak dan hi a namai lo va. Amaherawhchu,

PU R. LALZIRLIANA

: Pu Speaker, Capital Complex lama retaining wall leh hna thawhna ah khuanin Sairang Balu khu Phaphin kan tih mai khutiang

khu an chhek khawl a, an hmang ta tlat mai a. MDCC hote hian an lak that thin vei nen a chhe ta riau mai an ti a, hei hi khawngaihin min enzui sak thei ang em? kan ti a ni.

PU H. VANLALAUVA
MINISTER

Pu Speaker, kan lo enzui ang a, tin, a tha lo a nih chuan hman loh tir ngei pawh kan lo tum ang e.

PU ANDREW LALHERLIANA

Pu Speaker, municipality chungchang thuah khan kar kalta Starred Question zawhna kan member zahawm tak Pu Liansai-

lova zawhnaah khan Municipality hi siam tumna a awm em? tih kha tum lo ti khan in chhang bawh si a. Tunah hianin tum awm tak khan i sawi leh bawh si a, a va mak ve.

PU H. VANLALAUVA
MINISTER

Pu Speaker, khalai chungchang kha chu naktuk lamah kan chai ang a, a tha maiin a rinawm e.

PU LALDUHOMA

Pu Speaker, ka bialah khan V/C Inthlana inthlang ve ta lo, harsatna kan tawh avangin khaw hnih a awm a, kha kha engtikah nge ni an inthlan ve theih ang le?

PU H. VANLALAUVA
MINISTER

Pu Speaker, Ratu bialtu zahawm tak zawhna kha khilayah Tinghmun leh Sakawrdai an inthlang ta lo, kha a ni a. Engpawh niselangin a

inthlang thei Village Council-ah Executive Body Form thei lote an awm chuan C.A awp tir a ngai ang a, chungte nen a a ruala V/C inthlanna neih tir a ngai dawn a, chuvangin hemi hun tiana hi han ral phawt selangin chutah chuan sorkarin V/C inthlang lote inthlanna chu a la buatsaih dawn a ni. Aizawl West I bialah pawh inthlan ngai turin a lang a, chungte nena a rual a buatsaih chu sorkarin a tum a ni.

Sanitation lamah kan Chief Minister hovin India ram a State fair ber nih tuma hma la kan ni a, mahse, amah kan hnam pa keinin a kan tih, State Chief Minister hmasa ber Pu Denga an tih angin kan rilru hi kan develop phawt loh chuan fai a tangkai zia kan in zirtir phawt loh chuan a har khawp mai a, theihtawp chhuahin sorkar chuan hma a la a, Clean Mizoram Committee te dinin kan Hon'ble Chief Minister Chairman na hnuaiah State Level Committee din a ni a, tin, District tinah kan DC te Chairman na hnuaiah din a ni bawh a. Tin, Village Level thlengin Clean Mizoram Committee hi din a ni tawh a, tin, Clean Mizoram Office-ah kan CEO leh EO te, thawktu dangte nen theihtawp chhuahin kawla ni chhuak chhiarin an bei a, tlem chuan hma kan sawnin kan hria. Mahse, awarness campaign kan la

mamawh hle kan thilung lama faina leh thianghlimna pawimawh zia hi kan in tuh nghek a ngaiin kan hria a. Tin, hmialakna sawt viau leh hlawhtling viaua kan inngaihna chu thalai TKP a ni emaw KTP a ni emaw Kohhran hmeichhe khawmpuite pawhin faina lama in elna leh thupui a hmang a programme siamte an lo luar chiho ta hian kan hlawhtling dawn niin min rin tir a, min ti lawm viau va. Tin, hengah hian Aizawl khawpui a bawlhhlawh han phurhna turin trailer te kan siam a, chumi station tur te chu buatsaih theitawp chhuahin sawnglai kawng dunga an dah mai mai te saw trailer ah vawm khawm a hnuh zung zung a, station-ah khan dah turin kan in buatsaih a ni.

Tin, bawlhhlawh sawngbawlna thar tunah hian Organic Farming State kan inti ta bawk a, chumi ti hlawhtling tur chuan kan bawlhhlawh te hi lei tha a siam turin kan in buatsaih a. Tunah hian Tuirialah hna kan tan chho mek a, kan hlawhtlin ngei pawh kan in beisei a. Tin nichina kan sawi ang khan trailer kan tilte leh Dumping Station kan han tilte pawh kha tunah hian Zemabawk dai Riangaite thlanmual kan tih mai velah khuan a hmun siam turin kan inbuatsaih a, hma kan la mek a ni tih kha kan sawi leh duh a. Tin, kan sawi tawh ang khan LAD ah thil thar reilo te a awm tura beisei te chu - Aizawl Development Authority (ADA) kan tih hi a function theih tawh beisei a ni a, Rules pawh kan lay tawh a, churang chuan session zawh hnu rei vak lovah hi chuan a lo pian kan beisei in kan ring a ni.

Tin, Jawaharlal Nehru National Urban__ Mission Scheme thar lianpui lo piang a, a dawn thileng atan hian Urban Development Department ka lo din thuai tulin hriat a ni a. Chuta tan chuan in buatsaih mek a ni bawk a ni. Pu Speaker, a tawp berah chuan kum 2005 - 2006 budget aia kumin 2006 - 2007 a kan budget vaibelchhe 11 nuai 12 leh singli vel laiin tamin kan hria a, lawmawm kan ti em em a, hengte hi dik tak leh tangkai taka hmang turin department hi thilung takin a in buatsaih a ni tih House hi ka hriattir duh a. Pu Speaker, Mizoram Governor recommend ang leh I remtihna a ka demand ka rawn submit tawh zawng zawng heng demand no. 16 Jail (Under Home) Rs. 8,21,25,000, no. 19-na Local Administration Department Rs. 65,49,20,000, no. 27-na District Council Affairs Rs. 67,77,00,000 a vaiin Rs. 141,47,45,000 te hi he House hian min pawmpui a min pass pui turin ka ngen a ni e. Ka lawm e.

S P E A K E R : Awle, Minister zahawm tak Pu H. Vanlalauvan a demand te rawn sawifiahin pass a rawn dil a. Demand no. 16,19 leh 27 te, a vaiin Rs. 141,47,45,000 te hi pass remti apiangin 'remti' ti rawh u le, remti lo kan awm em remti lo kan awm chuan 'remti lo' ti rawh u le. Awle, Pu H. Vanlalauva demand no. 16-Jail (Under Home) Rs. 8,21,25,000, no. 19- Local Administration Department Rs. 65,49,20,000, no. 27- District Council Affairs Rs. 67,77,00,000 a vaiin Rs. 141,47,45,000 te hi House in lungrual takin a pass a ni.

Awle, vawiin a kan business chu kan lo zo ta a. Kan chawl rih ang a, naktuk ni 24, March, 2006 dar 10:30 AM ah kan thukhawm leh dawn nia. Sitting is adjourned.

Adjourned at 7:25 PM.

...577/-